






29001/A  
 Scarce. Original Edition 638  
 G XX.13  
 Unknown to London who gives the Edi-  
 tion of 1720. - unknown to Meca  
 G. Perfect. Scarce

57  
 367  
 118



James Comerford.

29001/A

G

G

Page



65.C.35

30091

Payne  
12/7/11

G

G



ΛΟΙΜΟΛΟΓΙΑ.  
SIVE  
PESTIS NUPERÆ  
APUD  
POPULUM LONDINENSEM  
GRASSANTIS  
NARRATIO HISTORICA.

Authore *Nathanaele Hodges*, M. D.  
è Colleg. Londin.

*Non quarit eger Medicum eloquentem, sed sanantem, si tamen ita competit, ut idem ille qui sanare potest, comptè de iis quæ faciendæ sunt, differat, boni consulat. Sen.*

LONDINI,  
Typis Gul. Godbid, Sumptibus Josephi Nevill  
& prostant venales ad Signum Canis  
Leporarii in Cœmiterio Paulino, 1672.

30091



Egregio, & Spectatissimo Viro  
 Georgio Waterman Militi &  
 Prætori, Johanni Howell Militi,  
 Syndico, & Seruienti ad Legem,  
 Richardo Chiverton Militi,  
 Thomæ Allen Equiti & Baro-  
 netto, Johanni Fredericke Militi,  
 Johanni Robinson Equiti &  
 Baronetto, Duci Regio ad Turrim,  
 Johanni Lawrence, Militi, Tho-  
 mæ Bludworth Militi, Gulielmo  
 Turner Militi, Richardo Ford  
 Militi, Samueli Starling Militi,  
 Roberto Hanson Militi, Guliel-  
 mo Hooker Militi, Roberto Vi-  
 ner, Equiti & Baronetto, Jose-  
 pho Shelden Militi, Dionisio  
 Gauden Militi, Tho. Davies  
 Militi, Johanni Forth Armigero,  
 Francisco Chaplin Militi, Jo-  
 hanni

Johanni Smith *Militi*, Jacobo Edwards *Militi*, Patien. Ward *Armigero*, Dannetto Forth *Armigero*,

Johanni Dawes *Militi*,  
 Roberto Clayton *Militi*,  
 } *Viccomitibus*  
 } *Londin. &*  
 } *Middlef.*

Johanni Moore *Armigero*, *Celeberr. Civitatis Londin. Senatoribus Dignissimis, Populoque Londinensi S. P. D.*

*Patres Conscripti, & Cives optimi.*

**U**TI solenne apud Veteres aquam haurienti fontem vernis flosculis decorare, pari ratione me decet acceptam à *Vobis* Provinciam, Studio, & diligentia mea reddere ornatam. Hoc Equidem muneris lubenter *Vobis* jubentibus suscepi, Faventibus, impendio conficere aggressus sum; adeoque sperandum, quod sub *Vestris* *Auspiciis* tam prosperè gestum sit, id nunquam *Gratiâ* & *Patrecinio* *Vestro* posse orbari. Nullus dubito



dubito *Vos omnes* mecum juxtà velle *Regem Nostrum Serenissimum* pono, supplicique cultu Venerari, *Qui*, ut *sibi Civitate suâ Londinensi*, nihil chariùs, pensiusque videretur (quippe de *Vestrâ* veluti *Totius Regni Salute* admodùm sollicito) *medicos* ad vim *Pestis* edomandam constitui voluit: *En Indulgentissimum Patriæ Patrem Sceptro, & Purpurâ* ultrò aliquantispèr sepositis, *Civium Suorum Sanitati Consulentem*: *En Regni etiam mineralis Imperatorem*, in *Chemiâ* versatissimum, ut *Metropoli languenti* succurratur, *Antidota* verè *Regia* propriis manibus conscientem! *En Medicinæ majestatem*, *pristinamque ejus Dignitatem*, scil. *Monarchiam* propè subversam, auspiciò jam restitutam, immò nobilitatam, & ab innumero *Empiricorum grege*, *ceterisque malè practificantium technis nefariis vindicatam*! *Maximo Hoc Pietatis Exemplo* vos adducti, quicquid vel officium, vel *humanitas* à Vobis postularret, alacri, & parato animo, etiam infimæ concivium sorti impendistis, quò ubique constaret, vos non ex iis quibus benè fiat, sed ex ipso operis eximii beneficio quærere mercedem. *Vobis Solis* vidisse contigit  
mala

[ ]

*mala eà omnia quæ Pests contagio, Navalis Belli atrocia, & totius propemodum Urbis conflagratio invexere, sed (quod majus est) hæc omnia invictò animo pertulistis. Vobis Solis vidisse contigit, Populum Pesti, Bello, & Flammis ereptum, sed (quod miraculi instar est) inter ipsa Damna fortius crecentem: Ita ut difficile sit judicatu, utrùm in animis vestris, tristibus, vel lætis, major fuerit malorum, an Bonorum contemio? Gratulor interim Vobis (viri Dignissimi & de Patriâ optimè meriti) quòd mihi (Pace Vestrà) licuerit, tam Florenti Urbi inservire; uti & fas duxi, Fatis meis gratulari, quæ mihi concesserint, ut Vestræ in utraque sorte testis essem Virtutis.*

Vestræ Dignitatis Cultor

Observantissimus,

Nathanael Hodges.

Peril-



Perillustribus, Doctissimisque Viris  
*Georgio Ent* Eq. Aurat. Collegii  
 Regii Londin. Præsidi Dignis-  
 simo, Doctori *Balduino Hamey*,  
 Doctori *Francisco Glisson*, *Alex-*  
*andro Fraſier* Archiattrorum co-  
 miti, *Timotheo Clearke* Med.  
 Regio Ordin. Doctori *Johanni*  
*Micklewait*, *Carolo Scarburghio*  
 Eq. aurat. & Med. Regio ad  
 Turrim. Doctori *G. Bevoir*, cæ-  
 terisque Collegis amicissimis,  
 omnimodâ eruditione Specta-  
 tissimis.

**E**Xpleto jam silentio Pythagorico  
 (*Viri Eruditissimi*) nè cui  
 sit mirum, me paulò loquaciorem,  
 tot, & tanta Nomina simul, &  
 semel compellare: multum vereor

me

me hâc in re tamdiu feriatum Vobis  
 displicuisse, quoniam suscepta Pro-  
 vincia seriùs omninò, quàm mea in  
 Vos observantia poscebat, rationem  
 reddidi; siquis purgandi locus, ego  
 hoc dicerem, nempe foetum proditu-  
 rum à flammis territum resiliisse, donec  
 Lux propitia magis, & vitalis afful-  
 serit. Sin verò editionis tarda gra-  
 tiam fecerint historiae Nervi, verita-  
 tis candor, prospera phenomenon  
 pestilentium disquisitio, nentiquàm me  
 vel senescentis moræ pænitebit.

Cùm Lege Liciniâ Cautum fuerit,  
 Nequis ipse sibi ferret curationem  
 (vita quippe Patriæ dicata non teme-  
 rè, non privatim tollenda, quâcum  
 ipsa patitur Respublica) hinc sana  
 Medicorum constitutio, adeòque ho-  
 rum iudicium acre longâ experienciâ  
 firmatum, & quodammodò certum,  
 integritate etiam illorum incorruptâ  
 ad-

ad stipulante, morbis quibuscunque,  
 vel Pesti, par merito existimandum.  
 Certe Vobis (Viri Clarissimi) Sa-  
 nitatis humanæ gubernatoribus, Cives  
 Londinenses non imposterum in sco-  
 pulos infames impingent, naufragium  
 perhorrescentes; neque quò incolu-  
 mes, & sospites evadant, necesse  
 habebunt ope adscititiâ.

Ego Vos omnes Exemplo habui,  
 vel in Luis curatione: Vos me ad  
 Medicinæ Rationalis Cynosuram col-  
 lineare docuistis, siquidem <sup>τὸ ἐκδιδουμένον</sup>  
 & <sup>τὸ ἀπιδιδουμένον</sup> cognitio, omnibus Pseu-  
 dochymicorum, ostentationibus, nugis-  
 que Specificis anteferenda.

In narratione hâc, uti omnia graphi-  
 cè tradidi, ita de industriâ, quantum  
 licuit, controversiarum Syrtes evita-  
 vi; & quoties à viâ tritâ deflexi,  
 tramitem ingressus subobscurum, non  
 tam contradicendi Studio, quàm ve-  
 ritatem

ritatem in re arduâ explorandi, problemata nova protuli; quæ tamen omnium examini lubens subjicio, vel probanda, vel refellenda, prout cuique videbitur: etenim nisi aliquantulum erravero, Lectoris veniam frustra rogarem: haud minus increpanda quorundam pertinacia, à Veterum decretis ne latum unguem discedentium, ac suspecta aliorum vacillatio, philosophandi libertate in Scepticam degenerante.

Quod ad narrationem hanc spectat, animi ambiguus, diu apud me deliberavi, an eam supprimerem; vel publici juris facerem? tandem libris utrinque argumentis, tennitas mea delegati officii cessit ponderi, munimentum grande & inexpugnabile sibi spondens à tantorum Virorum patrocinio: sub Vestræ Societatis umbrâ, me non minus à Malevolorum sannis,



[ ]

*sannis quàm ab ipsâ peste immunem fore confido.*

*Vale Tu (Vir Celeberrime) eruditionis, juxtâ ac Collegii Apex & Præses, ; Ædes Collegii sub Vestris auspiciis è cinere surrecturas anguror & ædificium à Fraternitate tantâ pulchritudine fore : Valete omnes in cœpta nobilia paratissimi, Artem medicinalem, tum Galenicè, tum Spagyricè, publico mortalium bono, adornare indefessè pergite.*


*Excellentiis Vestris addictissimus,*

*Ex Ædibus meis in Parochia S. Stephani ad Galli torrentem, alias Wallbrooke.*

*Nathanael Hodges.*

*Dat. Jan. 1. 1671.*

*In*



*In Librum Ornatissimi Viri, & peritissimi  
Medici Doctoris HODGES.*

Quis memorare valet Patriæ discrimina? Casus  
Cum Terræ æquaret cladibus ira maris!  
Corpora peste gravi, rapidis simul ignibus ardent  
Tecta; parat tristes quot Libitina faces!  
Sævit atra Lues, latè bacchata per Urbem;  
Nec Sibi jam Medici dextra ministrat opem.  
Sed Tu Scriptor ades, qui pennâ, atq; arte, potentem,  
Hinc memorare, illinc scis superare Luem.  
Stet precor Urbs, Surgâtq; Viris, murisq; Triumpho  
Nè vacet; en Palmas dat Medicina novas!

*Henricus Bagshaw, S. T. P.*

---





In Eruditissimum Librum Domini Do-  
ctoris Hødgesii Δειμολόγῃ & Δειμολοιγῇ.

**A**gmina morborum cingant quot tristia corpus?  
Mille phalanx Pestis Sola quot ipsa vorat?

Hoc Duce Selecto, fatum superavimus: arma

Pharmaca construxit; mors satiata fugit.

Vulnera Sanando tribuit lethalia pesti,

Scriptis & Historicè Casare digna pari!

Morborum nidum, Pandora pixida vicit,

Estne Hic Δειμολογῷ, Δειμολοιγῇ magis?

Johannes Lawson, M. D. è Coll. Lond.

---

Authore



*Authori Pererudito Super Editione tractatus  
de Peste nuperâ Londinensi.*

**C**Um grassaretur strages morbosa per Urbem,  
Incola tectorum cùm foret atra Lues,  
Prodiit intrepidè Vir Doctus, & Arte refregit  
Vim morbi, infectos, ausus adire lares!  
Non in fronte Libri Crux rubra appingitur, illam  
Volvens, jam tutò fata aliena legat!  
Antidotis Author munitur, Stringere dentem  
Momus non audet, concidit ipsa Lues.

*G. M. è Colleg. Londin.*


---

**SECTIO.**



## SECTIO PRIMA.

### *De Pestis nuperæ Ortū, & Progressu.*


 Ub calcem Anni *MDCLXIV*  
 stylo antiquo Lues hæc  
 (cujus historiam contexere  
 aggredimur) futuræ tra-  
 gediæ capit Prologum a-  
 gere; quid quòd tunc  
 temporis unicam familiam in Urbe *West-*  
*monasteriensi* infici, duorum, triumve mors  
 repentina, concordi symptomatūm adsti-  
 pulatione firmata, sat; superque compro-  
 bavit: Exinde Accolarum aliquot trepi-  
 dantes Contagii effugiendi ergò, *Londi-*  
*num* concessere, quibuscum unà commi-  
 gravit fœcundum *Pestis* seminarium, atque  
 hoc pacto *Morbus* adhuc *Infans*, in unâ  
 aut alterâ domo velut *incunabula* agens,  
*improvisâ* miasmatis venenati *diffemina-*  
*tione*, sensim *adolesecbat*, & propter neg-  
 B lectam

lectam initio ægrorum *seclusionem*, paulò post *universam* adoriebatur *Civitatem*, planè insuperabilis: Sic scintilla, Anno sequenti, dubium unde excussa, dum non opportunè, idoneisve artificiis supprime-retur, in eam impensius exarsit flammam, quæ nec *Civium lachrymis*, nec vicino *Thamesi* ubertim affuso extingui poterat, verùm triduo in totius propemodùm *Celeberrimæ Civitatis* incendium succrevit: quamobrem cum vix quid interfuerit discriminis inter utrasque *Calamitates*, per-quàm *gravissimas*, minimè quidem aliena à re videatur digressio, aliqualem in Peste hâc illustrandâ *incendii* descriptionem identidèm exhibere; præsertim cum com-pari fato, simili ardore, & conflagratione *corpora humana*, ac *domicilia* fuerint in-cinerata.

Utpriùm ad *plebem*, mirari nova *facilem*, pervenerat, *Pestilentiam* in Ur-bem incidisse, effatu sanè incredibile est, qualia de mortalitate jam imminente propalarentur *Auguria*; voxque & præ-sensiones populi, perinde ut opinio fert, de rebus hisce existimantis, proh nimium *fatidicæ*! Utpote quas strages cumulatif-sima



suma brevì consignavit! ubi autem ad plures permanerat rumor, & quid mox obventurum alter alteri tradiderat; avidæ omnium Expectationi sufflaminandæ quamplurimùm contulit consueta à Peste novissimâ Annorum *computatio*; quippe apud vulgus percrebuit observatio, quòd *vicesimo* quoque anno in *Anglia* grassari solet affectus pestilentialis; quasi post *confectum* intermissionis *stadium*, novus subinde invaderet, velut statutâ lege, *paroxysmus pestilens*; quæ Hypothesis sin minùs obtineat, ut longâ licèt exemplorum serie rata, sagacioribus non æquè arrideat, istud tamen compertissimum habeo, *viz.* hanc *acrem*, necnon *religiosam* de ingruentis Luis adventu *suspicionem*, plebèios juxtâ intemperantes, ac judicio minùs firmo præditos perterruisse, & in eorum *phantasiam* tanto metu *commotam*, & *perturbatam* characteres impressisse indelebiles, unde correptio indubiè facilior, & celerior propagatio.

Quibus rumoribus, conflata velut conspiratione, suffragabantur *Astrologorum* à *Conjunctionibus*, & *Cometis præsagia* vix clementiora, peregrè nunciata, *has* futuri

periculi *haviolationes*, quanquam apud *sanos* nulla iis habebatur fides, *Cives* tamen infimæ sortis quamplurimos percussisse, & miserè eos affixisse, observatio quotidiana edocuit; quæ scilicet eatenus *Luis exacerbationem* promovebant, quatenus animos Mortalium prosternere, corporisque succos degeneres reddere nimium quantum idoneæ erant: enimverò cuicumque rem paulò accuratiùs pensitanti luculentèr patebit (ut plebs hæc dehinc levetur superstitione) coitionem Saturni & Jovis, scil. in signo Sagittarii, *Octobris* die decimo, & in eodem signo Saturni & Martis occursum *Novembris* duodecimo, *Pestem* hanc nequaquam indigitassè, nedùm (prout auguratum traditur) illam produxisse; nam præterquàm quòd *Lues* hæc cœlorum satù propinquo non orta fuerit (uti infra dicetur) hujusmodi *Conjunctiones* pari lege *Commodorum omnium* quæ tunc contigèrunt, ex æquo ac *infortuniorum* legitimi parentes jure merito censendæ.

Simile esto *Cometarum* judicium, quocumque minaci (ut loqui amant Mathematici) fulgentium adspectu, sive magè  
*subli-*



*sublimium*, è multarum stellarum *conglomeracione* conflatorum, certis quibusdam periodis *coeuntium*, sive *humilium*, è divite particularum sulphurearum venâ, in Atmospheræ regionem *eveciâ*, & ibidem accensâ, constantium; quippè miraculo non est, *spiritus igneos* in suimet sublimatione ulteriori negotiatos, vehementissimâ partium inæqualium, & diversæ indolis collisione *flamman* concipere, utique ab irregulari fomitis tractu motum erraticum proficisci; adeò planè de nihilo in tanta sollicitudine erat *Civitas*, populûsque erecto voto timebat malum, ab *Astrologis* duntaxat confictum, & expeditum, qui *suorum* interpretes *portentorum*, hâc in re *Planetis*, *Cometisque* *ipsis* magis malevoli eminebant: Nil tamen avertendis terroribus suffecit, eò quòd ad hæc *vaticinia* obstupuerat *multitudo*, pericula enuntiata certocertiùs eventura anxie expectans, & credulitate nimia sua quodammodò provocans, & præcipitans *Fata*.

Cæterùm, nè diutiùs in limine hæream, non hic loci prætermittendum, Gelu immodicè sævum mense *Decembri* occœpisse,

ad tres usque Lunæ circuitus continuum, cujus rigore glaciali Contagii vis exitialis constricta, elumbis evasit, & consopita; paucissimi itaque tempestate illâ desiderati è languentium numero.

Mediis Natalitiorum solennibus *Juvenem* invisi valdè febricitantem, exhibitis actutum *Alexiteriis*, post elapsum biduum pustulæ binæ (in alterutro nimirum Crure una,) statim emergere nucis myristicæ magnitudinem circiter adæquant, quibus iterum, atque iterum conspectis, facile comperi quonam morbo laboraret æger, & tum à colore nigricante, tum à circulo eas ambiente, illas hæud hæsitantèr pestilentes pronuntiavi, neque falsum me mea habebat opinio, verum, (Numine conatus nostros fortunante) convaluit Juvenis, secundæ adhuc correptioni superstes, casum hunc inferui, ut qualem *Lues* mox à sumptis fascibus exercuerit tyrannidem, consultò detegerem, quæ non importuna, & amens aliquorum more, leges Patriæ, Medicorumque consilia confertim excussit, aut exuperavit, partim ut *brumalem* aeris *constitutionem* meritò vindicarem, in quâ ob vim  
frigo-

frigoris maximam, clauſtris aereis *hermetice* velut obſeratis, malitia effluuiorum coercita, & refracta erat, & ſiqua *languida* exhalationum venenatarum *admiſſio*, in oculis illis (quaſi uterinis) frigidiffimis extemplò ſecuta *Embryonis maligni* extinctio, ſicuti in domo predictâ, aliisque eveniſſe ſatis erat manifeſtum, algore arctiſſimos morbo cancellos circundante.

Tardiſſimâ hyeme ſolutâ *rediviva Peſtis* ſenſim viguit, & ſe ab anguſtiis in latitudinem laxavit, tanquam carcere eſſracto aſſerens libertatem; hæud ſecùs ac *flamma* aliquantiſpèr oppreſſa æſtuoſius exarſit Furiis ultricibus debacchata: Miranda erat cæli indulgentia, *ſubita* quippe, & *anomola* aeris mutatio non minùs *ver*, ac *hyemem* vitiabat, ita ut, ſi generi humano inter fauſta numeraretur omina, quòd *vegetabilia*, quòd cætera animalia Cælo admodùm *benefico*, & *clementi* potita; optimè floruerint, minimè quidem inceſſiſſet *Lues*, nobis mortalibus nimio-perè infeſta.

Quamprimùm *Magiſtratus* (cui Sanitatis publicæ cura potiſſimùm incumbit) virus

virus pestilens indiès *auctum*, & *Corroboratum*, simul ac ad plures *Parochias* serpsisse malum animadverterat, illicò *edictum* (prout consuetudo inveteravit) de *Ædium* infectarum occlusione promulgatum, nè *amici*, nè *consanguinei* incauto ad infirmos ingressu *Contagium pestilentiale* adirent, & oppeterent, aut indultâ ægrotis forâs prodeundi copiâ, ulterior populis *Luem* spargendi anâ præberetur.

Quoniam verò circa hanc *separationem*, an illa *proficua* fiet, vel *fatalis*, multum hodiè ambigitur, & anxie differitur, mihi fas sit compendiò *Gentis nostræ* morem per censere, & argumenta utrinquè allata sine partium Studio liberius expendere.

Quod ut expediam, præmonstrare oportet Legem *Authoritate* *supremâ* sanctam adstringere, ut *ostia domorum infectarum* obserentur, utque *Crux rubra* æquilateralitèr extensa ad tres, quatuorve spithamas appingatur cum *subscriptione* *Censoriâ*, simul ac *deprecatoriâ*,

*Domine Miserere Nostri.*

Custos utique *armatus* eâdem lege constitutus



Ortu, & progressu. . 9

stitutus erat, qui nocte, & interdium præ  
foribus agat excubias; officio nempe  
hic tenetur, *viſtum idoneum*, quin &  
*Medicamenta* incarcerationis porrigere, nec  
non *occluſorum* quorumcunque *egreſſum*  
inhibere, quouſque *transactum quadrageſi-*  
*male* fuerit: *Præfecti* licet *Sanitatis*,  
& plebis *Tribuni* hæc, & alia omnia im-  
pigrè, & haud *perfunctoriè* exequerentur;  
Cuncta tamen ex transverso ceſſerunt,  
*Morbo* magis, magisque indies *ingrave-*  
*ſcente*: Ecquis Conſternationem eorum  
à Societate libera proſcriptorum expri-  
mere valet? præcipuè ubi initum cum  
*Lue* Contubernium? quem fugit *puſilla-*  
*nimitatem* contagii fore *prodromam*, &  
*faciliorem* illi parare *viſtoriam*? Certè  
res hæc in nulla verſari Contentione  
videtur, quandoquidè omnes ferè à  
cæteris relegati, diem obière; ſcilicet  
hoc habuit ſummi juris *præfata occluſio*,  
ut ſiquis proximo ante quadrageſimum  
die correptus eſſet, cæteri ejuſdem fa-  
miliæ non ante conſectam recessus novi  
periodum eâ liberarentur, quæ diu-  
turna ſecluſio cunctos ſingulatim heu  
nimis frequentèr maſtavit.

Ad

Ad promovendam insuper *Segregatorum* cladem lethiferi *Nutricum* doli accessere, quarum *complures* ( de iis non licet mollius loqui ) alienis opibus inbiantes *egros* strangulabant, *parotidem* incusantes, *aliae* (horresco referens) *tincturam* saniei pestilentialis *hauriendam* exhibuerunt ; profectò nil *has* absterruit occasione sceleris exequendi *admotâ*, vel *quesitâ*; verùm ista *Sexûs* propudia *profligatissimæ* *homocidæ*, utcunque ob *testium* defectum infanda facinora impunè ferant, nullus tamen dubito, eò quod tot *innocentes vitæ* *sue* pariter ac *honorum* exhæredes fecerint, quin perditì animi, *Judicium Divinum* haud sint evasuræ: *nonnullæ* autem *legem talionis* patiebantur, *una* è multis insignitèr detecta erat, *hæc* enim domo effractâ, in quâ omnes nuper extincti, spoliis se opimis oneraverat, sed *lucrum* fuit brevi *abreptum*, siquidè non multos metita passus (tanquam Cœli dextrâ barbaram rapacitatem vindicante) *sarcinam*, h. e. *comparatam* improbissimè *prædam*, pariter ac *vitam* deposuit : Memorabile etiam fuit *Civis cujusdam* infortunium, quem *nefarie istæ mulieres* (an feræ dicam) fatio

fato cessisse suspicantes, *vestitu* pariter ac *suppellectili* penitus nudarunt, proh inaudita crudelitas! pridie enim *vir bonus* pro deplorato habitus, mox convalluit, & quasi *renatus* Mundi Theatrum denuò ingressus est, profectò (nè plura confectet) tot, & tam fatales erant *Nutricum* technæ, ut utinàm, ô utinàm tanti *Criminis artifices* (quod ipsam superat barbariem) formidando posteris supplicio plecterentur, nè forsan impunitas futura fiat peccandi illecebra.

Adde hùc, quòd *memorata* domorum *occlusio* proximos abegit, qui sanè festinantiùs è *Civitate* cessère dilapsi, quàm *incendio* adjacentes lares *deprædante*, & quemadmodùm deerant manus (omnibus se proripientibus) quæ victrices coercerent flammæ, ita fato consimili semet præ formidine subdlexerunt, qui aliter phreniticis, & delirantibus regendis intervirent; equidem ex animo credo, quòd plurimi hodiè in vivis fuissent, necessario *vicinorum* auxilio freti, nisi propinqua seclusionis trophæa *amicos* longè fugassent.

Quin fidem hīs amplissimam conciliare videntur

videntur *pestium aliarum* exempla, quæ non prius cessare observata, quàm *patefactis ostiis* indulta quibuscumque foràs exeundi venia, & libera societas; proinde siquid Authoritatis habet secunda aliarum Gentium *praxis*, ea quidè concedenda immunitas, quæ *animis* mortalium, juxtà ac *corporibus*, insito Naturæ privilegio congrua.

Restat jam, ut quid ex altera parte produci possit, æquè expendamus; pro ut igitur neutiquàm Crudele habitum membri unius, aut alterius sphacelati amputationē solennem instituere, sincerarum partium tuendarum gratiâ, pari methodo piè & dextrè administrata Reipublicæ disciplina, *publicæ securitatē*, potius quàm *privata* prospiciens, *paucorum Civium* incommoda meritò postponit *Universæ Orbis totius utilitati*; dato insuper, coortam *semine contagioso* pestilentiam (quod infra probatum dabo) quodnam precor indagine humanâ remedium exquiratur absolutius, quàm *tempestiva* sanorum, infirmorumque *separatio*, præcipuè, si *quanta* solet esse ipsius *morbi malitia* in memoriam revocemus, malignitate pestiferâ non cor-  
pus



pus solùm, sed *animum* afficiente? etenim quis non obstupeat artificia mira *correptorum*, ut hi in proximos iniquè fiant injurijs, & illos *eodem* imbuant *veneno*? hinc studium oscula ingeminandi effusissimum, ut extremum spiritum adstantes excipiant, quocum velut ludere solent moribundi; hinc tot *insignes Triumphi* à transplantatâ Ulcerum sordidorum sanie; ut taceam mulierem illam quæ in ipso ferè mortis articulo mariti amplexus obnixè efflagitavit, cui miser homunculus morem gerens, dignissimas obsequii, & libidinis incautæ pœnas luebat.

Demùm, ut eximam hanc dubitationem, non sum nescius permagni interesse, ut ubi primùm cœperit *Pestis*, mox *Edicto*, (Maïorum more,) domorum infectarum *occlusio* imperetur; quo quidem consilio actutùm *Lues* extingui poterit, nullo deinceps artificio, postquàm longiùs abierit, & aliorùm per aliquod tempus transvecta fuerit, domanda; exploratum haud minùs, *expeditâ* pulveris bombardici *explosione conflagrationem* compesci potuisse, nisi in utrisque malis obstitisset longè *periculosissima* consulendi *mora*.

Si

Si tamen imposterum (quod avertat Numen) *Lues* debaccharetur (Pace superiorum dixerim) haud parum expediret, si *Ædificium* aliquod ad sanos (quotquot in ædibus peste infectis reperti fuerint) excipiendos extra Urbem extrueretur, quique *incolumes*, qui *integri* ibidem per tempus statutum permanferint, in publicum iis prodire licitum foret, & optatâ frui libertate, amotis illicò correptis postea (si id contigerit) peste, in *destinata* isti morbo *nosocomia*; quo sc. pacto horridum & Religione nostrâ, ac humanitate (vel ipso Mahumetano Iudice) indignum prorsus piaculum evitaretur, *vivos* prohsævitia! velut *Cadaveribus* alligandi, & valentes cum correptis commiscendi: atquæ ubi maturuerit *pestis*, dandum videatur *Legi* laxamentum; nam *occlusio* minimè fiat *par* incommodis *remedium*, contagio nimirum longè, latèque diffuso, non tantum hoc *stratagemâ* obici ponendo nè vix suffecerit, sed etiam, ut tanta *segregatorum* multitudo sustentaretur, dummodò denarii octo in singulorum usus quotidie numerandi, *immensam* pecuniæ *vim* expendi necesse sit.

Tandem

Tandem, ut redeam, longiùs paulò divagatus, mensibus Maij, & Junij procedentibus, tempora *Civitatis* dubia, modò *seviùs*, modò *mitiùs* (quasi feriata) alternatim *pestilentia* affligebat, nunc *has*, nunc *alias*, per saltus (pugnâ velut laxatâ) invadens *parochias*, quòties imminutus *funerum* numerus, toties fidissima nos spes tenuit *Luem* cito citiùs *extinctum* iri, & denuò pro augmenti ratione, prostrati omnium animi, perinde acsi de *Metropoli* conclamatum esset; certè res hæc tamdiù in æquilibrio pependit, ut hisce induciis hoc amplius mali accesserit, mortales sc. de minarum terrore, discriminis acerbitate, & eventu, incertos, & sollicitos tenere.

Nequid taceam memoratu dignum, vix *posteri* credent quàm properè *Cives* trenebundi rus petierint, discessionem turnatim facientes, adeò ut è *Londino* quis *Londinum* ipsam emigrasse existimare posset; similiter ac incendio grassante, portæ omnes, viæ regiæ angustiores erant, quàm ut populo fugienti sufficerent: postquam *ros*, & *robur civium* recesserat, utcunque tantum pabuli ablatum, *Lues* tamen hærebatur,

rebat, quæ tandem simulare fugam (Parthorum instar) visa, ut celerius palmam consequeretur, cujus *pristina clementia in effrænatum cessit furorem*, non ut antea gradu lento, & pedetentim serpsit contagium, sed citatis gressibus pernicipiter explicavit cursum *viribus quasi duplicatis*; quemadmodum in pugna conferendâ, primo levi armaturâ, & cornibus, mox universâ acie cominùs dimicatum; ita *methodo consimili* in varia passim Urbis loca factâ miasmatum venenatorum *irruptione*; Civitas brevi ab innumeris aspirationum pestilentialium copiis erat oppressa.

Cùm itaque intra unius septimanæ spatium (Scirio etiam sidere ardente) octingenti in funerum rationes venirent, uti in difficili res, ultima expetebat consilia, ita non minùs seriò à Magistratibus consultum, quibusnam (si fieri posset) modis instanti Urbis excidio succurreretur: imprimis itaque Votis ad Deum versis, ex publico decreto jejunium (efficacissimum Iræ Cœlestis placamen) singulis mensibus institutum, neque oleum perditum, aut lachrymæ protinùs efflætæ, quoniam ex eo Divina indignatio videbatur accensa, si enim



enim spectanda *Cæli* temperies, nescio an *æqualior*, & *salubrior* tempestas *verna*, quàm *æstiva*, eò quòd *venti* leniores amicè auram castigantes perflarent, *putrefactivam* ejus prohibentes *stagnationem*, & semina pestifera utcunque subtilia, & occultiora *dissipantes*, & *excutientes*, nec non calor *mitis*, & *moderatus* tum *inordinatarum* & *anomolarum* excitationi fermentationum obstaret, tum *succos* in corpore humano *depurandos* debito gradu & statu ad amissim conservaret, ac reget.

Post decretas *Numini* pacando supplicationes, de ope *Medicæ* perquàm necessariâ, inter *Magnates* deliberatum; idcirco *Vespasianus* Noster ut leniendo morbo nihil non *Divinum*, nihil non *Humanum* adhiberet, Collegio *Suo Londinensi* de *Libro* linguâ vernaculâ excudendo *Jussa Regalia* edidit, in quo ( prout Majorum consuetudo præscripsit ) adjectis *omnium* Collegiarum Symbolis, eximium illuxit specimen, & in *Majestatem Serenissimam* pergrati, utique & concitati obsequii, & in *Populares* non minùs *Judicii gravissimi*, quàm *Indulgentissimæ Humanitatis*: neque

*Societati Eximia* publici boni *studiofissima* sufficit *Chartas* emittere, verum ex eorum numero plures selecti, & constituti, qui pro re natâ correptis consularent, ad illos etiam ingressi, dignissimos se præstarent tam *Eruditâ*, tam *Expertâ* *Fraternitate*; Duo autem è multi, à *Senatu Londinensi* munus id periculosissimum subire, ex *Publico Consilio* iussi; haud contemnendi stipendii spe factâ, *alacres & prompti* ad *Provinciam* accessimus, bene cauti, & admodum solliciti nè *sparta ornanda* conamina vel ultima deessent; verum tamen *Onus* vix à *Facultate Medicâ* sustinendum, quatuor humeris impositum; succumbere puduit, sufferre ad extremum virium contendimus, sed *pensum* omnimodam industriam eludere videbatur & superare: *Lues* quippe (capitis adinstar *Hydræ*) sat auspiciatò plerisque in ædibus subacta, & detruncata, iterum, atque iterum cum fœnore succrevit; ita ut statim à delegato nobis officio utcunque *Thoracem* induentibus, de integrâ morbi depulsione protinùs desperatum esset.

Neque verò deerant insuper *Insignifimi & Clarissimi viri*, qui privatam in  
Peste

Peste compescendâ ( periculi tanti Consortes ) operam navarunt , è quorum numero ( non sine honoris præfatione nominandi ) erant *Viri eruditi & sagacissimi Franciscus Glisson*, Prof. Reg. Cantab. *Nathan Pagetius*, *Thomas Whartonus*, *Petrus Barwickius*, *Humphredus Brookes*, & alii haud vulgaris famæ etiamnùm hodiè in vivis ; verùm Medici octo , vel novem mediâ in acie conciderunt, spoliis à morte fortiter reportatis onusti nimis , & oppressi ; inter quos expiravit Dr. *Gulielmus Conyers* ; postquam Gloriæ monumenta , & Laudis Insignia in omnium animis condiderat.

Pestilentia tandem quoscunque conatus ejus propagationem inhibendi dedigante , & refutante, nos *correptorum* medelæ totam operam præbuimus , quod ut consequeremur, nullis (absit verbis ostentatio) nosmet subduximus periculis: fidem verò omnem superat , *Contagium* inter fortis infimæ homines diffusum , repentè admodum luxuriasse ; hinc præterproptèr *Lues Pauperum* vulgò appellitata, è quibus Holocaustum ferè immensum *Libitina* Sacratum ; quantumvis autem *Urbs* ab  
C 2 opulenti

opulentis Civibus *derelicta*, incolisque aliis propemodum nudata esset, *plebem* tamen alias ærumnosissimam *Annona* minimè premebat; publici enim sumptus, & affluens divitum benevolentia non solummodò indigis paupertatem levarunt, sed eorum tenuitas tantâ munificentia opiparè sustentata erat; proinde causam aliam cædis tam notabilis magis exploratam infra assignabo.

Mensibus *Augusti*, & *Septembris*, non ut priùs, *cunctantèr*, & *languidè* processit *Lues*, sed rerum potita, & velut sui juris facta *excidionem* oppidò fecit, quibus labentibus *tria*, *quatuor*, *quinque*, immò & *octo millia hominum* hebdomadatim fatis cessère: Quis cladem horum mensium? Quis fando explicet, quàm grave tempus? ingemuit *Orbis Britannicus Urbis Primariæ* tam luctuosâ facie conspectâ! scilicet in *domibus* plerisque, aut cadavera jacebant vespertinam manentia Exportationem, aut languentes decumbebant in *Orci* fauces brevi ruituri; hoc in cubiculo audire erat alta *expirantium* suspiria, illo minaces, incertasque *delirantium* vociferationes; non procul aberant *Con-*  
*sanguinei*



*sanguinei, & amici tam aliena, quàm sua fata proximè imminentia verè plangentes: Mors puerperis nonnullis erat pro Lucinâ, & Tenelli ab utero in tumultum non aborturum collapsi. Quem non misereret Infantium, Mundi Candidatorum, ubera defunctorum Matrum vivacitèr & avidè sugentium? aut tori Gemalis eâdem nocte in sepulchrum mutati, cùm zonam, amplexutque primos invida Fata solverint? foràs occurrebant correpti hùc, illùc, per plateas, inebriatorum more titubantes; illuc jacuerunt Comatosi, & tantùm non semimortui; quæ gravis sèmmolentia non nisi sonoro tubæ novissimæ clangore discutienda: istuc obviam se dederunt enormi vomitione fatigati, epoto velut aconito; medio in foro benè valentes derepentè conciderunt, perinde ac si Contagium prostitisset Venale: reverà haud dissimiliter se res habebant, ac in triduanâ civitatis Conflagratione, quâ prout ipsæ Aræ tot fiebant victimæ, & Tempia toto orbe celeberrima, recenti devotione accensa, ardentioribus votis Cœlum petebant, marmora non se lachrymis suis immunia fecerunt, cæræ instar diffluentia; nec supplicia*

diù monumenta exoratas habuere flammæ, nonnullis alterum *Martyrium* passis; uti etiam *Palatia* quædam *Augustissima* illicò absumpta, in *Greshamii* quoque *Peristylia* convolarunt undique & solennitèr convenientes *flammæ*, velut conjuratæ, *Commercium* fatale exercuerunt; quin & *mercibus* ex omni propemodùm regione *allatis*, unaque *crematis*, incendium hoc *novissima Conflagrationis* imago verissima & epitome videbatur; neq; *Sceptris amicis* nec *strictis Regum gladiis* *Phanaticæ*, & *Rebelles* flammæ pepercerunt; uti insuper *Hospitia* admodum *capacia*; uti *Civium* ditissimorum *Ædes* amplissimæ, nec non *pauperum* domunculæ eodem incendio in *Cineres* redactæ; quum erubuit *Occasum* suum *Sol*, & *Regnum* nocturnū invidebat flammis, quæ ipsius *Corriva*les dies tot *infaustos* accendebant; (uti inquam) sine ullo delectu *Urbs* exarsit, & *Concremata* est, consimilitèr à congeneri *Pestis* furore nullus *Civium* ordo, nulla ætas, *Sexus*ve, *immunis*, *Theologi* quidam gnavitèr *Sacerdotali* fungentes officio in *Cœlestium* albo conscripti, *Æsculapii* nonnulli (prout suprà memoratum) *Antidotis* &

ope

ope quam aliis contulêre, ipsimet desitutis  
testudinem non fecerunt *Milites*, qui ta-  
met si ad insidias *morbi* vitandas extra  
Urbem castra posuerint, Contagii tamen  
insultus protelare non satis valebant :  
*multi* ætate graves, ætatis Constantioris  
*plurimi*, *juniores* ad vivendum firmi,  
*Sexûs* autem *feminei* longè etiam plures  
succubuerunt ; *Infantum* perpauca eva-  
ferunt : haud rarò intra *quatridduum* tertii  
Hæredes conscripti ; inhumandis mortuis  
non suffecerunt Vespillones, Campanæ  
ob continuam pulsationem primò raucæ,  
mox elingues ; Cœmitæria cadaverum pro-  
tinùs incapacia ; nova itaque, & ampliora  
in usum illum seposita ; sepulchrorum vice  
Foveæ grandes, quæ triginta vel quadra-  
ginta loculos unico hiatu deglutirent :  
sæpe sæpius obvenit, ut qui alios mer-  
cede accersiti, hodiè vesperi ad tumulos  
viles extulerint, ipsimet sequente nocte  
iisdem conderentur.

—— *Quis talia fando*  
*Temperet à lachrymis !* ——

vix me cohibeam, quin condolendo li-  
quescam, & in fontem, cum *Marsyâ* dis-

solvar: hoc quippe *Civitatis* tempore quid foret extremum dubitavimus; inter *Sacrum* & *Saxum* stetimus, *Urbs* enim *assiduus* ferè exhausta *funeribus*; nec dum *acquisita* malorum *levamenta*; nec dum *Lues* *indicata*; cujus rabies effrenis admodum nondum deferbuerat.

Sub initium *Septembris* morbi status aderat; quo currente, plusquam 12 milia septenario interempta: tandem aliquandò nequid in hâc rerum trepidatione intentatum relinqueretur, à Magnatibus quibusdam Præsedibus ad id muneris constitutis ( *Aulâ* *Regiâ* intereà temporis *Oxonium* commigrante ) veluti summæ rei periculum facturis, consilium de ignibus in plateis singulis per triduum extruendis initum. Hæc dum agitantur, nos *Medici*, magno animi impetu res gestas, & experimenta hæc incusavimus; & quoniam *Aer* omninò *purus* *putus* & *illibatus* exitit, supervacaneam, & inutilem fore ejus *depurationem* æquè atque sumptuosam, acriter contendimus; desideratissimâ *Civitatis* *sanitate* *Magnatûm* *Authoritati*, & præclaro aliàs *Hippocratis* nostri exemplo vix incitè prælatâ: nobis autem nequicquam  
recla-



reclamantibus ubivis loci *Ignes* accendebantur. At proh dolor ! his super hanc re orta actutum dirempta fuit; triduo nimirum nè vix elapso, Cœli lugubres non tantum innumeris funeribus illachrymabant, verum errores noxios usque deflebant, dum *Ignes* ab imbribus effusissimis extinguerentur. Sit penes quempiam suspicio ( per me licet ) num *Ignes* hi tum futuræ *Conflagrationis*, tum *rogorum accensorum* ominosa censeantur Præludia; viz. sive à vi carbonum suffocatoria, sive à pluviali aeris constitutione perpetuò fatali, inauditæ cladis Nox advenit; sanè ultra quatuor millia ante diluculum matata: Exin consultiùs agant, & infortunio nostro erudiantur *Posterì*, nec dum expertam licèt curationē, *Empiricorum* more, cuilibet causæ vel dissimili adaptare satagant.

Submonendus hinc *Lector*, quòd maxima suppetebat *fructuum horariorum* copia, præcipuè *Cerasorum*, & *uvarum*, quas visissimo pretio coemptas, usque ad ingluviem multi ingurgitarunt, unde haud dubiò fomes in provocandâ Lue importunus, uti postea dicitur.

Neque transiliendum silentio stupendum

dum planè adjumentum cuivis *Civium* ordini beneficium, & summæ *Magistratûs* Curæ debitum, nempè *forum* pro more *apertum*, & omni *viâ* genere *instructum*; ita ut vix aliâ tempestate *esculenta*, & *potulenta* minoris venirent; hînc *Fames* quæ vulgò habita tot *pestium* *Domina*, quarundam *pedissequa* procul ablegabatur: atrocitatem *Pestis* hæc res plurimùm levavit; quocircâ divinæ *Bonitati* *Grates* in æternum rependi æquum est, quæ ut ferè deploratam nobis leniret miseriam, è penu inexhausto hoc exprompsit & expendit *Cornucopiæ*.

Postillâ, nequid deesset complendæ *Pestis* jugulationi, malorum velut *acme* & *complementum*, hûc accessit *Pseudo-chymicorum*, & *Empiricorum* innumerallium *praxis*; in quorum audacem *inscientiam*, & importunam temeritatem temperare mihi nequeo quin calamum *stringam*; Civibus nimirum *Antidotis*, remediisque efficacissimis comparandis unanimè, & sedulò incumbenribus, Hi homines nequam, à literis bonis, & *Facultate medicâ* alieni, præparationes titulis tenùs duntaxat *proficuas*, plebi in manus tradebant,

adebant. Ecquis usquam Gentium Hos  
olis, technisque nefariis exuperavit?  
toties incolumitatem credulis pollice-  
& untur, toties res ex adverso cessit; mirum  
fecto erat unum quempiam evadere,  
ni illorum Curæ, ex fraude & mendaciis  
onstantium, semet concredidit: Medica-  
enta ut plurimum ipsâ *Lue* funestiora  
debantur, saltē miseros præcipites  
pellebant: hinc auctus Funerum nu-  
erus, Pestis etiam laceffita ipsos *Cini-*  
*nes* aggressa, se in *ipsorum* scelera simul  
*Magistratûs* hâc ex parte incuriam  
eritò vindicavit.

— *Nec Lex est justior ulla*

*Quàm Necis Artifices arte perire suâ.*

Hoc tempore *Quidam* è *Magnatibus*,  
gatus de arduis Regni negotiis. in  
alliam missus, *Civitatis* etiam *Fautor*  
dulgentissimus, ut primū inaudiverat  
os *Gallos* remedium Anti-pestilentielle  
rtissimum invenisse, pulveris cujusdam  
oses nonnullas transmitti curavit; cujus  
os *Medici Superiorum* jussu, caute-  
que ritè observatis, periculum fecimus,  
entum præstolantes hætenùs inaudi-  
tum,

tum: sed montium *partus* fuit *lethifer* singulos quippe præparatio illa minerali somno sempiterno consopivit! absit, procu absit imposterum ut vel homunculi Sorti infimæ non sine vitæ jacturâ peregrini & ignoti Medicaminis virtutem experiri cogantur. Certè quid magis à Ratione abhorret, quàm remedium unicum dâ Catholicis (si Diis placuerit) dotibus instructum, intentionibus interim Curativis aliis, atque aliis, persæpè contrariis idcirco secundum varias in Peste indicationes, diversa medendi instituta intent observanda, quod alibi monstrabitur.

Accedit, quòd medicamenta quædam vulgaria ubivis loci prostabant venalia hæc utcunque ob caliditatem præcellentem, vimque inflammatoriam jure merito suspecta, quibuscunque tamen, nullæ ætatis, nullâ sexûs, nullâ temperamentatione habitâ, indiscriminatim exhibita nocumento indubio erant: quâ de causâ *Ars Sacra* pariter ac *Publica Salus* gravissimè patiebantur; verum nos Mediciterum atque iterum cum Magistratu renegimus, nè horum imprudentia, & aliorum audacia, publico malo nutrentur; quiri  
potius



otiùs inhibita Imperitorum praxi instans  
 ræcaveretur Excidium : Hinc subortum  
*roblema*, Annon Grassante Peste, quam  
 Medici tot consultò fugiunt (non tam dis-  
 criminis gratiâ; quàm, ut aliis inserviant,  
 vocati) cuilibet proingenii modulo me-  
 icari sit licitum? pari modo ac ad *Incen-*  
*ium* restringendum, omnes certatim se  
 cingere oportet, ubi *multitudinis con-*  
*scientis*, æquè ac *Artificum manus* necessa-  
 æ, ubi labor omnis expromitur.

Mihi hâc in re facilis & prompta de-  
 nsio; etenim in valetudine instaurandâ  
*utiùs & consultiùs* agendum, quàm in  
*consistâ Calamitate* viz. præter Artis me-  
 cæ difficultatem à rei literariæ ignaris  
 ūperabilem, nequaquàm minervâ craf-  
 exilia vitæ humanæ staminâ barbarè  
 ctanda, ac tigna ædificii arrectoria; in  
 medicinâ quidem administrandâ siquis  
 or forte acciderit, incertus admo-  
 m correctioni locus, nè dum in morbi,  
 tem peracutissimi medelâ bis pec-  
 e conceditur juxta Aphorismum δ δ  
 εὐδὲς ὁ ξύς, ἢ δὲ πείρα σφαλερὴ, ἢ δὲ Κείρις χα-  
 ρί, ἢ δὲ ἄισα ἀμαράκησι; idcirco rem seriò  
 nsitâti non is sum qui dubito quin longè  
 tutiùs

tutius videbitur *Medicos legitimos* omnino deesse, & Naturæ regimini totum negotium permitti, quàm *indoctos* & *ineptos* privilegio arrepto medicinam facere; eò quòd *hi* mentis acie capti, cum Morbis *Andabatarum* more dimicantes, protinùs ignorant quâ ex parte hosti commodè impetendus, aut quibus confodiat telis: hoc insuper non minùs delendum *bardos hosce* sæpius impedimentum esse Naturæ Colluctationibus, quibus illi nisi opera nixusque ultimi in re arduè eluderentur, se proprio Marte à *Luce* auspiciatò vindicare potuerit.

Neque erit in isthac enarratione sile dum, quòd *Labes infesta* aliorsum signitulit, vexilla dispandit, cum imperobtinens expatiandi licentiam, & quaprofectionem parans adjacentia circumquaque oppida invasit; *Civibus* videlicet *dilabentibus* catervatim in agros vicinifero citè institit contagium; exinde *Pestilentia*, quæ primò viciatim serpsit, paupost in Comitatus longè dissitos divagata est: municipium haud ulli loco indultum prædia interim quò *Thamesi* proximior eò atrociùs vexata, fortè non tam

aere

erem humidiores, quàm ob intuta Com-  
ercia : porro Urbes nonnullæ, & pagi  
u nobiles, propter eximiam aeris salu-  
ritatem, publicam participabant cala-  
ritatem, de quâ re infra : scilicet hanc  
abuit originem, hos processus *Pestis nu-  
ra Londinensis*.

Cæterum graviore Anni tempore jam  
rcumacto, statuque morbi absoluto, pari  
assu inclinavit, & recessit *Lues*, ac sen-  
m crescebat, & progrediebatur: hætenus  
cèt numerus languentium vix imminu-  
is, malitia tamen ejus vehemens est visa  
iquantulum pacata ; sanè paucissimi è  
edio sublatis, iique propter errores haud  
ves : ità demùm malignitate *Pestis* re-  
ittente, timor pristinus ex omnium a-  
mis extemplò ejectiùs, & derafus : sive  
lenniori precationum genere *exoratum*  
*umen*, & venia *supplicii* inventa ; sive  
*firmi* in obsequii certamen venientes  
media millies probata morigerè, &  
acritèr sumebant ; sive *Nutrices* in offi-  
is fungendis tandem *cantiores*, magisque  
*deles* : protectò ita evenit, ut sævissimâ  
onfliktatis cum Pestilentia exinsperatò  
es pristina affulserit Sanitatis, utique  
in

inopinata Conflagrationis periodus; lassifcilicet omnibus qui in ædium subversione explosio pulvere bombardico, aut incendio aliter restinguendo occupati cum etiam *pabulum idoneum* satis & *pro cax* à *flammis* prohiñinium *lascivis*! sec abundè *satiatis* repudiaretur.

Non propterea *Lues* (prout passim increbuit Rumor) fomite deficiente cessavit verum ex indole *morbi* par erat *Exordium*. *Epilogus*, in utroque sibi constans *benignior*. Neque minùs incessit admiratio quòd Typo pestilentiali vergente, ut cæteri morbi *lue* ingruente in illam degenerarunt, ita ipsa *Lues* talionis lege gratia aliorum larvam induit, unde *Erysipelas*, *Cephalalgia*, *Angina*, *Dysenteria*, *Variola*, *Morbilli*, *Febres lentæ*, & *hectica*, in quibus tamen illa prædominium exercuit, uti ex infra dicendis patebit.

Circa anni *suprema*, *idibus* nimirum *Novembris* vix actis, ivit in melius *Vale tudo*, & tanta fuit rerum facta commutatio, ut formidine *Civium* propitiata, quam plurimi (crebra licet quotidie funera celebrarentur) qui sanitati fugâ consuluerant, ad se primò redientes, sese

Urbi



Urbi intrepidè commiserint, atque *Decembri mense* non minùs catervatim, ac se priùs subduxerant, de tardo reditu parùm solliciti, à rusticatione redierint: & ad suas ædes confluerint: domicilia igitur quæ modò plena mortuis, vivis denudò repleta; nec non *officinæ* per semestre spatium *clausæ* peralacritè aperiebantur; *populûsque*, ut pridem, in suis rebus agendis, commerciisque faciendis occupatus invicem sese miscebat: immò quod dictu propemodùm incredibile, *Londinenses quidam* se confirmantes, quanquam paulò ante nè consanguineos quidèm, aut familiares ab *Urbe* profectos è longinquo salutare ausi fuerint, excusso protinùs timore, cubicula ingredi minimè trepidabant, in quibus correpti plures nuper expirassent: tanta demùm erat *languentis populi* incitatio, tanta fiducia, ut *plerique* lectos peterent defunctorum illuvie sudorificâ tepentes, tanquam de ipso Contagio maximè funesto penitùs conclamatum esset: *Conrubia* ubivis certatim *inita*, & ad resarciendum diræ mortalitatis damnum ferè *omnes mulieres*, quædam steriles habitæ (veluti Conjuratiōe factâ) in utero habebant,

34 *De Pestis nuperæ, &c.*

bebant, adeò ut tantis populorum impendiis, utcunque circiter *centies mille* (si fides quorundam calculis) à Peste jugulati, paucos intra menses exigua, pænè dixeram nulla tantæ stragis restarent vestigia : & sic quidè exiit inauditâ clade fædatus Annus.

Atquì proximo vere residua quædam *Pestilitatis* semina è prioribus malis succrevêre, quæ non gravatim Medicinæ viribus eradicata; & tandem veluti finito paroxysmo febrili omnia in pristinum statum redire solent: ita expletâ correptione *Cives* animum induentes *incorruptâ* postea viguerant *Sanitate*; haud aliter *absolutâ* conflagratione ex suis Urnis *edificia* surrexêre *firmitiora*, quibus impar dehinc sit *flammæ* invidia.

---

## SECTIO SECUNDA.

### *De Pestis Aitiologia, & de Contagio.*

---

CUM instituti nostri consilium fuerit *in* nuperæ præsertim *Pestis* originem investigare, & ejusdem *causas* tum *manifestas*, tum *occultiores* percontari, omninò quidem à re nostrâ alienum arbitror pro *scripturientium* more universas *causarum* *supernaturalium*, *præternaturalium*, & *Naturalium* Classes seriatim percurrere, ut in illâ propemodùm *infinitâ*, non minùs ac *incertâ enumeratione* interminata, & rudis admodùm *mali* tam *efferi*, & *monstrorosi* delineatio exhiberi possit.

Ut veritas è *Democriti* puteo eruta in aprico collocetur, & *Luis* genuina indoles detectâ fronte prodeat, *unicam* necesse habeo *Hypothesin* prælibare, cui innititur totius argumenti pondus: scilicet *Pestis* morbos inter *vulgares*, & *populares*

D 2                      facile

facile *primatum* obtinens, à *Causâ* pendet æquè *Communi*, & effectui publico *omni-*  
*modè equali*; hoc dato, rationi haud  
 dissono, *omnisariæ* quotquot occurrunt  
*Causæ particulares*, & *Privatæ* (quarum  
 elenchus perquam locuples) è *publicarum*  
 censu unicâ velut liturâ delentur.

Ad *Pestilentia nostræ* originem propiùs  
 quod attinet; equidèm amplissimâ testi-  
 moniorum invictorum Authoritate muni-  
 tus asserere nullus dubito, illam *mediante*  
*contagio* Insulam hanc primitùs invasisse;  
 utique ex Hollandia fuisse *trajectitiam*, ad-  
 vectis scilicet hùc mercibus è *Regione illâ*,  
 in quâ anno proximè elapso stragem in-  
 gentem ediderat: siquis autem in ulte-  
 riori disquisitione sollicitus, primordiisq;  
*hujus Pestilentia* eruendis, sciat velim  
 (modò *Famæ* ulla fides) ab *Imperio*  
*Turcico* unà cum *gossipio*, custode fomitis  
 pestiferi fidelissimo, in *Belgium* delatum  
 fuisse *Luis* Seminarium; quæ Orbis plaga  
 vix unquam (sicut perhibetur) ab eâ  
 immunis, licèt ibidèm nunc *seviôr*, nunc  
*mitior*, & magis *pacata* fuerit *pestis*, juxta  
*aeris*, *corporumque* iis in *Regionibus* *tem-*  
*periem*, ac *constitutionem*; si tamen *cuipiam*  
 Natales



*Natales Pestilentie* altiùs indagandi animus, & illius *educationem* intimiùs noscendi, *Plagam*, quâ *auram* duxit *primogeniam*, lustrare, varias, anomolâsque *aeris* mutationes, *siccas*, *humidas*, *calidas*, & *frigidâs* repentino, & motu irregulari se invicem prementes animadvertere, ei incumbit; unde miram *miasmatîs pestiferi* varietatem elicere, *alterationes* utique quas ob diversam transplantationem *Lues* subiverit, detegere, haud difficile pensum foret.

Verumenimverò, nè in *Causarum* explicandarum limine præcipiti nimis gradu proflire arguar, atque ad opprobrium *Atheismi* averruncandum (fateri pudet Medicorum filiis haud insolens) nè (inquam) in *causarum secundariorum* scrutinio operam navans, *Causa* (prout Scho'æ dictitant) *Causantis*, cui veterum, & Neotericorum plerique *primariam* attribuunt. *Pestis originem*, parùm meminisse videar, *Professionem sequentem* hîc inferere apprimè necessarium duxi.

Scilicet *Pestilentie* τὸ θεῶν non religiosius ab alijs quibuscunque, quàm à me agnitum, noverint Universi; possit *Omni-*

*potentem pro Authoritate supremâ, & bene-*  
*placito inviolabili, quandocunque Illi visum*  
*fuerit, gladium stringere, arcum intendere,*  
*& sagittas emittere pestilentes, non solum*  
*Sacræ paginæ apertè, ac palàm evincunt ;*  
*verùm & retroactorum temporum ex-*  
*perientia, & observatio fida pleno ore*  
*suffragantur : neque minùs in Peste hæc ,*  
*quàm præeuntibus, Iræ Cælestis indicia*  
*erant admodùm conspicua ; clarissima*  
*saltem emicuit tanti mali Permissio Divi-*  
*na : quandoquidem Hæc Dei Opt. Max.*  
*Magnalia longè supra Captum humanum*  
*posita ( Mortalibus ad Tanti Jubaris ful-*  
*gur cæcutientibus ) detegere non Con-*  
*cessum, supplicia tamen à Creatore cœlitùs*  
*missa, delicta nostra paternè, & lenitèr*  
*castigante, venerari, & flagellum deoscu-*  
*lari nos decet. At manum de tabulâ, nè*  
*forfan in me faba cudatur, quasi falcem*  
*in alienam messem immisurus essem.*  
*Quod ad rem spectat medicam, ubi*  
*Causæ naturales præstò sunt, ad supernatu-*  
*rales confugere, tum Arte Hippocraticâ in-*  
*dignum, tum Rationi summè injurium*  
*reor.*

Hoc præmissò, demptoque offendiculo,  
 recta,

recta jam patet semita, quam ingressi *Pestis* indolem, ac naturam assequi possimus: Methodi gratiâ disquisitionem à descriptione *Pestis* generali exordiar, quæ ut-  
cunque minùs ad Veterûm placita qua-  
dret; si tamen æquâ mentis staterâ per-  
pendatur, *tabula* haud iniquè haberi  
queat *Vetiva*, in *Veritatis* templo suspensa  
ab *ejus Alumno*, & cultore observantissimo.

*Pestis* descriptio, viz.

*Pestis* est morbus, ab Aurâ venenatâ,  
subtilissimâ, maximè exitiosâ, simul ac  
Contagiosâ, complures eodem tempore  
diversarum Regionum corripiciens, à pecu-  
liari potissimùm Spiritûs Nitro-aerei al-  
teratione velut Corruptivâ, ortus, cum  
Febre ut plurimùm, et aliorum Sympto-  
matum perquàm gravissimorum Satellitio  
stipatus.

Non magis manifesta, & clara Lux  
meridiana, quàm particularum harum  
quarundam sensus; earum explicatio ex  
aliorum eruditis Commentariis tam pro-  
sperè erui poterit, ut oleum, & operam  
perdiderit, qui velit illustrationi insistere;  
in obscuris dilucidandis paulò obnixiùs  
insudandum.

Imprimis dicitur esse ab *Aurâ*, utpote inter *quam*, & *terrestre*, seu *faculentum toxicum*, discrimen ingens: *Hæc* scilicet omnes dedignata cancellos neutiquàm coerceri possit, tam *rara*, *subtilis*, *aerea*, & *pneumatica*, ut *exiles* ipsiusmet *aeris porulos* facili negotio subintret, & penetret, illi hospitio juncta; quod autem fixum, compedibus velut injectis, intra suam *mineram*, & certos limites, fugæ incapax, detinetur.

*Venenata* additur, ob proximam cum omni *Veneri* genere affinitatem, *utrisque vitæ adversissimis*, & ægros *ritu*, & *methodo* haud *dissimili* perdentibus; discrepantia in *gradu* potissimum sita videtur; nempe *Luis facultas deleteria* quibuscunque *mineralium tincturis Arsenicalibus*, *animalium* maximè viroforum, aut *insectorum* *veneficæ naturæ*, vel *exquisitissimis* eorundem *putrescentiis*, *vegetabilium* denique *aconitis* multis *parasangis* antecellit: quin & *Lues pestifera* omnium *venenorum naturam*, ac *ferociam* participare videtur, cui in rerum natura par non datur; utpote in quâ conspicuè eminet *putredinis* & *malignitatis* perfectio. Eximia

*Luis*



*Luis* malitia uti in plurimis, ita præsertim in puero quodam se prodidit, cujus cadaver in ipso mortis articulo *subviridem* induit colorem, quo à matre conspecto, mulier, quid rei exploratura, nostras quàm properè accessit ædes, sollicita suspitione *metoxica*, medicamentorum vice, exhibuisse; remedia autem erant *Alexipharmacorum* tutissima, nimis serò data; *viridis* interim *tinctura* *effera*, *venefica*, & quasi *Vitriolata* morbi *indolem* abundè manifestavit.

*Subtilissima* nuncupatur, tum ratione *primævæ simplicitatis*, priusquam è *minera* sua *Centrali* exhalaverit; tum ob *miram defæcationem*, dum per varios terræ anfractus transiverit, sive transcolata fuerit; tanquam *sublimata* summè *volatilis*, ultra *meteororum* *genesin* è vaporibus *crassis*, *corporeis*, *ponderosis*, & *mixtis* *Constantium*; immò *fulgur* illi cedit; idu oculi ineffabili celeritate corpora è *longinquo* putrefacere, interficere, & *Sphacelationes* instantaneas inducere potens est.

Quoad modum cædis, plerùmque tam *Clandestini* solent esse *Pestilentia* aggressus, ut correpti velut ex insidiis opprimantur,

mantur, neq; vestigia ejus odorari detur : Increpandi itaque , & habendi suspectæ fidei , qui *sensibile* voluerunt esse Luis *senarium*, *olfactui* nimirum, & *visui* subjectum; dum quidam (credat *Judeus*, &c.) *hausto* odore *suavi*, velut *rubi florum* mense Maij prodeuntium, sive *aliorum gratissimorum*, se correptos opinati fuerint : alii è contra quasi *cadaverum putridorum* effluvia naribus se ingerentiâ incusarunt, quinetiam nonnulli mirè Lyncei, se nubeculam rubram *pestilentiâ gravidam à Cælo dilapsam* conspexisse crediderunt, pluraque id genus, *nimie*, *facilisque credulitatis*, aut *phantasiæ vitiatæ* commenta; potiùsve *timoris* omnia *sinistrè interpretantis* Symbola : attamen non is sum qui inficior *Auram hanc subtilissimam* sæpe numero *corporibus crassioribus*, *pinguibus*, & *densata materiæ* immixtam, & fore *olfactu & conspectu* perceptibile, de qua re alibi.

Quàm porrò *Exitiosa Lues*, si strages in priori Sectione memorata, ad *perniciem* illius *insigniendam* neutiquàm suffecerit, minimè res esset operosa, innumera *homicidii*, & *tyrannidis inaudite* exempla in medium

medium proferre : hinc *Pestis* apud *Hebræos* appellatur דבר quasi *perditio*, aut *res perdens* ; perinde ac si ad Universum genus humanum funestandum nata, & apta esset : proinde *Lues* dicitur à λυω, quòd dissolvat, *perniciæ certissima*, cujus quidem fatalitas in *Pestilentia* exquisita gregiè perinsignis, quâ, *Lues* non tam parat exitium, quàm in cædem ruit exedita, cujus ineffrænato furore *Regiones quasdam* devastatas fuisse ex *Annalium* monumentis, *veterumque* commentariis luculentè constat.

*Lues* demùm *Contagiosa* vocatur ; quoniam eò impudentiæ ventum est, ut liqui luce meridionali occæcati, in *Pestis* *contagium*, argumentorum vice, suas promere *hallucinationes* ausi fuerint, & *supera Pestis nostrâ* tesserâ ortum *Contagio extraneo* debuerit, atque etiam propagationem ; ad omnimodam liti solutionem expedit naturam *Contagii*, rataque *egres* compendiò tradere ; priusquam ad hoc pensum me accingam, cætera descriptionis membra tractanda veniunt.

Accedit nimirum, quòd *Pestis* *com- lures simul diversarum Regionum* aggregatur

ditur, ad eam distinguendam, tum morbis endemiis, h. e. uni loco appropriatis, atque etiam à Sporadicis, qui licet populari impetu grassentur, huic tamen aut alteri Regioni, & terræ tractui sparsim, & secundum Causarum præcætiticarum apparatus, non minùs censentur peculiare, quàm perniciosi; sed sermone ulteriori his de rebus abstineo.

Jam tandem haud intempestivum erit, ut vela reducam, dilucidaturus, quonam pacto Lues à peculiari potissimùm Spiritûs nitro-aerei alteratione, velut Corruptivâ oriatur: Hic labor! hoc opus! novitatem rei nemo intuitu primo in malam partem accipiat; quàm vera sit Hypothesis hæc, id sequens examen docebit; Verùm ut firma ponam fundamenta, quædam præfari fas sit.

Primò, Spiritus nitrosi Centrales transpiratione Copiosâ, & perenni, versùs terræ superficiem, ad omnifaria Naturæ dispendia jugiter resarcienda, & varios usus, paulò post dicendos, undiquaque effluunt, & Emittuntur. Ab hac minerâ salinâ, per Universâ terræ viscera, influentias vegetas diffundi, consimilitèr ac lucem, Caloremque



aque vitalem à Sole aeream regionem  
t, tantisque virtutibus impregnante, &  
itante, impertiri, apud neminem pro  
credibili, & absurdo habeatur: Siquis  
super conjecturæ locus, utcunque  
aximâ distent intercapedine sol, &  
centralis sal, mutuos tamen Depereunt  
plexus, velut magnetismo quodam.

Equidem nescio an detur par amicitia  
conjunctius: quidni etiam eodem modo  
fonte emanent, vel immittantur hi  
viritus, ac Radii Solares, tum particu-  
rum emeritarum protrusione, tum fer-  
mentatione, ab acidorum forsan commix-  
tione; verum hæc recondita, hæc in-  
oluta, intimi quærant Naturæ consulti,  
aruspices. Plenam huic Hypothesi fidem  
ferre videtur Experimentum sequens, viz.  
quis ineunte Vere, ubiubi Sol nos ap-  
propinquare solet, terram effoderit;  
jus infusione, filtratione, & demùm  
uoris lixivialis evaporatione, v. a. e.  
tractis, in organi fundo plus sextante  
lis reperiet, quàm si aliis anni partibus  
ale-nitroso licèt non tantâ copiâ varias  
causas ad necessarios tamen Naturæ  
us vel illis temporibus effluente) ean-  
dem

dem terræ quantitatem simili artificio tractaverit: Præter dispendium incredibile particularum subtilium, adventu ignis pennatarum, & avolantium; unde (ni fallor) manifestò liquet, tum præmemoratum dari spirituum salinorum effluxum, & velut sublimationem; tum quoque spiritus salinos Sympathiâ quâdam Flammam superiorem Concomitari. In dictorum spirituum energiam explicandâ nè sim multiloquus, sciat hæsitator horum virtute non tantum Vegetationem peragi, referatis sci: fibrarum cannulis, & amicâ, nec non salaci eorundem insinuatione; Aerem verò spiritibus admodum vitalibus conditum, Creaturis quibuscunque, juxta ac Humano generi salubrem, & beneficum reddi. Ab iisdem insuper spiritibus nitroaereis, modò illibatis, sanguinis, succorumque statum optimum, spirituum disperditorum reintegrationem, languentiumque restorationem pendere; nec non viscera, membraque omnia, viz. totius Corporis integritatem, ab eodem nitro, vigorem, & integram mutuari sanitatem, conjecturâ augurari quid herclè absurditatis? Nec quic-

quicquam videtur vero magis congruum, quàm eidem Fonti cruoris *salsuginem* eberi, & nequaquam *particulis salinis* litèr ingestis, vel *minerae salinae* nuspi-  
m loci in corpore humano etiamnum  
epertæ; neque insuper meâ duntaxat  
opinione nixus assero huic *Spiritui cocci-*  
*eum* colorem acceptum referre sangui-  
em, atque *salem prædictum* citra ignis  
ccessionem, & vim, *purpurascere*, tum  
uoque *fusum rubescere*, & eâdem lege  
ios similiter posse *liquores tingere*: Cum  
alla nos ex adversâ parte premant ar-  
umenta, hâc in re pluribus verbis com-  
morari nolo.

Secundò, Diversimodè alterari *Spiri-*  
*um hunc Nitro-aereum* multifariâ con-  
ngat; vel sci: ratione *Primarii*, & (si  
c loqui liceat) *Seminalis inquinamenti*,  
ve & frequentius longè, ratione *acciden-*  
*elium*, *adventitiarumve impuritatum*.

Quandoque *Sperma Universale* langu-  
cit, degener fit, intrâque suam matri-  
em tincturâ imbuatur, *Vitalitati*, & *Na-*  
*tura balsamica* inimicâ, & plerumque  
ontrariâ: Quotiescunque hoc evenerit,  
oties *Terrarum Orbi* bellum indici quis  
igno-

ignorat? atque etiam hinc *Luis Universalis* causam verissimè deduci posse: si verò dicta Alteratio *privatim*, *sin modò fortuitis* illata fuerit, eventus hujusmodi accidere suspicor, vel propter nimiam *spiritus Nitrosi* dilutionem, à *pluviis frequentè immodicis*, ac *intempestivis*, unde *vapores* exhalant, & elewantur *insulsi crudi*, & *insalubres*; ab humiditatis quipè prædominio vim oriri putrefactivam omnibus in Confesso est; unde *Vermium* & *reliquorum Insectorum* examina, Pestis adventum imminem certò præmonstrantia: quinetiam sæpe fit, ut *spiritus vitalis* siccitate gaudens, à *pluviali constitutione* propemodum extinguatur, & tantum non *diluvio* pereat; *cujus* si virtus vel tantillum imminuta, proh quantum exinde *humano generi* nocuenti! quod in locis palustribus abundè conspicuum; ubi ob *putres*, & *fonticas exhalationes morbi* quotannis *perniciosi* grassantur.

*Spiritus* porrò *Nitrosus* intra terræ penetralia à Calore præservido illum vehementer urgente nonnunquam alterari queat; præterquam quòd à *foco extraneo*; & tam *precipiti sublimatione*, *Spiritus*

hic



hic *effatus* reddatur; *vi* nimirum *balsamica* orbatus, quam precor absurditatem sapit, posse illum calore tanto accendi, & *fusum empyreuma* contrahere? à quâ *adustione* varias proficisci ægritudines verisimillimum reor: hinc etiam *vegetabilium venenos* (recepto conterraneis meis vocabulo *Blastis*; hinc *pecorum* improvisa *Lues*; postremò hinc dira sæpenu-merò *mortalium strages*.

Ut hæc absolvam, fieri potest *Spiritus Nitrosus* varios terræ anfractus permeantem, *defecationis* vice, *halituum venenatorum* corruptelas, & *inquinamenta* participare, eandem *labem*, sive à *mineralibus*, aliisque id genus, acceptam, *Aeri* confestim impertire: Hoc quidem in *Plagis Africae Occidentalibus*, sub *Æquatore* positis, crebrâ observatione ratum, & confirmatum habemus; in quibus *pluvia* virtute *septicâ*, & adeò *causticâ* impregnata, ut *Vestes* è vestigio, *cutim* utique coinquinet, & propediem *maculis*, velut *stigmatibus pestiferis*, inurat. Quæ res cum ita se habuerint, nemini instar miraculi sit, post magnos terræ motus *Luem* sævire, quibuscum *Spiritus* hæc de causâ

E

veneficus

*venescens* explodi consuevit. Quin & *Nitrum* tincturâ impurâ, & aliquandò lethiferâ imbutum, suapte sponte, tanquam, *acidi* occurſu, qua data porta tentat eruptionem, & in transitu, vel fugâ, *malignitatis* vestigia post se pluriès relinquit: ita ut *Animalcula subterranea*, viz. *mures*, *talpa*, *serpentes*, *cuniculi*, *vulpes*, &c. malum futurum *præsentiencia*, latebras, & cavernas deferant, & sub dio in medium prodeant, se cautiùs *subtrahentia* à periculo, & *pestem* idcirco imminere *præsagientia*: Hinc subitanea *piscium* interemptio: hinc quoque *Aves*, ingruente Lue, volatu opportuno sibimet confulere solent.

Hiscæ interim pressius explicatis, superest ut enarrem, quo pacto *Spiritus Nitrosus Alterationem*, quodammodo *corruptivam sæpe patitur*, qui vulgò perhibetur *incompactibilis*, & à rebus cæteris procul arcet *putrefactionem*.

Ad cujus nodi solutionem non *vulgari*, *strictoque sensu corruptionem*, velut *humiditate* ortam, hinc accipi dicendum; sed *peculiari*, genioque *Spiritus Nitrosi* magis congruo; qui, sin minùs corporum  
aliorum

aliorum more putrescat, si tamen prævaricaverit à statu, & figurâ, non postmodum reducibilis, minimè videatur durius dictum alterationem talem, aliqualem appellari mortificationem, vitalitate nimirum deperditâ & novâ facie inducâ.

Hoc amplius duplici argumento invitum dare conabor.

Primò, Quod Arte peragi potest Naturæ simiâ, id consilio, & operâ agentis potentioris confici, haud ambigendum videtur; sed quædam Salis velut corruptio à legitimis Chemiæ Filiis instituatur; neque res esset Herculei laboris operatio- nis methodum hîc detegere, nisi pro- ummo haberetur piaculo tanta Naturæ arcana futilitèr propalare. Sin minùs authoritas mea satis apud nonnullos in hac re ponderis habuerit, illos ab effectû ratiocinium non rejecturos fore confido. Ex indole & naturâ spiritûs Salini de- ejus vitio & alteratione, velut corruptivâ, argumenta breviter adstringam. Quan- loquidem itaque Authoritate Veterân- quorundam fanciatur, Ignis elementum utpote degenerationis, & quasi corruptio- nis capax, Luem pestiferam excitare posse,



ratione ductâ ab eximiâ *Ignis* subtilitate, multiplicatione *ejus* immensâ, nec non celerrimâ propagatione; qualitatum quippe harum *Lues* ad amuffim compos. Quod illi de *Ignis* somniarunt, mihi non alienum esse videatur de *spiritu* præfato sanius philosophari, ipsiusmet æmulo. Certè latet me, an quid in universâ *Orbis* machinâ occurrat *Aurâ* pestiferâ subtiliùs? atq; idèd *miasmata pestilentialia* in *Sacris chartis Sagittarum nomine* insigniuntur, in caligine *volutantium*: utcunque scopum certocertius feriunt, & ob figuram præpilatam igniferam meditullitùs penetrant; nostram tamen fugiunt vel contemplationem.

Quoad *multiplicationem*, cum ab uno homine, ad hominum nescio quot mille *seminarium pestilens* delatum fuerit, de jugi cum *igne* suimet communicatione quamam controversia? exuperans *Antimonium*, quod ultra millies infusum *primæ* tamen tenax est *virtutis*: quàm denique *instantanea Luis pestilentialis diffusio*, satis apparet, cùm pari, ac *Lux* agilitate disseminentur *miasmata pestifera*: pluribus autem supersedeo, quousque



usque ad Contagii explicationem deven-  
tum.

Secundò, Cujusnam sint farinæ effluvia  
*pestilentialia*, à peculiari eorundem in  
*salinas* corporis humani particulas influ-  
entiâ, luculentèr patet. Etenim nil tantâ  
efficaciâ, & energiâ in *salem* agat, ac  
quod *salinum*; quid autem clariùs quàm  
*Spiritum hunc Nitrosum præpotens* adeò  
esse *Alkaist*, ut ab illo sanguinis phræ-  
ocyssimè corrodamur, ac dissolutæ sint;  
post fatales itaque hæmorrhagias nullâ  
*frigoris* accessione, aliàs *congelativi*, vel  
tantilla obtineri potuerit cruoris fusi coa-  
gulatio; & quoties ex accidenti illa acci-  
derit, quidni à prænominati salis fixa-  
tione liquores, succosque congelante, aut  
saltem motum eorum rapidum aliquan-  
tis per tardante, toties stagnationem pro-  
ficisci autumemus: Item haud parùm ad  
rem nostram adfert momenti, quòd spas-  
mi, fideles *Pestilentie* Socii, liquori ner-  
voso falso nimis, & propterea acri, &  
vellicanti, originem debuerint, de quibus  
infra.

Adhæc, Luis propensa, & intima cum  
*Scorbuta*, aliisque morbis mineriâ salinâ

prognatis, complicatio, parentelæ ejus suffragatur; quorum *simultaneam* & *gemellam* esse generationem palam tum evincit *mutua confederatio*, tum *similis*, & velut *connata* Contagii *propagatio*, licet cæteris dominata fuerit *Pestis*; uti postea dicetur: atque hinc forsân *incolæ maritimi*, inter quos *affectus salini* potissimum grassari solent; non aliâ de causa *Lui pestifera* magis obnoxii: hujus sci: assertionis veritatem oppida in *Britanniâ Nostrâ* Mari finitima non sine summo experiebantur incommodo.

Ultimò. si à *Curationis* scopo argumenta petita valuerint, exin haud perperam colligatur, *Spiritus Salinos* pestilentiaæ ortui plurimum conferre; in *Lue* nimirum *medendâ* expertus, cordatusque medicus, hoc sibi dare solet negotii, viz. ut *medicamentis* (modò omnia ex voto cesserint) *prophylactici* Contagii invasionem preceveat; cujus ut compos sit, *remediorum* præcipuè *oleaginosorum* usum laudat, & pro *Authoritate* imperat; nempe hoc consilio, ut *Ventriculus* bellè oblinitus, & quasi *emplastratus*, ab *acutissimis*, & *corrosivis effluviis* omninò *intactus* sit & *salvus*;

*salvus*; nec non in hâc paritèr, ac methodo pharmaceuticâ opportunè elaborandum, ut *Spiritus salinus veneficus* Alexipharmacorum & Diaphoreticorum ope dictum factum eliminetur; eò quòd rei medicæ mediocritèr peritum nequaquam fugit, hujusmodi evacuatione *salinas particulas* longè copiosius, quàm aliâ qualicunque excerni: *Sudor* porrò *effluens*, dum correpti *dolores* præsenterint pungitivos, velut aculeis laceffiti, (quod in *lue nuperâ* exploratissimum) rem totam extra omnem dubii aleam ponere videatur; præsertim cùm *Sudor*, quò magis proficiuus, eò *salsuginosior*, ubi autem *insipidus* fuerit, morbum ingravescere, & mortem impendere ominis haud ambigui.

Proinde in Curatione administrandâ fermentorum domesticorum à Contagio vitiatorum emendationem, & restaurationem jugi opere moliri necesse habuimus, saliumque fusionem omnimodâ industriâ impedire; quæ omnia exemplò præstitère *salium multifariorum* præparationes, quæ (sicuti modò allegatum) in *spiritus salinos* vim athleticam exercere,



56 *De Pestis Aitiologia*

& diversimodè illos immutare, immò & renovare queant, propter congenerem utrorumque genium, ac naturam.

*Excreta* demùm corréptorum ad hypothefin firmandam ampliffimo sunt testimonio; *vomitiones* enim *enormes* cùm nil magis quàm *amarulentiam* fapuerint, unde ab *acredine* & *vi corrosivâ* ventriculi *nausea* & *incessans subversio*: item *dejectiones* cùm fuerint *spumosa*, & post excretionem diu *turgescentes*, quis amabò de *salinâ* *qualitate* ampliùs dubitabit? sed plenius de hâc re alibi: ut abrumpam itaque hujus argumenti moram; sci. *positio* hâc primâ licet facie *nova*, non est à *Veterum* doctrina protinùs aliena, quam potiùs illustrat, explicatque: quorundam proditur sententiâ *cholera* *sinceram* in corpore humano *putrescentem*, *ignemque ipsum Naturæ* (ut ante) *corruptum* posse *incendium pestilentielle* excitare; quod hi de *cholera*, illi de *ignis corruptelâ* imaginantur, nos sanè rectius de *spiritu salino vitiato*, apertissimis tot effectibus etiam adstipulantibus, asserere possumus. Cæterùm nè diutiùs circa hanc dissertatiunculam in *salebris* hæreamus; si tanti esset

otii;



otii, causas omnifarias ab *Authoribus* huc usque evulgatas recensere, faciliè ostenderem inter eas, vix ullam adhuc reperi-  
tam, quæ cum nostrâ hypothesis cominûs digladietur: utcunque sit penes unum-  
quemque diligenti habitâ collatione, vel hæc æqui bonique consulere, vel ea rejicere: mihi autem certio-  
rem monstret viam, cui hæc displicuerit semita.

In descriptione traditâ Sequitur cum Febre utplurimum, nempe in hac peste, utiac in aliis præterlapsis quidam citra horrorem, sitim, & apertam febris accessio-  
nem obiêre, nil prævii incommodi præsentientes. Casum unum, aut alterum (missis reliquis) in confirmationis suppetias succenturiare non tædebit; *Matrona* quædam familiæ toti superstes, integrâ adhuc valetudine, pectoris regionem lustravit, quam maculis fatalibus obsitam prospiciens, nihil minûs, quàm *Luis invasionem* ex hisce indiciis hariolata, brevi exanimata erat, nullo alio symptomate morbum, vel mortem præmonstrante.

Juvenis insuper habitu enfarco, & valenti corpore, postquam ex improvviso stigmatibus pestiferis inustum detexerat, id

id genus fucata, & ementita conjiciens signa, quòd bellissimè valeret; quem tamen intra trihorium, quatuorve horas succubiturum verissimè medicus judicavit.

Quantumvis autem *Lues* tam expeditè, & celeritate tantà interdum occiderit; sive cerebrum derepentè siderando, vel cor, pulmones aut alia viscera primo congressu mortiferè afficiendo, sive spiritus vitales extinguendo; ita ut nè vel occulta appareant Febris phenomena, ut plurimum tamen peste nuperà gliscente correptos febricitasse experiebamur.

Febris impetum cunctos ferè quotquot correptos sustinuisse, nemo hominum mirabitur, cui spiritus nitrosi indoles, præsertim corrupti, probè cognita, utpote levissimà de causà flammam concipientis, & calorem utique febrilem cientis: febris autem pestilentiae nostrae comes, admodum erat infida, & pessimi moris; ratione reversionis, & motus, nunc quotidianæ, nunc tertianæ typos simulare visa; veluti statura, aliquales interdum dabat inducias, mox tamen prælium magis, magisque incaluit: Pax nunquam plena concessa,

concessa, quædam duntaxat pugnae cessatio, horulae unius, aut alterius spatio præfinita, perpetim in principio variâ victoriâ pugnatum, *insultus secundi*, & *tertii* majori cum atrociâ recurrebant: hæc impræsentiarum consultò missa facio, de quibus infra.

Tandem aliquando ut fidem datam liberem, de *Contagio*, quantâ licet brevitate, differendum, viz. ut *morbus* audiat *Contagiosus*, *infectio per vicinitatem* necessaria omninò censenda, quamvis neque *Communiter* vagetur, nec *fomitem* projiciat, nec in semine lateat *vis de-eteria*, plurimosve perdat.

Veneri interim pestiferi labes, non tantum *Contactu mediato*, vel *immediato à subiecto uno*, ad alterum transfertur, *Contagiosa* accersens *Symptomata*; verum omnes quæcunque *conditiones* in illâ eminent radiis *Solaribus* magis conspicuæ: Quamobrem *Elumbia quorundam* argumenta correptionem pestilentialem *Contagio* non coortam esse adnitentium, vel commemoratione protinus indigna existimo, *rationi sci. & experientia* quadantenus dissidentanea; Postquam *Contagii* leges,

&



& methodum explicavero, nemini (nī fallor) hāc de re in dubio erit animus.

Quatuor præcipuè ad *Contagium* requiruntur.

Primum, Seminarii Contagiosi effluxus.

Secundum, Medium Commodum per quod transeant, & transvehantur miasmata.

Tertium, ad effluvia, sive halitus recipiendos, & illos intimè, & amicissimè fovendos subjecti aptitudo.

Quartum, Debita veneni Mora, de quibus sigillatim.

*Insensilem* corporis humani *transpirationem* evacuationes reliquas faciliè *exuperantem*, supplementa ad quotidiana ejus dispendia opportunè resarcienda necessariò substituta, tam aperte demonstrant, ut nihil quidem magis conspicuum: Ubi autem *Pestis* quempiam aggressa fuerit, morborum *Coryphaeus*, propter *summam* liquorum exagitatorum *Colluctationem*, *intestinamque contentionem* expirationes majori copiā excernuntur quàm sanitate integrâ; hūc Spectat *Cl. Sanctorii* observatio, viz. quòd *ægri Contagio pestifero perciti*, illicò minùs evadunt



vadunt ponderosi, effluviis qua data via  
orrentis instar ubertim effluentibus;  
tenim ea est *seminarii pestilentialis* ener-  
gia, ut actutum halitus crassiores *subtiliare*,  
nmò & *acuere* queat, ita ut effluvia *mora*  
patientia, aculeis unitis, punctum, velut  
ineis adactis, non tam exeant, quàm  
armatim foràs profiliant, & haud rarò  
piritus, Patriæ *Conservatores*, unà se-  
m rapiant: Hinc *lipothymia subitanea*  
*deliquia* nonnunquam *fatalia*; *halitibus*  
mirum *exhaustis*, & *spiritibus Fugatis*  
qualitate Luis *veneficâ*.

Hinc insuper colligere licet, quàm  
ffusivum, & potens sit *seminarium pesti-*  
*ns*, quod tantâ copiâ è quolibet cor-  
pto expirare assolet; cujus interim  
apor vel *unicus*, & *solitarius*, uti ad  
ntagii *propagationem* sufficiens, ita ex-  
nsionis, sive *dilatationis* propemo-  
am *immense* capax: luculentum hujus  
i exemplum exhibet vapor, aut *sumus*  
aveolens lucernæ nuper extinctæ, qui  
on tam *fuliginis* copiâ, quàm *vi diffusivâ*,  
suimet *multiplicatione* multum aeris  
mbientis inficit, & *nidorem perin-*  
*atissimum* in extrema cubiculi seu  
inter.

## 62 De Pestis Aitiologia

*vallum* magis *diffitum* projicit, & disseminat.

Secundò, *Luis propagationi* plurimùm confert *medium idoneum*, quo amico patentiore, vel angustiore, gratè excipi, expeditiùs, tardiusve transmitti *miasmata* quid magis compertum? neque magis indubium *Aerem* esse hoc *medium*, cujus *porositates* licèt minutissimas facili negotio subintrant, penetrantque *poros* & in illis (nisi vi, quasi, & armis propulsæ) commodè diverfantur.

Quin & *Aer* aptius censendum veneni pestiferi *indumentum* sive *vehiculum*, quatenus *spiritum nitrosum* ad sitim deplendam imbibit; unde *auræ pestilentialis* idæam procaciùs suscipit, & illam fideliter tanquam in certo *repositorio* conservat, ac fovet: non minùs in propatulo, hos *qualitatis pestiferæ* Charecteres (nisi prius *erasi* fuerint, vel impulsu extraneo *excussi*) unà cum *aeris protrusione*, quousque scopum attigerint, moveri, & circumferri; nec non quandoque *miasmata pestilentialia* aliorum *effluviorum* aliter *figuratorum* occurru conteri, & extingui, medio neque hinc, nec inde *mutationis* conscio.

Hinc

Hinc conjecturâ haud infirmâ patet, quo pacto *seminarium pestilens* in Aeris oculamentis fidè repositum, hunc putà, liumve terræ tractum vitiando, à loco suo, ad alterum, multoties in dissitas regiones transvehatur, & commigret: roinde Aer, ut *medium*, quo tranquillior, & magis capax *impressionis contagiosæ*; ei igitur *conclusi*, *latebrosi*, & *tenebris ob-* *sci*, *carceres*, & *domus occultis vallibus* *condita*, *infectioni pestiferæ* magis obnoxia jure merito censentur, quàm alia in aprico posita, & ventis diffolata; in effluviis malignis vix detur figere cùm solenti agitatione Aer commotus fuerit, & facile ventorum impetu dissipari ea vis ignorat? utcunque *miasmata* ob tantam *benignioris auræ* admixturam minus noceant:

Tertiò, *subjecti dispositio ad contagii receptionem* apprimè necessaria, quæ vel respicit *spiraculorum corporis aptitudinem*, & *humorum noxiorum diuturnam constitutionem*: Pori quò magis patuli, & magis aperti, eò *faciliorem* Contagii lenociniis ingressum præbent; quorum *constrictioni*, & *obfidi*que gravi licet obsidione diu pressi,

*immunitatem debent, vix aliâ de causâ inexpugnabiles.*

Humorum verò noxiorum *turgescentia* amentèr provocat *Luis* invasionem, sive *morbosa hæc constitutio* à solennium evacuationum suppressione orta fuerit, sive ab erroneâ *sex rerum non naturalium* administratione, potissimùm à *Crapulâ* quæ humorum suburra tanquam materia præparata, & analogâ assimilationem haud difficulter subit pestiferam, prout alibi disputabitur: Præter recitatas *subjectæ* dispositiones, a re non omninò alienum videatur, observationem quâdam proferre sci. *Pestem* aliquandò *dotem* fuisse *patronymicam*, & à parentibus ad prolem seminalem ejus labem translatam, se confestim *gliscente Lue* methodo eâdem exerentem, consimiliter ac in *Variolis*, aliisque id genus affectibus.

Quartò, ut sit denique *veneni pestilentialis* debita mora omninò convenit; certè si *expirationes malignæ* aggressu primo expugnarentur, nemini forent detrimento; quæ tamen in *glutinosam* impingentes materiam, lentorem quendam ab humorum visciditate adsciscunt, quibuscum velut irre-



*retite* quousque detinentur, dùm per aditus  
patentes *massam sanguineam* & reliquos  
subierint, ac infecerint *liquores*: sic de-  
mùm *miasmata pestifera* in possessionem  
profecta, *microcosmi* machinam concutere  
possint, & illam subvertere; quæ tamen  
non opus habent tam *diuturnâ morâ*, ut  
gradatim altiores agant radices: ut pri-  
mùm quippe *idoneam*, *tenacemque* vel at-  
tigerint *materiam* mordicùs tenent, ægrè  
*exturbanda*. Haud tamen incompertum ha-  
deo, posse interdum *seminarium pesti-*  
*ens* diutiùs paulò in corpore humano  
*delitescere*, ubi clam sunt *corruptionis*  
*phænomena*, quousque *eruptionis* oppor-  
tunum tempus institerit, in pleniorẽ  
cujus rei fidem nonnullas facilè adjicerem  
instantias, si res in controversiâ; viz.  
nonnulli rus concessêre, post initum cum  
*infectis* consortium; tametsi aere *incul-*  
*ato* fruerentur, & per mensis unius, aut  
alterius spatium *illa sã* essent *sanitate*;   
velut tamen è latebris *Adversarius* tan-  
dem exiliit, *tarditatem* *hostilitate* summâ  
ultimisque inimicitiis *compensans*: quidn?  
*eruptionis protractionem*, partim ab hu-  
morum *viscositate*, venenum pestilens con-

*stringente*, partim à præpotenti *balsami innati* vi, & copiâ, item à *spirituum* vigore proficisci verissimillimum mihi videatur: nè autem in rebus apertissimis nimirum prolixus fuero, hæc dici sufficiant de Contagio:

Præter causas jam *evulgatas*, aliæ adhuc supersunt non prorsus reticendæ, viz. *Carnium morticinarum*, aut *corruptarum* comestio; etenim haud præter rem hic recordandum, quòd anno superiori maxima *pecorûm* strages, ob *Autumnum* solito *humidiorem*, passim grassabatur; quorum cadavera plebi vilissimo pretio venum data, uberrimos sanè suppeditarunt *humorum putridorum* proventus: Hinc (uti se habuit plurimorum opinio) fundi nostri calamitas; Hinc utique nonnullis sagacioribus *Pestis nuperæ* originem deducendi ansa; illâ nimirum multoties *cachexiæ* superveniente, amplissimus suspicioni locus aperiebatur *esculenta* ab animalium carne *Lue extinctorum confecta*, in devorantem posse *ejusdem malignitatis* labem imprimere.

Nequaquàm inficior, quòd infima civium fors dum *noxium hunc* ad ingluviem usque

usque heluati fuerint *viētum*; apparatus cum fœnore accumulasse, pro nimis morbificum! quocum *virus pestilens* firmissimas promptè iniverit amicitias: attamen *esculenta hæc*, corrupta licèt, & fracida, excitantia etiam Symptomata *lui pestifera* concordia, *publicæ* quidem ciendæ *Carnificina* non sufficere, utpote à causa privatâ, & particulari coorta, quæ effectum nullo modo (uti suprà effectum) producendo sunt *Universalem*.

Exinde liquet pravam *viētūs* rationem, non magis *pestilentiam* parere, quàm bonam, & laudabilem eam domare, & extinguere; quamobrem (nè pluribus hæream) *ingluviem* *δοτέτιαν*, & *κακοχέλιον*, & excellentem putredinem, eorundem *lobolem*, *febres* forteàn *pestilentes*, & *morbos endemics* causare posse existimo, minimè autem *Luem pestiferam*.

*Pecorum Luem* ad humanum genus *trajecitiam* suspicio hætenùs invaluit; ut difficultatem super hac re expediam: *Luem pecorum* à *communi fonte*, viz. *Nitro-aereo contaminato emanantem*, ab *humanâ*, non *genere*, sed *gradu discrepantem*, posse ad *mortales transmitti*,

nil habet quæstionis : *sci: impotentior, & mitior aura teneram herbam afflare, virus autem potentius firmiora corpora insicere, & perimere solet; præterquàm quòd ob dissimilia cutis spiracula à brutis, & variam constitutionem, spirituum quoque nostrorum fortitudinem, non inducor ut credam, Luem pecorum à causâ privatâ, utcunque contagium spargente, nos insiciendi imperium obtinere. Historiæ sequentes nil me movent: paucorum nempe intra annorum spatium magnâ equorum strage ubivis loci sæviente, Hippiastrus quidam, ut ei causâ tanti mali innotesceret, cadaveris dissectionem instituit, post conspectas pæssim maculas, tam pulmombus, quàm aliis visceribus scatentes, ipse Dominus, omnesque sui, ab eadem Lue brevi interficiebantur; illâ interim non ultra domum eam divagatâ, nec familiâ longæviori.*

Regnante porrò peste nuperâ Civis quidam, actis Londini negotiis, rurale præsidium petiturus, equum subitò languescentem, & succubiturum persensit; apertis itaque faucibus, quò studiosiùs os, & linguam contemplaretur, & morbi tam

repentini



*repentini* causam detegeret, *Vir bonus* incautè *anhelitum* equi *fatidissimum* hausit, mox *ægrotare* cœpit, & intra *biduum* expiravit.

Certè hæc, & similia exempla nil aliud exprimere videntur, quàm posse *habitus*, sive *vapores malignos*, humorum colluviem *exagitando*, *orgasmos anomolos*, & *putrefactivos* provocare, quibus *succi*, & *liquores* juxta *cacochymie* vim, & *prævalentiam*, *veneni* varietatem, & *diversas putrescentiæ idæas* corrumpi queant: præfata autem *Luis* transplantatio, nisi ubi præit copiosus *humorum* apparatus, non datur, utpote *cujus causa* non est *Generalis*.

Quin etiam *causas* inter, licèt *remotiores* meritò annumerentur, *Anni intemperies*, *subitæ aeris mutationes*, *evacuationum solennium suppressio*, *adversus ebrietas*, *venus*, item *animi pathemata*, præcipuè *Ira*, & *Timor*; quæ tamen *Luis invasionem* potius respiciunt, quàm *ejus ortum*; sed de his alibi disceptandum: Quoad *passiones dictas*, fidem nequaquàm superat, nonnullos *peste debacchante* quanquam *amicissima* & *placata indolis*

*indolis*, leviusculam, fictamve ob causam in iram pronos excanduisse; hoc expertum est *feminarum* par, de lanâ caprinâ, *inflammatricum* more, acritèr certans, quarum litem mors æquissima expedite diremit.

Neque minus *Timor*, & *Tristitia* *Luis* adventui viam sternebant, *phantasie* & *memoria* insidendo, *spiritus* suffocando, *calorem nativum* supprimendo, *virus pestilens* intùs detinendo, & id figendo, *vires* infringendo & *Luis virulentiam* promovendo: *Historiæ* reverà tot sunt ad manus, quæ plenam his rebus fidem adstruant, ut nisi *obvia*, & *nota* de industria mittere instituti fuerit, *enumeratione multiloquâ* rem eandem iterum, atque iterum repetens (quod à nonnullis perpetratum) fastidium *Lectori* crearem.

Paucula opportunè jam subnectere expedit, de *Luis* à *Regione calidâ*, ad *frigidiorè* commigratione; nempe pro variis *caloris*, & *frigoris* effectibus; hujus quidem *attenuantis*, & *rarefacientis*, illius è contra *condensantis*, & *constipantis* diversimodè alterari *seminarum pestilens* locupleti non opus observatione,

tione, ubi res ipsa palàm loquitur: Quicquid hujus generis sub *Plagâ torridâ* longè, latèque *diffusivum*, utpote ipso aere *subtilius*, Idem sub *cælo boreali* maximè *constringi*, in angustias *cogi*, & *palpabile* propemodùm evasurum vix quicquam à suspitione abest; exinde ratio haud inconcinnè eliciatur, quòd tum constitutiones tum ægritudines *septentrionalium*, & *meridionalium accolarum* immane quantum discrepent, quorum non vacat jam differentiam monstrare.

Quòd propriùs ad rem nostram accedam, affectus *Plagâ calidâ* coorti, & eo nomine *sanguinem cæterosque liquores* nimium *accendentes*, & illos plerumque *findentes*, ad *frigidiorē* translati, præfatis succis *congelationem* inferre valent, & è contra: hoc experimentis innumeris illustrare poteram, si res hodiè in controversiâ versaretur.

Dato itaque *Luem* primò ab *Americâ* dein ab *Hollandiâ Britanniam* appulisse plusquam verisimile reor, ut quantum fuerit discriminis inter affectus in *Plagâ præcalidâ*, & *siccâ* quoad *transmigrationem* ad *frigidiorē*, & *humidiorē* non



tantum ex sua natura & origine, sed potius ob *vehiculum*, viz. *Aerem* (quo mediante *Contagium pestilens* propagari edisserui) egregiam alterationem, & in communicatione, & in ipsorum Symptomatum serie accideret: Atqui dissimilitudo magis Conspicue eminet in *seminarii pestilentis* complicatione intimâ cum morbis *Genti* peculiaribus, & velut specificis, ad quam transvehitur: quod in Casu nostro spectatu dignissimum; eò quod in *Belgio* inter ægritudines imperii clavum tenet *Scorbutus*, ideoque *virus pestilens* principio etiam *salino* prognatum & illi sanè arcto amicitiae fœdere conjunctum, audivit *Scorbuticum*, sicuti infra declarabitur.

Quod ad *Cl. Kircheri* doctrinam spectat de *animatâ vermium sæturâ*, ingenuè quidem fateor, me vel fidelissimo *microscopi* adjumento eam hætenus non detexisse, nec à quopiam alio, utcunque oculatissimo, accepisse tale experimentum: At dandum fortassis aliquid nobis *caliginosis Insularibus*, quibus minor aeris serenitas, haud *Lyncæ Italorum* perspicacitæ conferenda: Verum pace tanti nominis



*minis* mihi à ratione omninò absonum videtur *seminarium pestilens* posse dicta in *secta* producere cum fuerit & nitrosum, & veneficum.

Uti in *febris putridis*, ita incuntantiùs in peste, *lumbricos* fugat *malignitas*, & illos adhuc vivos cogit prorepere; tantum sanè abest eos è dicto semine generari; in *ulceribus quibusdam malignis*, & *Cancrosis*, item in nonnullorum hominum sanguine *verminosa animalcula* interdum formentur, quod potius *succi nutritii* vitio peculiari, quàm *veneno* deberi reor, & ea proptèr non inter veras *pestilentie* Causas recensendum.

---

SECT.

---

## SECTIO TERTIA.

*De Luis sede primariâ , ubi obiter  
de Spiritibus , eorumque infecto-  
rum in Corpus humanum influxu  
venefico.*

UT controversias de *Luis sede* ad hodiernum usque diem tam variè , & pugnacitè agitatae (si pro virili nostro fieri possit) componam ; quoniam Authores nonnulli tam *perditionis* , quàm *Vitalitatis* penes *Cor* esse principatum Statuere ; nec non plerique *Cerebrum* , alii *ventriculum* , *pulmones* , *hepar* labem pestilentialem primitùs accipere pari fervore contenderunt , operæ pretium duxi proxima , & immediata *seminarii pestilentialis* receptacula palàm facere. Quandoquidem itaque *Aura præfata* (juxta hypothesein supra traditam) subtilissima fuerit , & *spiritualis* , idoneo & adæquato vel eâ de causâ necessariò  
opus

*De Spiritibus eorumq; infectione. 75*

opus habebit commorandi diversorio : Et cum in universâ microcosmi machinâ minimè reperiatur *subjectum* magis capax , & aptius , quod *labes pestilens* proximè aggredi queat , quàm *spiritus humani* , equidem ignoro : quid absurditatis cuipiam sapere videbitur , si statuerem illos *primariò* affici , & post conceptam ab iis labem , *corpus* , & *viscera* reliqua vicissim coinquinari : In ulteriori hujus argumenti disquisitiones *μονοσυλλαβικῶς* interpretari conabor.

Primò , Quid sint Spiritus de quibus hic agitur.

Secundò , Qualis Spirituum aptitudo , & propensitas ad effluvia pestifera excipienda.

Tertiò , quonam modo Spirituum vitia ad corpus transire , & id aggredi solent.

Proinde hujusmodi esto Spirituum discriptio , viz.

Spiritus sunt alimenti , cæterorumque succorum particulae tenuissimæ , ac subtilissimæ , mediantibus calore insito , spirituque nitro-aereo , ad eximiam perfectionem , & volatilitatem evectæ , ut  
Animæ

76 *De Sede Luis primariâ*

Animæ inserviant, paratissima ipsius instrumenta, atque etiam omnimodam corporis œconomiam fidè administrent.

*Materiam* è quâ conflantur *Spiritus* esse *Succum chyli ferum*, illorum *restauratio*, *confirmatio*, & *vigor* à ciborum refectionibus, utique *languor*, *prostratio*, & *extinctio* à negato alimento apertissimè demonstrant: Utcunque *Spiritus* à *semine* primitus orti fuerint, *alimento* indies *ingesto* *conservationem*, & *prolificationem* debent, à quo tamen non alterantur *sanitate* illæsâ, sed è contra id variè *transmutant*, à *cruditate* & *recrementis* liberant, in *succum* vel *rorem nobilem*, & *spiritualem* evehunt, *idealem* retinentes *characterem*: hinc fit ut licèt quotidianum evenerit *Spiritus* dispendium, non deficit *Natura* *multiplicationem* *comparem* (rectè si res se habuerint) excudens; re autem confectâ emeritæ *Spiritus* cohortes foetui adulto *prædia* dedunt *hereditaria*, qui semper ejusdem *farinæ*, *parentelam* fatentur; adeò ut, quousque corpus sanum fuerit, serie longâ *progrediatur* *Spiritus* *fabricatio* quorum *Vulcani* existunt ipsi *Spiritus*, consimilitèr

ac



De Spiritibus eorumq; infectione. 77

Ex lumine accenditur lumen ejusdem in-  
olis, & virtutis, sanguis utique præ-  
cipuum sanguificationis instrumentum.

Speculationis interim profundioris est  
expiscari, an calore duntaxat nativo,  
vel extraneo coadjutore, vel more spiri-  
tuum stillatitiorum particulæ genii &  
figuræ diversæ, quæ modò invicem co-  
actæ, soluto nexu communi, viz. agi-  
tores, & magis volatiles à massâ terrestri  
liberata in spirituum albo conscribi dig-  
nissimæ fuerint: Verum hoc magis in-  
subiectum sci. quòd spiritus humani sum-  
mo Naturæ conamine absoluti, Luce, ca-  
lore, cæterisque influentiis insigniti Solis  
indistinctis supereminet; quòd Lux eorum  
clarior, quòd calor vegetior, quòd demùm  
cæterique influentiæ magis vitales, eò Com-  
modius, eò expeditius, Spartam ador-  
ant; à prospero quorum ministerio  
omnes quotquot in corporibus nostris  
fermentationes pendent, & (ut multa  
laucis absolvam) mentis juxta & corporis  
integritas, & illibata vertitur Sanitas.

Haud magni interest dignoscere, quæ  
spirituum copia ad vitæ humanæ conser-  
vationem ac sustentationem necessaria,  
dum

78 De Sede Luis primariâ

dum luculentiùs constet, eos de *tincturâ* *genio*, & *usu* liquorum vel massæ participare è quâ eliciebantur, tum quoque pro *succorum puritate*, *simplicitate* aut *feculentiâ*, & *vitio*, atque *rarefactioni*. *regimine* magis minusve *limatos*, *sincero*. vel *turbidos*; & *noxios*.

Me insuper lubentius præbeo credulum, *Spiritus* non esse *membrorum particularium* *Lares*, & *accolas*, sed pro *Animæ imperio* pro liquorum fluxu, pro *vasorum*, *partiumque* contiguitate, *rectitudine*, & *consensu*, nunc in hæc, nunc in illa organa *motu voluntario* semet insinuare vel *violento* amandari, & impelli: Hoc in vulnere *aculeo*, aut *morsa venenato* parti uni illato, sat illustre; quod *spiritus* turmatim confluunt, ut illi maturè succurrant: Nondum itaque opinioni assentior de continuâ *spirituum* *tecturâ*; quin potius illos à genere *nervoso*, *aliorumque vasorum* *communitate* citissimam *malî communicationem* accipere auguror.

Secundò, aliquoties contingit, ut *Spiritus* à *puritate nativâ* desciscant; vel in tam *minutulis substantiis* citra *pulverem*,

*De Spiritibus eorumq; infectione. 79*

rem, & sudorem *navi*prehendantur; interdum quippe *Spiritus abortivi* fiunt, pereuntq; priusquam *Maturitatis* acmen attigerint, multoties evadunt *degeneres*, & pluries labem *ab extra* contrahunt.

Sin minus *succi*, vel *massa* è quâ con-  
stantur *Spiritus*, *uniformis* fuerit, *sincera*  
& *vitii cujuscunque* *expers*, planè fidem  
superat illos omnes numeros, & cumu-  
latam affecuturos perfectionem: pari  
quidem opere laterem laves, ab *impuro*  
fonte aquam haurias *limpidissimam*, ac à  
*hylo corrupto* & *vitiatò* *Spiritus* elici *vi-*  
*ales* & *beneficos* expectes: Si tamen *ali-*  
*mentum* fuerit *euchymum*, in ipsâ *Spiri-*  
*um* elaboratione errores sanè per-  
grandes obvenire possint, sive à calore  
*iraternaturali* massam subigendam ve-  
ementius urgente, sive ab *imperfectâ*, &  
*inaequali* particularum separatione, sive à  
*verniciosâ* frigoris accessione cruditates  
admiscente; postremò licèt *Spiritus* fue-  
rint *salutares*, *vegeti*, *accincti*, *motûs*  
amen *anomoliâ* peccare poterunt, unde  
varia emergant morborum genera:  
Quod ad rem nostram proximius attinet  
*Spiritus* plerumque labem *ab extra* contra-  
hunt

hunt, *seminario sci. contagioso imprægnati.*

*Aptitudo*, & *propensitas* Spirituum ad inquinamentum pestilens suscipiendum *igneam*, potiusve *salinam* eorum *naturam* insignitèr denotare videntur; quâ de causâ habitâ etiam *subtilitatis* ratione fædus ineunt *Spiritus* auræ quidem pestilentialis *allectores*, longè avidiùs, quàm cum *materiâ impactâ*, & *crassiori*, impressionum pneumaticarum protinus incapaci: Nempe cùm *Spiritus* fuerint (sicuti paulò ante memoratum) *nitrosi*, *inflammabiles*, itèr *microcosmi excubitores*, ob agnationem *veneni pestilentialis*, aggressus non tam accipiunt, quàm eos *provocant*; quemadmodum lucerna nuper extincta (modò distantia non fuerit remota nimis) ratione affinitatis, flammam quasi allicit, & ab intimo ejus amplexu accenditur: Sive demùm *effluvia pestifera* figuræ consimilis utcunque propter *qualitatem deleteriam* illis adversa fuerint, res haud datur certior, quàm eos ad *labis veneficæ* hospitalitatem pronos, prout è supra dictis colligi poterit.

Postquam *venenum pestilens* in sinus *Spirituum* admissum, nefariè illos *cor-*  
*rumpens*



## De Spiritibus eorumq; infectione. 81

*rumpens* vix fari licet, quales in corpore humano futurae alterationes; sci: *Spiritus* qui nuperrimè *aerei*, *lucidi*, & *solares*, mox *occidui*, velut noctem, tenebrasque *cimmerias* assumunt, & induunt; & tum propter *compides injectas*, tum propter *caliginem*, corpus illustrare, idque à morborum impetu tueri nequeunt; vel calore *vehementi*, & prae-  
*ternaturali*, igniti, evadunt *empyreumatici*.

Tertiò, hisce oratione Laconicâ perpen-  
satis, restat ut enarrem, quo pacto cor-  
pus humanum à *Spirituum corruptelâ*, & in-  
fectione lædatur; nescio sanè an in rerum  
naturâ detur urgentius malum, quàm, ut  
*Spiritus*, qui *Microcosmi Satellites Regii*,  
quod *Dii Tutelares*, suppetiarum, & præ-  
sidii vice, *desertores* agant, & Patriæ in-  
fidi *proditores*: at at nil clariùs, quàm  
*Spiritus* sub imperium, ditionemque la-  
tis *pestiferæ* prius cadere, quàm corpori  
& *visceribus* tantillùm mali machinentur;  
utprimùm nempe nobis insidiantur *efflu-  
via pestifera*, spirituum legiones, tanquam  
esset *Hannibal* ad portas, fortitèr col-  
uctantes, ingressum prohibere, & de  
G. pos.

possessione illa dimovere, & deicere eni-  
tuntur, pro aris & focis certaturi; quæ  
tamen prælium adversum facientes, &  
debellatæ, introrsum cedunt, quas fugien-  
tes à tergo insectatur hostis, easque tan-  
dem captivas, & dedititias in triumphum  
ducit; inermem corporis molem facilè ex-  
pugnaturus; hæc quidem methodo tinctura  
pestilentialis sanguinem inficit, unde Cor,  
& pulmones gravissimè patiuntur; hinc  
utique succi nutritii degeneratio corruptiva  
non sine magno nervosi generis malo; hinc  
succu pancreatici acor adurens summarum  
ægritudinum parens; hinc corruptio corporis  
labefactata, totius machinæ humanæ e-  
luxatio, nec non sæpenuerò vitæ ipsius  
extinctio.

Quod viscus nobile viz. Cor primariam  
morbi vim persentiscere videtur, id nullo  
modo fieri conjicio, à specificâ (sicut  
perhibetur) qualitate, illi è regione velut  
adversante; perinde ac si de pestilitatis  
essentiâ foret tam elata malitia, ipsam (uti  
aliquibus placet) vitalitatis arcem ever-  
tere: Cor autem, mox ab invasione inju-  
riâ afficitur, ob vasa ejusdem multifaria, spi-  
ritumq; unâ cum liquoribus circulationem,

vel

*De Spiritibus eorumq; infectione. 83*

vel denique inspiratis effluviis pestilentialibus aere pallatis, propter facilem ad id transitum; de quâ re uberius ubi ad Signa deventum erit.

His itaque saltem verisimilibus argumentorum momentis freti, *Luis seminarium in Spiritibus* primariò nidulari; quorundam inscitiam non satis miremur, qui institutâ *cadaverum* peste, aliisque d genus affectibus *intersectorum* disquisitione anatomicâ, causam, & mineram se detecturos confidunt: *Vir quidam* reconditæ eruditionis, & in re anatomicâ, si quis alius, probè exercitatus, sed peste superâ infelicitè extinctus, se in *plexûs* *horoidis* *angulis* *extremis* versus *cerebellum* *vesiculam* *quandam* *minimam* observasse narravit; alii *pulmones* admodum *utres*, *maculisque* *pestiferis* hinc illinc *rustos* animadvertère; alii *Cor* mirè *tumefactum*, & *stigmatibus*, velut nigro *rotatum* *carbone*, se vidisse retulerunt; atereâ autem nil patentius, quàm *viscera* *hæc* *quadantenus* *campos* fuisse *Marios*, in quibus *Spiritus* cum *veneno* *pestifero* manus conseruère: nec quempiam admiratione teneat, *malignitate* *solennitèr*

*triumphante* potitæ victoriæ spolia, & *insignia* ubivis loci reperta jacere.

Quamobrem licet ratum sit, obvia, & apertissima *Pestilentiae* indicia à causâ pendere *Spirituali*, & *invisibili*, cujus effectus tamen autopsiâ interdum detegantur, mihi non est in animo *dissertationes* tanquam *inutiles* improbare, quarum quotidiano adminiculo *Medicina* prope jam à *conjecturalis* artis opprobrio se liberavit; quum verò cadaverum apertio, *peste* jugulatorum, periculo non vacat, & vix quicquam nos de ejus naturâ edocet; certè majores *Medicinæ* adepto honores decernendi, qui intimè perspectis *Spirituum origine*, naturâ, usu, & defectibus quibuscunque, artificio singulari optima norit *agritudini eorum* occurrere, & *inmatura* hinc mortalium fata præcavere.

Postremò, ut supremam manum doctrinæ huic de *Spirituum infectione* imponam, invictissimum à Curationis scopo argumentum subjungatur; plus millies enim expertus sum quod *remedia alexiteria*, & *Cardiaca*, quò subtiliora, & magis *pneumatica*, eò certius, citiusque auram *pestilentem* velut armis victricibus domuerunt;



*De Spiritibus eorumq; infectione. 85*

erunt; atque è contra, quæ *crassa, & faculenta*, correptis tardo, si ulli fuere subsidio, sed hæc relegamus in sectionem de Curatione.

---

SECTIO QUARTA.

*De Luis cum aliis Morbis complicatione, & imprimis cum Scorbuto.*

---

**P**estilentia uti omnium, quotquot sunt morborum *Princeps*, & *Coryphæus*, ita cum iis *implicandi* gaudet privilegio; plane ut è plusquam mille malis quibus miserè conflictamur *mortales*, non minùs *affectus* quilibet eminentiæ prærogativam ex debito concedat, quàm ex contrarietate, aut antipathiâ à triumphante illius imperio immunis existat.

Si non abutentis esset otio, & patientiâ Lectoris, ægritudinum quarumcunque syllabum exhibendo, fidem assertioni huic vix infirmam conciliare potuerim; sed vela contraho, etenim *morbos inter miscel-*

los, alios, atque alios, reliquis interiorē & propiorē cum Peste societatem inivisse observatio crebra abundē patefecit; vel nimirum ob *venenositatem communem*, vel ob *peculiarem* utriusque, & *mineram* proximē *congenerem*.

Primæ Classis sit *Lues Venerea*, cui (cæteris tantispèr omissis) se comitem adiunxit *semen pestiferum* insistere liceat.

Coortâ primitus *pestilentia*, mox emanavit fama, omnes morbo quovis teterrimo, putâ gallico cruciatos, à *corruptione pestiferâ* protinùs securos fore: hinc quidam, proh sceleris, & impietatis portentum! imprudentèr, & lascivè feroces, ut se incolumes præstarent, in immundissimos ruebant amplexus: præterquàm verò *qualitatem veneficam* huic morbo *peculiarem*, & ei foedere arctissimo *conjunctam*, præter *exhaustas*, *collapsasque vires*, præter *fatiscentem corporis tonum*; hoc sci: accessit, tanquam suprema miseriæ coronis, *virus* quippe præstatum labis pestiferæ coitionem velut *magneticè* deperibat: ceterùm paucorum dierum mora temeritatem antehac inauditum solidè redarguit; eò quod plerique hoc Antidoto perbellè licèt muniti

muniti, à contagii tamen pestiferi superuenientis impetu extinguebantur; tantum nempe aberat morbum Neopolitanum potuisse quempiam à tantis aggressibus tueri, ut bubones venerei sæpenuerò, promptâ quidē transmutatione, emerferint pestilentes conjugatâ; igitur malignitate, quid miraculi singula utriusque morbi symptomata magis effera, magis funesta.

Atqui *Natura* solers machinatio minime hîc loci oblivioni tradenda, quæ ut semet ab utrisque in malo confœderatoribus methodo eâdem expediret, quandoque suapte sponte *Salivationem* moliebatur: Exinde res tota frequenter in vado collocata, evacuatione illâ, sicuti decet, progrediente, & insimul cum veneno associato copiosissimè humores serosos, & noxios exantlante.

Submonendi interim *juniores Medici* nè quoad hoc cœptum sint inconsulti *Nature* imitatores; nisi cum pari agrotantium discrimine, & periclitatione experiri velint, ac *Medicus* quidam non nemo, qui pulverem hæud ita pridem apud credulum vulgus celebratum, item, atque iterum deglutiivit, unde sputatio interpo-

88 *De Luis complicatione :*

*lata* cum symptomatum pravorum agmine, institutâ tandem ab aliis *curatione methodicâ* hîc ægrè convaluit.

Ut difficultatem totius rei verbo infringam, haud longè à suspicione abest, *Mercurium* aliquando in nonnullis corporibus diutinè, velut anguem in herbâ latitantem, illicò à correptione *pestiferâ* è latebris profilire posse, & *ptyalismum* excitare; ardore sci: *febrili vehementissimo*, *medicamentis* quoque genii calidioris, *Argentum vivum* eousque *consopitum* expergeficientibus, & sublimantibus: summa itaque cautela à *Practicantibus* adhibenda in *Mercurii* præscriptione, non tantùm in *provehentiori*, sed præsertim (quod maxime usitatum nunc dierum) in *etate infanti*, nisi benè calluerint *Artis medicæ consulti*, quàm ocysimè, & dextrè *cacodæmonem* eliminare; nè forsitan præter malum modò recensitum, *ulcera maligna*, *ossiumque caries* (quod observationibus medicis abundè confirmatum) tum *inscientiam* hominum malè practantium, tum illatum *ægris* noçumentum signo indelebili consignent..

Utcûnque non me latet, posse *virus pesti-*



*pestilens* citra adjutorium glandulas obfido-  
dendo, eas tumefaciendo, & laticis serofi  
transitum impediendo, ulcuscula etiam in  
ore excitando, *Mercurii* adinstar *Saliva-*  
*tionem* inducere, hoc utique in febribus  
*malignis* haud infrequens, prout suo loco  
dicitur.

Demum tam clara, tam explorata res  
est, *Pestilentiam*, & *Luem Veneream* arctâ  
implicari familiaritate, ob *affinem viru-*  
*lentiam* corpori humano *inimicissimam*,  
ut quidem luderetur opera in ulteriori  
confirmatione: neque hâc in re contra  
nos militat quorundam opinio, quæ sta-  
uit *Luis venereæ* seminarium in humidi-  
tate; *Pestis* autem in siccitate hospitari;  
dummodò symptomata affectus utriusque,  
& ulcera, naturam illorum communem  
esse, h. e. *salinam*, clarè patefaciant: sin-  
tinus hoc concessum, ratione tamen  
*venenositatis* facilè maritali poterunt, u-  
nitisque viribus maximo mortales adoriri  
detremento.

Cæterum amicitia inter *Pestilentiam*, &  
*Scorbutum* non levis, & *suffragatoria*, sed  
firma, & perpetua, quorum eminet inti-  
rior coalescentia, velut commilitonum  
con-

conjuratorum, *salinâ* nimirum parentelâ indubiè subortorum; etenim sive *transplantationis præmemoratae* recurrat memoria, viz. quòd *miasma pestilens* ab Imperio *Turcico* in *Belgium* transvectum erat, ubi primò affectus hi *fæderati*: sive animadvertat quispiam, quàm *epidemica* multò ante apud nos *affectio scorbutica*, ei minimè portenti simile videbitur, *morbos utrosque fore domesticos*, & velut *conspiratione* in genus humanum *factâ*, longè, latèque debacchari; à *propensa* itaque illorum *coitione*, cujusnam fuerint indolis, sat obvium: qualis flammarum immiscendi sese invicem, & uniendi ardor, par, si non *concitator*, in *salinis particulis* societatis, & accuratæ conformitatis, pruritus.

*Salium* licèt diversa fuerint genera, & immane discrimen, quoties tamen conveniunt, tantâ mox conjunctione ferruminantur, mutuòque coalescunt, ut nullâ deinceps arte segregari possint, quâ de causâ *affectus* hi confederationis tam pertinaces erant, ut *Pestis nupera* passim appellaretur *transmarina scorbutica*, cujus tyrocinia propter novam fomitis parati, *familiaris*, & *congeneris accessiopem* celerimè progrediebantur. Fæcunda

Fæcunda insuper *connubii* phænomena, morborum horum *viciniam*, & *consanguinitatem* palàm fecêre, sicuti paulò post dicitur: verum ut plenius *concordantie* specimen exhibeam, mihi quædam (cæteris jam missis) symptomata recitare fas est, ubi imprimis occurrunt *macule* utrisque morbis communes, signa *amborum* diagnostica.

Quoad *maculas pestilentes*, correptorum nonnullorum *cuticula* erant tam *maculose*, ut vix ulla corporis pars *stigmatibus* vacua deprehenderetur; certè universalis *eorundem* diffusio, omnia cutis spiracula possidebat; *veneno* scilicet *pestilentiali* admodùm *exagitato*, & *dispalato*, de quâ re alibi.

Si facies, & conditiones *macularum* in utroque morbo spectandæ, haud satis scio quid discriminis observari queat; etenim quoad *magnitudinem*, & *figuram*, maculæ pestilenciales nunc emerferunt latæ, nunc contractiores; consimiliter ac in *Scorbuto solitario*: quoad *durationem*, tum *his*, tum *illis* confestim *evanescere* & *redire* vicissim solenne, atque aliquandò ultra *biduum*, *triduumve* *stabiles* hærere: exin ab

92 *De Luis complicatione :*

ab imperitis quibusdam mulierculis, & sciolis aliquot, maculæ Scorbuticæ stigmatibus habebantur pestiferè læthalia : quoad colorem petechiæ pestilenciales, juxta ac in Scorbuto, *Floride*, pulicûm morsuras recens illatas, ad amussim referentes : interdum verò *obscuræ*, & *livescentes* deprehendebantur ; in puero quodam *purpureæ*, cujus corpus undiquaque, velut floribus violarum, interpietum ; in nonnullis *nigræ*, à *Syderatis* cautè admodùm discernendæ.

Quàm in super morbi hi amplexim commixti, alia quidem apertissimè indicabant Symptomata, viz. *alvi dejectiones* in utrisque affectibus *copiosissimæ*, quæ dumtaxat suppremi poterant opportunâ remedium exhibitione, *salinam* eorundem *naturam* optimè contemperantium quod si *fluxus* aliquandiu perseveraverit ingens sanè, & inexpiabile malum agri solebat machinari ; unde multoties *intestinalium* corrosio, & inflammatio, item *illorum* sphacelatio, præeuntibus torminibus perquàm gravissimis, & plerumque copiosâ sanguinis dejectione : postremò tumores, & ulcera *consortium* horum affectuum.



ffectuum intimius pulcherrimè indica-  
ant, prout in Sectione de Curatione  
ocebitur.

*Pestilentia* interim ut *Scorbuto* amicitia,  
& Unionis parem referret gratiam, in  
orreptos plurimos *ideam suam* impressit  
prius à labe illà immunes: certè quid mi-  
aculi post tantam sanguinis, caterorum-  
ue succorum conturbationem, & dege-  
nerationem; post particularum maximè  
ubtilissimarum, & spirituum denique ex-  
halationem, aut suffocationem, *diathesin*  
superinduci *scorbuticam*, remediis qui-  
busvis, licèt generosissimis, agrè ceden-  
tem.

Restat jam, ut paucis scrutemur, ecquid  
commodi è *Luis* cum aliis morbis *confe-*  
*deratione* accreverit. Geminam historiam,  
unam de *Tabe*, de *Scrophulâ* alteram, hìc  
proponam.

*Puella quædam* 15 circiter annorum ad-  
modùm extenuata, ut ossa præter, ac cu-  
tim, vix quid superesse videretur, hæc  
cùm nil alimenti per spatium 14 dierum  
sumpserat, diu habebatur ab omnibus pro  
deploratâ; ego ad matrem ipsius, duos-  
que alios in domo illâ peste laborantes vo-  
catus

94 De Luis complicatione :

*catus, correptorum* in me curationem suscepi, quibus statim convalescentibus ; tandem hanc *semimortuam* Lues invasit ; quæ modò velut *extincta* jacuit, calore febrili mirè *animata*, artus movere cœpit, & *remediorum* ope *Alexipharmacorum*, quæ tamdiù *elinguis*, de tumoribus hîc illic *dolorificis* conquerebatur ; *Bubones* autem *emersuri* ( quantum conjecturâ assequor ) ob succi defectum, minimè suppurati erant, sed ob copiosissimam transpirationem valdè *beneficam* subsidentes evanescere ; intra duas septimanas ( Deo annuente ) *puella* præter spem, & opinionem omnium in integrum restituebatur, tabe enim indies discedente.

Virgo altera ultra 16 agens ætatis annum, à teneris unguiculis tam *scrophulosa*, ut *strumæ* multiplices, & obstinaces, nullo remediorum genere tolli poterint ; hæc tandem *peste* afficiebatur, tumoribusque *strumosis* supervenere *parotides*, quibus suppuratis, & pus affatim effluentibus, tam à *Lue*, quàm à morbo *contumacissimo*, & *dinturno* liberabatur ægra.

Quidam *podagrici*, aliisque affectibus inveteratis vexati, *auspicatâ* hæc *associatione* restituti

restituti erant : reverà omnes ferè Luem  
perpeffi, curatione v. a. e. administratâ,  
rectiùs postea valuère ; planè ut non  
modò *venenum* aliquandò , sed *ipsa Pests*  
vim obtinuerit medicamenti : hætenus de  
*Luis complicatione* : Signa ejus jam descri-  
benda veniunt.

---

## SECTIO QUINTA.

### *De Pests nuperæ Siguis manifestis.*

---

**P**Ræter rem nostram omninò foret,  
multifaria *Constitutionis Pestilentis*  
phænomena hîc tradere, quæ (modò fides  
eventui habenda) *phantasiæ* ut plurimùm  
*infirmæ*, & *conjecturæ* deliramenta jure  
merito censenda ; sive à *Cometis*, *Plane-*  
*tarum Conjunctionibus*, cæterisque id  
genus indiciis deprompta : qualia precor  
de *Contagio* aliunde *advecto* hariolorum  
auguria? an *Cometarum* caudæ aculeo *peste-*  
*lentiali* semper armatæ? *aerne impurior*,  
& *insalubrior*? an *fames Pestilentia* nu-  
peræ

peræ *anteambulo*? an denique visâ *Infectorum* multitudo insolita, nubium adinstar? immò è contra (uti supra memoratum) cùm omnia viderentur *fausta*, *serena* omnia, defunctos quidem periculis, & in utramvis aurem dormientes, *Lues hæc* improvisâ saltem, pænè dixeram transplantatione fortuitâ ad nos trajiciebatur: ab *effectis* itaque signa petere satius duco ad institutum nostrum propiùs spectantia.

Pauca admodùm occurrunt Signa *Lui pestifera* appropriata, quæ cùm affectuum ferè omnium, præcipuè acutorum *Epitome* fuerint, & *compendium*, utpote cum *iis* confœderata, tot, & tam varia signa exhibere solet, ut definitus eorum vix tradi Elenchus queat: Ego interim satisfacisse videar, si illa solummodò depinxero, quæ juxta observationem quotidianam magis *publica*, & in plerisque ægris *obvia*, & *familiaria*: Hæc autem methodi gratiâ in duas classes dispescam.

Primæ, Suntu manifesta correptionis signa.

Secundæ, Quæ mox ab invasione apparuerunt. Me hîc necessariò prælibare oportet,



oportet, *Pestilentiam* secundum ægri constitutionem, ætatem, anni tempestatem, prægressos, sive præsentis morbos, pravam victus rationem, seminarium utrique ab infectis deciduum, ejusque virulentiam, ac gradum, alia, atque alia, protinùs incerta, nonnunquàm contraria dedisse adventus indicia.

Symptomata primi ordinis erant *Horror, Vomitus, Delirium, Vertigo, Cephalalgia, Sopor.*

Secundi, *Febris, Vigilæ, Cordis palpitatio, Hemorrhagia narium, incendiumque præcordiorum.*

Signa magis peculiaria, & Lui appropriata, viz. *Pustula*, nostro idiomate *Blains*, *Bubones*, *Parotides*, *Carbunculi*, *Petechiæ*, & *macula pestilentes* Anglicè *Tokens*, de quibus sigillatim.

Ignoro quidè, an in rerum naturâ prout iterùm atquè iterùm admonui) quid exploratius, quàm *venenum pestilens* ore tam subtile, & tam insubdola insinuatione corpus subire, ut rarò admodum primaria ejus obreptio è longinquo prolatur; ideòque quod de *insidi* Pestis impulsu vulgò traditur, nempe correptos

H.

ipssimò

*ipsissimo* invasionis articulo velut *ictum* illatum sentire, quasi *plaga* tunc temporis *inflicta* fuisset, phantasie corruptæ, & conjecturæ potius attribuendum reor, quàm iudicio explorationis compoti: solenne nimirum rudi plebeculæ terrore quovis exanimatæ, varia passim imaginari, & fingere commenta; saltem quod diù apud vulgus obtinuit, id altiùs impressum fidelitèr hæret, argumentis demùm haud ullis deletibile.

Proinde, cùm hoc hominùm genus (sicuti multis retrò annis increbuit fama) methodo præfatâ *Luem* corripere crediderit, quidni opinioni utut inconsultæ assensus plenus, indubiumque suffragium tribuatur? quò fit, ut mortales pertinaciter persuasi, *ictum* invasionis expectent, & quodammodò illatum sentiant.

Atquè non me fugit, nonnullos *ro vov* *insultis pestiferi* detexisse, haustis tunc odoribus teterrimis, & ingratisissimis, eò quòd *seminarium pestilens* (uti suprà proditum) se aliis corporibus immiscens, unàque cum iis è *pingui*, & *crassâ materiâ* constantibus, *venenum subtile* naribus quandòque ingerebat.

Poste-

Posteaquàm *miasmata pestilentialia* quempiam adorta fuissent, & spirituum devicissent copias; sanguinis massa, & reliqui corporis succi labem accipere; hinc *orgasmi* vix compescendi, hinc *Symptomatum* Syndrome, quorum Dux, & vexillarius *Rigor*, sive *horripilatio* citra causam quamlibet manifestam mutationis tam inopinatae, & subitaneae.

Symptoma hoc Naturæ laborantis colluctationi agonisticae ortum debet, quæ malignitatis vim fortiter oppugnans, illum frigoris quasi invadentis sensum inferre videtur, à seminarii pestilentialis introfuitate dependentem; consimiliter ac Nitrum delibatum linguæ saporem velut frigidiusculum imprimere solet: Rigorem porro quoad causam, à venesicæ Læis qualitate Calorem Nativum enervante, & obruente, proficisci suspicor; atque motus spasmodicos à nervosi generis affectione; articulis sci. falsis, asperis, & malignis; atque eapropter heterogeneis, in exiles modum Vasculorum istorum exquisitè consilium meatus confertim amandatis, quæ dulcorationis, levigationis, & emendationis omninò incapaces, irritando,

*vellicando & nonnunquam causticando motus convulsivos, & involuntarios excitare valent.*

Correptorum pars maxima horrorem hunc patiebatur, alii tamen graviolem, alii mitiorem; de præmaturâ autem liquoris nervosi labe dubitare amplius non licet, itémque sanguinis diathesin non nisi paulò post immutatam; cruorem nempe, vel propter effluviorum veneficorum subtilitatem, vel propter fibrarum robur, ac tenacitatem, coinquinamenti noxam aut tardiùs admittere, vel susceptam diutiùs cælare, lubens assentior.

Certè tam rara existit nervorum textura, tanta generis nervosi conspiratio, & consensus, tam denique eximia liquoris pneumatici perfectio, ut ubi primùm incommodi quid appropinquaverit, corpora exquisitè sensilia, & spiritus præsidium istic agentes, mali appulsu moveantur, concutiantur, & in tremores spasmodicos cieantur, quibus se in libertatem vindicent, & hostem protinùs excutiant: demùm pro verisimili habeo inquinamentum pestilens è nervis, in musculos explodi, exin tensio, tremor, vellicatio, & universi

cor-



corporis *concussio*, cum *pandiculatione iterata*, hæud secus ac in febribus putridis, & *malignis*.

*Duratio horripilationis* incerta erat, uti & *gradus*, cujus *terminatio* nunc *brevior*, nunc *protractior*, interdum intra sesquihoram *Cessavit Rigor*, crebrius ultra quatuor, vel quinque horas perseveravit: hoc attribuendum *Conjicio*, vel *seminarii pestiferi copie*, *malitiæ*, vel *Naturæ Colluctationi prosperæ*, aut ejusdem *impotentia*.

Horrorem vix adhuc cessantem urgentius ut plurimum premebant *Nausea*, & *vomitus*, unde maxima *cibi aversatio*, & tantum *Stomachi fastidium*, ut ægri mox ab *invasione pestiferâ æsculenta* modò *gratissima*, nè *conspicere ferrent*, vel *sermonem de iis habitum audire*, quo non dabatur certius, & *indubitatum* magis *correctionis testimonium*?

*Præter inappetentiam*, & *nauseam*, quosdam gravitèr infestabant *vomitones*, *crapulâ* plus sæpè earundem *anteambulatione*, quæ nonnullis excussæ *molestiores*, & magis *periculose* ob *qualitatem Luis veneficæ*, *ventriculum ingestis* quandoque

que vacuum molestè irritantem, & subvertentem; hunc sci. propter contextum nervosum exquisito admodum sensu donatum, succos quoscunque mordaces, humoresque corruptos, prout poterit, excernere experimur; nec minùs illum universi corporis tutelæ, nè quid mali accidat à veneno pestilentiali, indolis quidem salina, quin & eâ de causâ pungentis, & corrosivæ, invigilare, & insurgere: quorsum hæc in re neminem postea dubitatio habeat, viz. ventriculum ob contexturam nervosam aliena omnia præsertim inimica, & pestifera, pro valdè è fundo suo quamprimùm ejicere.

Plerique tam immanem, & diuturnam subière irritationem, ut illa quibuscunque remediis ægrè compesci, aut fisci potuerit, ut medicamenta ipsa utunque ad plures vices iterata redderentur; immò frequentèr vomendi conatus lacecebat quousque de viribus infirmi actum fuerit Symptomate adhuc permanente, & vigente, nec non seminario pestilenti altiores agente radices.

Ejecta per superiora, exantlatâ priùs humorum ibi congestorum suburrâ, in  
con-

conspēctum se dederunt *biliosa*, diutine floris instar *cerevisialis fermentascentia*; quoad *tingturam*, & *colorem*, persapē *subviridia*, & *porracea*, nonnunquā tam *fatida*, ut *correptorum* vel *cubacula* introire vix cuipiam salvis naribus liceat, ob *prodigiosam*, & *præcellentem malignitatem*, sive *putredinem*.

Infustus medicamentorum usus, multo sanè usu vomitionem licet enormem aliàs mox sistentium, ubi etiam *ingens sitis*, *calorque fervidus* aderant, in ventriculo *carbunculi*, aut *mortis* periculum imminere suspicionem præbuit, ideòque languentes hi *animam* (si Helmontio fides) in illo sitam evomuere, quod amplius in prognosticis patebit.

Priusquā pergo, *Charissime Patrie* salus, & *Posterorum* cura à me exigunt, ut *Empericorum* cujuscunque ordinis *inscitiam nefariam* in apicum proferam, quibus nimirum ex usu erat, *remedia emetica* passim propinare; profectò hanc praxi plurimi è medio sublati erant, auctā hinc *vomitione Symptomaticā*; mihi autem ad hujusmodi languentes vocato, in istā rerum angustia, quid facitandum



optimè perpensâ *Canonum medicinalium* liturgiâ, haud expedita erat deliberatio; tametsi enim omnia ex *Arte* administrarentur, res tamen in pejus ruebat; quapropter arduum nimis reperi pensum, lapsos semel per errores temerarios, & fatales suffulcire, & firmare, non minùs in morbo peracutissimo, quàm in bello gerendo, quod ex infrâ dicendis patebit.

Cæterùm, unde primaria *Ventriculi* affectio, si cuiuspiam percontandi animus, & quibusnam meatibus illum adire queat *venenum pestilens*? ut illius dubitationi satisfaciam, nil magis in propatulo, quàm *miasmata pestilentialia*, non tantùm per apertos portus, sed per cutis spiracula frequentèr ad *nervosum genus* clàm transire, à quo ad reliquas partes fit eorundem communicatio; hoc quippe *nervis* proprium, non solummodò primariam malignitatis impressionem *Stomacho* impertire ob *consensum Catholicum*, quàm illam quocunque modò *advectam* sustinere, effectu interim haud dissimili, ac *Vomitório exhibito*.

Aliquando se *esculentis* immiscere solet *aëra pestilens*, & unâ cum *tis* deglutiri;



tiri; *solutis* inde, & liquatis post tantillam moram *ingestis* per *salivam* masticationis muneri *dicatam*, & *ventriculi* pyrotechniam, *semen pestilens* libertate potitum, & exaltatum vi *dissolventis acidi* potentius evadit, minimè impar *Arsenico*, vellicatione, & corrosione nonnunquam *Vomitiones* provocanti non conhibendas, utique & *motus* interdum *Convulsivos*: Hoc toties à me observatum, dum plerique bonâ, & integrâ valetudine statim à *commestione* ægrotaverint, & *cibum* aliàs *euchymum*, & *laudabilem*, velut *impurum*, ac *Venenatum* evomuerint, ut de hâc re nemo amplius in Consilio fluctuet.

Ab odoribus insuper vomitus excitari solet, tum *graveolentibus*, tum aliis, *correp-  
orum naturæ*, & constitutioni antipathia quâdam *contrariis*; hoc evenire concipio ob harmoniam, & consensum *organorum olfactûs*, & *stomachi*, quorum rassa per *membranam Communem* tam connexa, ut *afflatus* é materia putri odores *etros*, & *ingratos* sagaciter *Ventriculus* persentiscat, unde illicò *fastidium*, & *simultas*; mihi interim venia indulgeatur uni-

unicum hîc obiter annotandi; sci: uti  
 multis in casibus *remediorum emeticorum*  
 exhibitio funesta, ita quidni ab *odorum*  
*quorundam* olfactu sat efficacitèr, & tu-  
 tiùs longè, institui poterit *humorum noxi-*  
*orum* per *superiora*eductio; siquidèm  
 contra *aceti*, & aliorum id genus *odoratu-*  
*vomitum* fisti experientia palàm fecerit.  
 Ingenuè fateor me non pluriès experi-  
 mentum hoc peregissè, sit utcunquè  
 penes *medicum rationalem* ejus periculum  
 facere.

Quinetiam *agri* ferè omnes, mox ab  
*haustâ infectione* delirarunt, circa *plateas*  
 & *agros*, quoquoversùm (nisi detine-  
 rentur) vagantes; nonnulli perambula-  
 tione valdè incertâ fessi, *ingravescente*  
 etiam *malo*, conciderunt, nescii omninò  
 quid rei actum, unde ventum, ubinam  
 loci erratum: Ut denique repetam quod  
 suprâ evulgatum, omne *veneni* genus  
 hâc in *tragediâ* congregi videbatur, suas  
 quodque partes acturum.

Alios *vertigo* invasit, unde correpti  
 citrà *circumgyrationes* ab extra, capita  
 Circumferri credebant: *cerebrum* haud  
 dubio à *miasmate pestilentiali* gravissimè

impetebatur, non tantum quia nil spiritus obfuscatis solennius, quam omnia velut per somnia transagere, sed potius à veniendi indole inflammatoriâ, causticâ, narcoticâ, ut vasorum texturâ, & consensu hoc perferere, liquorumve variâ conditione, Atque etiam hanc Vertiginem ab inordinato, & anormalo spirituum motu interdum profectam fuisse, nostra fert sententia.

Verum de *Cephalalgia* plures conquerebantur, quorum capita tam vehementer dolebant, ac si in diversas dissilirent partes, malum siquod aliud intolerabile, quippe quod absque ullâ remissione, ut intervallis sæviebat, hoste non suapte ponte pacato, sed naturæ duntaxat, & medicamentorum virtute debellato; reverà vix quid patentius, quam *meninges* à *crasmo salino* stimulas, tantam exhibuisse languentibus molestiam; horum quotquot diem supremum obierunt, dolore ad extremum spiritum ferociente, & lancinante, de *Cerebri* inflammatione, & corrosione, item spacelatione, minimè levis suspicio aderat.

In hoc quoque Symptomatum ordine Sopor annumerandus, eò quod plurimi ab

ab ipsissimo *invasionis* articulo admodum *Comatosi* evadebant interdium, nocturnique altè dormitantes, quasi *opiatâ confecti* inebriati: aliqui in rebus suis occupati, cum amicis, alii colloquium ferentes (prout è supra dictis pateat) aliaque negotia agentes, derepentè nequicquam reluctantes, in profundam, & persæpe infausitam prolapsi sunt somnolentiam.

Quo autem pacto *virus pestilens* sibi *virtutem narcoticam* adfiscat, non mihi in promptu explicare, an sci. ratione *ipsius seminarii*? An ob cognationem & complicationem cum *Scorbuto*? An propter *malignitatem præcellentem*, *eximiamque malitiam*? An *medullosa cerebri substantiâ* afficiatur? An *Circulatione* aliqualiter *præpeditâ*, vel *coagulatio*, vel *sanguinis extravatio* Symptoma hoc inducat? Sive labes obrepit *nervorum* originationi illata? nodus hic quidè altero Hippocrate dignus: Apud omnes interim in confesso *virus pestilens* non tantùm ob *soporem*, magis *fixum*, & *Contumacius* reddi, sed *genus nervosum* inde gravitèr pati, & heu nimis! debilitari.

Secundi ordinis Symptoma primum  
esto



to Febris, quæ (uti priùs dictum) estilentia nupera ut plurimum comes fissima erat: tametsi Lues quandoque correptos multò citiùs vitâ privaverit, uam sanguis, vel succi reliqui fermentescerent: In concessis itaque sit, laborantium Lue partem longè maiorem febri-tasse. Hæc autem Febris in quibusdam tens, & occulta, in aliis manifestò in-aruit; illum sanè in re medicâ parùm ersatum arbitror, cui inexploratum Fe-res sæpenuerò vel malignas, in morbi kordio tam obscuras fore, ut vix à uopiam expertissimo deprehendi potu-rint, absentibus tunc temporis calore im-iti, pulsu inequali, simul ac sui vehementi, ia tamen obscuriora licèt phenomena, que etiam exitus sat, superque evince-ant languentes Febre neutiquàm vacasse. Multa profectò eveniant, presertim in-cessione, quæ immensam de illius insultu indicandi difficultatem adferant; viz. si mia in venis, & arteriis acciderit massæ nguineæ turgescencia, spatio ipsius com-otioni, & depurationi haud satis amplo, el si cruor fuerit tam tenuis, crudus, & egener, ut ægrè fermentascere, & accendi queat;

queat; vel si *miasmata pestilentialia* congressu primo apparuerint *amica*, & sanguini semet immiscuerint citra notabilem ejus alterationem, aut ob *qualitatem* illorum *frigidam*, & *stypticam*, unde *exagitationis tardatio*, si non *suppressio*.

Quamobrem nemo imposterum *febrilem* abesse *invasionem* suspicetur, tamen *patientia*, & *indubitata febris phænomena* non se statim prodiderint: Verum *grassante nuperâ peste* aliter se res habebant; *apertissima* quippe *signa febris præsentiam* ut plurimum sat manifestò indicarunt, qualia nimirum *inquietudo summa*, *calor intensissimus* foràs, & intra, cum *siti inexplebili*, *ariditate*, & *nigritie lingue*, *astu præcordiorum intolerabili*. Cæterisque *accessionis febrilis nunciis* locupletissimis.

Quoad *febris exacerbationes*, & *remissiones*, observatione quotidianâ constat, eas nunc *vagas*, & *mutabiles*, nunc *continuas*, absque ullis intervallis, interdum *remittentes*, cum *periodis infidis* quatuor, viij sæpe 10, vel 12. horarum. Et prout *alternatio rigoris*, & *ardoris* varia, nonnullis bis, terve horulæ spatio vicissi-

vicissitudinem expertis, aliis *tardior*em re-  
versionis periodum compatientibus, ita ut  
*insultus* nunc *leviores*, nunc emicuerint *gra-*  
*viores*, viz. qui paroxysmi primi impetum  
vix sustinere valuit; secundum alacritèr,  
utpote mitiorem subivit, tertii rursùs,  
vel quarti vehementiæ, & furori inten-  
tissimo succubuit: Multotiès transacto  
ine magno incommodo typo primo,  
secundus, reliquique insequentes supra  
modum invaluère; tanta sane eràt *morb*i  
*essum*i moris versutia, dolusque, ut de  
jus circuitu, & tyrannide nil certi pro-  
uttiare potuerimus.

Cæterum, ut plenam *varietatis tantæ*  
enitiùs notitiam assequamur, disquiren-  
tum.

Primo, Quæ paroxysmorum instabilium  
causa assignanda sit.

Secundo, Quæ reddatur ratio exa-  
rbationis incertæ urgentibus typis.

A salino *Pestis* seminario (quod argu-  
mentis quæsitissimis suprà probatum dedi)  
inmanes in sanguine, aliisque succis con-  
tari posse tumultus, eccui dubium?  
circuituum incertitudo, vel *mineram*  
aspicit *morbificam*, vel *liquorum* natu-  
ram,

ram, & motum: *minera morbifica* tum ratione *venenositatis*, tum *figuræ dissimilis*, Naturam suæ conservationis studiosissimam ad *noxii* expulsionem irritare consuevit, quâ tardâ existente, aut imperfectâ, vel illâ penitus deficiente non absolvitur *depuratio*; remittente tamen aliquandiù *exagitatione*, spatium datur intercalare; quandoquidè is *particularum venenatarum* genius, & figura peculiaris, ut aggressu primo rarissimè *conteri*, *liquari*, aut *subjugari* possint, sed datâ aliquali morâ *malum* progreditur sensim, longiusque serpit, *ideam* ubivis *pestilentem* imprimens.

Verùm quò hostem ejiciant, assiduam impendunt operam *Spiritus*, quorum tamen conatus non semper prosperi: Ut verbo hæc expediam, quemadmodum particularum homogenearum blanda assimilatio, & earundem indiscreta unio *regularem*, *Sociumque* cruori motum conciliat, ita ob inæqualitatem, & dissidium mixtorum, *Circulationis*, & *fermentationis* anomalia causatur, adeòque à liquoribus ipsis, & vasculis, præter *seminarium pestilens*, febrium harum inconstantia ratio petatur,



petatur, & fallax reversio, & neutiquam  
*à corruptione vel simplicissimâ*, ullove  
*(juxta veterum placita) putredinis gra-*  
*du.*

Ego nè quidè in uno languentium  
 observare potui vel minimum *corruptionis*  
*vestigium cruori impressum*: inviti licèt,  
 hoc fateri cogentur *medicatri* non sine  
 summo *corruptorum* malo, & magnâ illo-  
 rum strage venam temerariè tudentes;  
 nulla autem detecta labes in *sanguine*:  
 certè erubuit tam fatatè inscitiam in-  
*proxius cruor*, qui in hoc affectu ut plu-  
 rimùm solito floridior repertus.

Quòd urgente *paroxysmo* non uniformia,  
 & æqualia erant *febris* tempora, uno  
 aliud per vices incertas eludente, hoc  
 fieri conjicio ab impotenti *Naturæ* luctâ  
 cum *miasmate pestilentiali*; veluti enim  
*febris* regularis habita, ubi omnes quot-  
 quot sunt alterationes *ordine recto*, &  
*discreto*, se invicè insequuntur, ob  
 materiæ morbificæ velut *æqualitatem*,  
*indolemque ductilem*, ita è contra ubi  
 incertò movetur *seminarium pestilens*, typo  
 interm pergente, *novas* subinde excitans  
*commotiones*, ob materiæ forsan peccantis

† contra

*contumaciam, sive asperitatem minimè levigandam, ibi reversio, & motus febris inconstans, & fortuitus: Sed moram rumpo, reliqua signa summatim enumerare festinans,*

*Somno plerique (uti suprà traditum) primò obruti, mox sepulti; alii autem dispari fato diuturnas, & sæpe fatales egerrunt vigilias; ita ut nè remediis opiatís ad plures licèt vices repetitis, quies conciliari potuerit; mihi persvasissimum est, cerebrum, ipsiusque membranas à veneno aculeato istoc in casu impeti, & velligari; præterea summo caloris febrilis æstu vapores lenes, & blandos ad cerebri irrigationem apprimè necessarios dissipari, utique & depradari, & sæpenumero spiritus opizos accendi, hinc inflammationes nullomodo extinguende, item Cerebri frequentèr sphacelationes.*

*Cæterum inter hujusce ordinis signa, magis eminet Cordis palpitatio; credebant quippe Veteres Auram pestilentem à proprietate Cordi fuisse è diametro velut contrariam: Certa quidem res est, plurimos gliscente pestilentia nupera Symptoma hoc gravissimum perpeffos; mihi*

mihi tamen non satis innotuit injuriam  
peculiarem *Cordi* potiùs, quàm *visceribus*  
*iliis* illatam fuisse, nisi ratione *usûs*, &  
*officii*, vel *texture*.

Ubiprimùm subtile *Pestis* venenum  
emet, sive per cutis spiracula, seu per  
luctus admodùm patentes, in *massam san-*  
*guineam* insinuaverit, tumultuationes in  
illâ commovens; profectò nil dubii, *cruo-*  
*em* qualitate perquam malignâ *impræg-*  
*atum*, inviolabili *circulationis* lege *Cor*  
transire, & *viscus nobile* injuriâ afficere,  
& ab assiduâ *cordis* irritatione hostis  
expugnationem enitentis, posse *palpita-*  
*tionem* oriri: verùm ego hunc *cordis* af-  
fectum, ob multiplicem ibi *fibrarum ner-*  
*osarum* contextum accidere pro ve-  
simili habeo; nempe *miasma pestilens*  
tpote *salsuginosum*, & *acre* nervoso generi  
xistit *insensissimum*, unde *motus spasmi-*  
*ci* *viscere hoc* excitari solent, *musculis*  
iam ipsissimâ de causâ *compatiëntibus*;  
uo ad hæc in suâ quisque (per me licet)  
t opinione.

Quàm tamen vehemens *cordis* palpi-  
tatio induci possit à labe pestifera, histo-  
a sequens apertissimè evincet: Puerum

invisi annum ætatis agentem circiter decimum quartum, solus hic, matre ipsius, & reliquis è familiâ languentibus, per dies aliquot incolumis perstitit, qui tandem ex improvîso tam violentâ cordis palpitacione corripiebatur, ut *concussionem* & velut tripudiantis *motum spasmicum* mihi, & aliis à longè obvium esset exaudire; incassum, & absque ullo levamine omnia quotquot erant ad manus exhibui medicamenta, perendiè enim correptionis optimæ spei puberem vita defecit: si quid super hâc re conjecturâ assequi concessum, à Symptomatis *impetu assiduo* non tam *vaporum noxiorum*, quàm *Carbunculi in viscere illo emergentis suspicio* injecta.

Ut progrediar, in Symptomatum censu *Sudor* locum meretur, cum aliqui tam *Copiosam* subirent *profusionem*, ac si *ἰσχυρὸς* fuisse rediviva, à quibus *serosa coluvies*, torrentis instar, usquequaque effluxit, cum subitanè virium prostratione, & summo vitæ periculo, ob *spirituum* fugam, *humoris radicalis profusionem*, atque *caloris vitalis extinctionem*.

Equidem ignoro quid potentiùs attē-



nuet, & colliquet humores, atque succos fluxiles per habitum corporis ocyùs diffundat, illosque demùm efficacius per cutanea exprimat spiracula, quàm pestilens Nitroaereum; cujus vi colliquativâ, partes etiam carneas in halitus facescere, & resolvi vaporosos, minimè apud nos novum, & inauditum.

Sudores insuper correptorum non tantùm copiosi erant, sed etiam diversicolores; visus nimirum color in his citrinus, in illis purpureus, in aliis, atque aliis viridis, niger, & quandòque velut sanguinolentus, juxta (ni fallor) seminarii venefici, humorumque congestorum, è vario salium genere conflatorum, mineras, & tincturas: ideòproptèr muliercule quædam peritiores ab indusiorum, & linteorum inquinamento decolori, quid ominis sudore diffluentibus eventurum, haud perperàm augurabantur.

Nonnullorum sudor tam fetidus, tam ingratus, ut vix quispiam salvis naribus ferre potuerit graveolentiam ab Empyreumaticâ forsan succorum, & humorum degeneratione: Sæpenuerò emanavit sudor cum dolore lancinante, & quasi causti-

cante; hinc collectu facillimum, quâ minerâ ortum *seminarium pestilens*, scil. ab hoc ichore (modò verbo venia) acri, & mordaci excoriations interdum factæ, tanquam partes affectæ fuissent aquâ ferventi ambustæ, vel aliàs vesicatæ.

Quandoque sudores frigidi prodierunt, calore intus æstuante, & siti urgente in-  
*explebili*: Aliqui à principio indefinenter usque ad Animæ transcolationem sudore manarunt, induciæ breves, & incertæ aliis concessæ; nonnunquàm unum latus immodicè udum, reliquo corpore ob siccitatem dehiscente.

Verùm levamen, & emolumentum ab hâc evacuatione, modò regularis esset, sive spontanea, seu artificialis, tam insignitè emicuit, ut Corrupti quotquot superstites, ejus commoda benè norint, encomia passim celebraverint; miasmata quippè pestilentialia alias proscriptionum leges nullo negotio eludentia, veluti signo dato per institutam diaphoresin illicò evocabantur: Ubi autem diaphoretica remedia ob congelationem, visciditatem vel contumaciam seminarii pestilentialis non vicerint, res ferè perpetim malè cessit,  
instante

instante ut plurimum sudore Symptomatico  
liquorum separatione fatali.

Eximia veneni pestiferi vis non solum  
e prodidit in agris adhuc viventibus, qui  
oti (ut dictum) madere solebant, ac si febres  
Typhodes, ac Typhodes eos invasissent, sed &  
adavera haud infrequentè sudore multo  
effluentia vidimus, veneno scilicet pesti-  
fero eòsque colluviem ferosam ferment-  
ante, & lachrymulas proh dolor! seras  
per apertos cutaneos vel mortuorum ocel-  
los ubertim cogente.

De narium haemorrhagià non necesse  
habeo, ut fusè agam; Symptoma hoc  
longè crebrius à labe pestifera sanguinem  
undente, & vasorum oscula reserante,  
quàm à verà plethorà ortum suprà edocui;  
ujus verò fidem certissimam fecit, non  
am per ductus illos admodum exiles stil-  
licidium, quàm coccinei liquoris proflu-  
vium nullo obice sistendum.

Nisi quòd brevitati consultum velim,  
nihil in promptu esset plura recensere  
symptomata, febrem, Luisve complica-  
tionem concomitantia, putà incendium  
tracordiorum, singultum, intestinorum  
ormina &c. quæ omnia impræsentiarum  
mitto

mitto Symptomatum agmen Clausurus  
signis *Lui* magis peculiaribus, & imprimis de *vesiculis pestilentialibus* Anglicè *Blaines*.

Papulis his in vesiculam exurgere solenne erat cum dolore lancinante, & exquisito, humore intùs seroso, seu ichore, coloris ut plurimum citrini, & velut straminei, circulo diversicolori pluriès rubicundo, munitis, & circumdatis.

*Pustulae* hæ in quavis corporis parte emerferunt, quarum uti *Statio varia*, ita earum *numerus* omninò incertus, in quibusdam pauca, plures in aliis, unam *sexûs sequioris* vidi totam iis scatentem, quoad *magnitudinem*, regula nulla assignaretur, *vesiculæ* enim plurimæ *fabam minorem* adequabant, quandoque tamen intumuerunt, *grandiusculæ* nucis *myristicæ* hæud impares.

Liquor inclusus, *suppurationis*, (naturæ fortassis cum *urina congeneris*) omninò incapax erat, qui utpote *salinus*, & ferè *causticus*, post tantillam moram è *ruptâ*, vel *Corrosâ cysti* effundebatur, cujus color nunc *citrinus*, nunc *lividus*, nunc *nigerrimus*: *circulus* insuper *tuberculum*  
am-



ambiens, non semper *unius faciei* erat, *inflammatio* licet *summa* in principio huiusmodi eruptionis perpetuò apparuerit.

Hoc sanè notatu dignissimum viz. quod  *pustule hæ* interdum prodibant citrà ulla alia quæcunque *invasionis* indicia, vel (prout suspicor) propter *inquinamenti benefici* separationem expeditam, & absolutam, effatamve contagionem, vel propter *crasin corporis* firmiorem: Quoties dolor partis, ejusque ardor in tantum ducti erant, ut remediis non locum darent probatissimis, toties à confluxu illiè *urmatim particularum pestilentialium* phacelationis periculum imminebat: meminini *vesicule unius* in *Carbunculum* mutatae, à *lixivii* scil. *acutioris* accessione.

Recto jam ordine sequitur *Bubonum* disquisitio, qui sunt tumores duri, & dolorifici, cum inflammatione, glandulas ad aures, alas, vel inguina sitas, obsidentes.

*Tumores hi* statim à correptione, tam duri deprehendebantur, ut *tactui* fortè non cederent; in his globuli velut lusorii  
mobi-

*mobiles* ; in aliis *fixi* , & *renitentes* , tensio tamen indiès paulatim remisit : A tumorum *incremento celeriori* , vel *tardo* , item à *suppurationis* promotione legitimâ , seu *morâ* , atque etiam à *veneni pestilentialis* gradu , de bonis , vel malis agrorum rebus judicandi argumenta duximus.

Vociferationes , querelæ , & non *ementitæ languentium* lachrymæ , doloris summi *impetum* palàm eloquebantur ; nonnullis ipsi *critiatus* propè excusserunt doloris sensum ; cujus rei decrescet admiratio *auræ pestifera* , insimul ac *glandularum* naturam , ac constitutionem seriò contemplanti : De virulentia , & corrosiva *minera pestilentialis* qualitate , tam prolixè differui , ut pluribus non opus fuerit : proinde qui *glandulas* scrutabitur , à *Vasorum* in hoc affectu *mirâ distensione* facile reperiet , *nervosam propaginem* , cum *lymphæductuum famulitio* , & *liquorem* in iis *scaturentem* , ortui *Bubonum* plurimùm conferre.

Viri plures , toto orbe celeberrimi , *glandularum anatomiam* , & usum dextrè tradiderunt : mihi itaque sufficiat ad rem

in hanc dilucidandam ostendere, à  
 uoribus per nervos *brachiorum* præci-  
 è & *crurum* &c. ampliores, vasaque sub-  
 videntia transcolatis, propter eorum  
*fructiones*, ob particulas immixtas  
 terogeneas, & veneficas, *Bubones* pro-  
 ci posse.

Si quem scrupulus malè habet, cur po-  
 ssit sub *axillis*, & in *inguinibus*, præter  
*rotidas*, se tumores hi exerere solent,  
 àm alibi; sciat velim, id à nervorum,  
 vasorum aliorum *glandulas* constitu-  
 tum, *magnitudine*, & *capacitate*, nec  
 ab illarum situ pendere, eâdem de  
 usâ ad *suppuratinem* vergentes.

Ut clariùs res tota elucescat, nodus  
 commodè expediendus, viz. à quo  
 te *materia* fluat è quâ *pus* confectum,  
*Bubonibus* quoque tantâ copiâ ema-  
 ns?

In hujus controversiæ ventilatione,  
 hi fas sit, non sine rationis prætextu,  
 à *Veterum* & aliorum quorundam Do-  
 ctinâ de veritate liberius dissentire:  
*paradoxum* non protinùs *inauditum* fingo,  
 sed ab aliis excogitatum illustrare  
 eram dabo, viz. quod *Sanguinis solita-*  
 rius

*rius* minimè in *pus* convertatur, quin potius id è *succis aliis* conflare; cui hypothesi argumenta sequentia fidem adstruere videntur.

Primò *sanguinis flumen* in genere venoso, & arteriis fluctuans, tametsi interdum (quod perrarò accidit) *albecet*, propter immixtam nimiam *succi nutritii* copiam, forsitan & *degeneris chyli* nec *mixtu*, nec *tinctu* facilis, neutiquàm tamen in *pus* degenerare queat, circulatione perenni *quietem*, & *moram* suppurationi apprimè necessariam inhibente præter ineptitudinem *cruoris* utcunque *extravasati* ad subeundam ejusmodi alterationem: Quòd si *vasa aliqua*, saltem *capillaria*, ob *contusiones*, vel aliter fuerint *obstructa*, ita ut *vicina partes*, & *subditæ* intumuerint, *Medicorum & Chirurgorum* (uti spero) neminem fugit *Medicamentorum* ope *nitrosumptorum*, atque *catholasmatum* usu *discutientium*, motum, & diathesin sanguini pristinam conciliari, dolorem leniri, & tumorem mox posse evanidum reddi.

Quòd si *cruor* vasculis fuerit *laxatus*, anteriorum in *Aneurisma* facefcere, quo



affectu per *venulas capillares*, aut *vasa lenea*, impar licet, conficitur *circulatio*, *enosum ecchymosin* inferre, *fugacem* *imen*, & citò *delebilem*, transpiratione *articulos serosas* evacuante, & *circulatione sanguinis* restitutâ nil quidem in re *medicinali* magis *obvium*, & *familiares*: in verò contigerit sanguinem *grumescere*, & *stagnare*, febris mox *effera* accenditur, non nisi illius *causaria missione* sedanda; ultimò, cui *ignotum* hoc in casu, vel *chirrhum*, vel *mortificationem* imminere, ve (prout nonnullis placet) *affectum anorosum*?

Quum non sine *virium*, pænè dixeram *vitæ* iacturâ, *venas correptorum* secari *nimadverterimus*, at quò copiosius *pus* è *bubonibus* emungebatur, eò res *agri* *ecurior* habita; rationi haud *absonum* videtur, ut si *pus* foret *cruoris* *fatura*, ob *nimium* ejus *dispendium* paritèr *vires* *prosternerentur*, ac *celebratâ phlebotomiâ*: pro comperto autem habuimus (uti *iterum* atque *iterum* admonitum) quòd *sanguis* parcâ licet manu *Detractus*, & *per vices*, majori *agris* *nocumento* erat, quàm *pus* è *bubonibus* ad *quantitatem* plus

plus centessimam effusum, cujus in ple-  
risque damno refarciendo vix dum suffi-  
cere poterat universus *massa sanguinea*  
thesaurus.

Si patroni opinionis adversæ sugge-  
rerent, quòd suppuratione nondùm con-  
fectâ *cruor* è tumore recenti, & sine mo-  
râ aperto, elici solet; & inde colligerent  
ab arteriis, & genere venoso puris rudi-  
menta proficisci: paratissimè responde-  
rem concedendo tumorem nuper exor-  
tum, cultro intempestivè immisso, *ichorem*  
*cruentum* evomere, *venis* sci. tum *capilla-*  
*ribus*, tum quandoque *majoribus* quàm  
proximè *adjacentibus*, in operatione illa  
peragendâ *vulneratis*, & interdùm *dis-*  
*sectis*; tumore autem ad *suppurationem*  
vergente, *cruoris* per vasa illa *transitus*  
impeditur, nempe ob copiam *humoris* illic  
*stagnantis*, partem superiorem *elevantis*,  
& *distendentis*, & *eruptionem molientis*;  
qui initio licèt *temior*, magisque *crudus*,  
partium tamen vicinarum calore, & ex  
sua indole inspissari solet, & in pus *subal-*  
*bicans* debitæ consistentiæ, & coloris  
excoqui.

Tertiò his accedat *sanguinem* quatenus  
salu

*albuginosum*, eatenus ad *pus* conficiendum  
 rotinùs ineptum fore; pari quidem ope  
 e *Oceanus* ipse, aut *Muria*, ac *Sanguis purus*  
 in gelatinam coquantur; eò quod *sal*  
 quido affuso solvitur, & eà de causâ  
 quidiore reddit *liquores* iisdem immix-  
 tis, (non hìc verba facimus de *salibus* ob  
 ineram adversam in menstruo appro-  
 priato solutam *coagulantibus*) exin frustra-  
 ti *incrassatione* omne *suppurandi* conamen  
 uditur.

Postremò, nil in rerum naturâ magis  
 exploratum, quàm *sanguinem* quocunque  
 modo *extravasatum*, modò omnis illi  
 excludatur *reditus*, post aliqualem mo-  
 tum maximâ ex parte *grumescere*, adeò-  
 ne ex huiusmodi *tumoribus* post aliquot  
 erum intervalla *apertis*, fluctuatione  
 iam suadente sectionem, vix quid præ-  
 r *cruorem Coagulatum* prodire: siquis  
 super venâ tunsâ *cruorem* à parte *Chy-*  
 sâ *separabilem*, subjecto vase calefacto  
 ceperit, & illum super cineres vitro  
 lè obturato ad *blandum*, & ferè *vitalem*  
 nis *calorem* collocaverit, optimè dig-  
 escet, omninò *perditi* operis esse, è  
 uore illo *puris stamina* expectare,  
 colore,

colore, odore, ceterisque necessariis conaminata  
refellentibus.

Quidni igitur statuam juxta mentem,  
& Authoritatem Medicorum quorundam  
magni nominis, è succo nutritio non in  
venoso genere, & arteriis innatante, sed  
potius in aliis vasis, & ductibus incluso  
pus confici; in quo conditiones singulae  
ad puris generationem necessariae conve-  
niunt, viz. ab hoc fonte liquoris benigni  
cornucopia, incrassationis capax, inodo-  
rum, album, leve, & æquale pus consti-  
tuentis, calore etiam leni, & regulari in-  
promovente, in glandulis itaque ratione  
vasorum dictorum & liquorum, pus con-  
fici, plusquam pro verisimili habeo, &  
non è sanguine venoso, multò minùs arte-  
rioso.

Cæterùm nè à re proposita nimirum  
declinare videar, illuc redeat undè de-  
flexit calamus: Sanies è Bubonibus ex-  
creta erat multiformis, nunc tenuis, &  
ichorosa, nunc crassior, & magis sincera  
veluti in abscessibus malignitate destituta  
quæ insuper ratione odoris sæpenumerò  
tam fetida, ut ejus graveolentia nauseam  
adstantibus pareret; puris quò evacuati

copio



*sopiosior*, eò securiùs ægro res cessit, confluentibus illuc humoribus, & per apertam portam exoneratis.

*Numerus Bubonum incertus* erat, quandoque *unus*, sæpè *gemelli* uno partu exclusi, & nonnunquàm *glandulae omnes*, affectionis capaces, intumuère: *plures Bubones & labis veneficæ* affluentiam, & ejusdem *disseminationem* quasi digito monstrarunt, è contra *pauciores* venenum haud ita multum, & contractius fuisse, plenamque segregationem peractam.

*Bubonum rectitudo* vix unquàm certa, aliquoties *unus* sub axillâ dextrâ, alter ex adversâ parte *inguinalis* protuberavit: *tumores* etiam hi frequentèr erant *diales* & *insensibiliter soluti*, sudore nimirum exorto *evanescentes*; verùm qui levissimum ob errorem se *subducebant*, his ad plures vices *succrescere*, & *resilire* pro more erat, ægrè deinceps *figendi*: *Bubones* interdum *suppuratos* post uberio-rem *puris effluxum* animadverti *recidivos*, quod loco certo proferam.

*Parotides* etiam à *glandulis affectis* appellationem mutuantur circa radices aurium germinantes; *tumores* hi quando-

K

quidem

quidè non ab aliis, nisi *sitûs* ratione  
 discrepandi, non opus habeo de iis fusiùs  
 disceptare; quò tamen res illustrior eva-  
 dat, sit hoc unum, multorum vice, ex-  
 emplum; in *Juvene* quodam utramvi-  
 pone aurem *amplissima* emerfit *Parotis*,  
 quibus suppuratis, seclisq;e, sanies uber-  
 tim emanavit, ulceribus brevi à *manu*  
*Chirurgicâ* dextrè expurgatis; carne in-  
 terim musculosâ penitùs absumptâ, visu  
 quidem non minùs jucundum, quàm mira-  
 bile, *venas jugulares externas cum sub-*  
*jeclis arteriis, nervum recurrentem, ten-*  
*dines, œsophagum, omnimodum denique*  
*vasorum apparatus nudum, & illæsum*  
 conspicerè, ægrotus tamen (favente Nu-  
 mine) & carne foveas adimplente integræ  
 sanitati restituebatur.

Commentum satis ingeniosum Cl. *Diem*  
*merbrochii* venit hîc expendendum, vult  
 ille *Bubones* produci *salini*, & *acidi hu-*  
*moris occur-su*, factâ scilicet ebullitione,  
 tanquam sali Tartari spiritu Vitrioli ad-  
 mixto: verum unde (si Diis placet) *coa-*  
*gulatio tanta*; profectò non licet recla-  
 mare à liquorum istorum congressu tu-  
 multum, & commotionem cieri, nec non à  
 lite

te illâ *Salinas particulas* præcipitari, ac  
 gi; neque inficiari subit *partem inflari*,  
 & *tumidam reddi*, si modò in eâ fermenta-  
 tio hujusmodi excitaretur: verùm me-  
 dhuc latet, quo pacto è liquore isto  
 ulitèr coagulato, pus confici possit; af-  
 iso enim liquido *serum* longè citiùs e-  
 adet *lixiviale*, quàm *purulentum*; queta  
 roin & cessante conturbatione, tumor  
 licò subsidere, & evanescere affolet;  
 bi *Bubones* è contra gradatim indies us-  
 ue ad *suppurationis* statum proficiunt, &  
 agentur: super hâc re Lectorem pluri-  
 us fatigare nolo, ad *Carbunculum*, sive  
*anthracem* jam opportunum progressu  
 cto transire.

*Carbunculi descriptio.*

Est pustula minutula, cujus liquore  
 tpote paucissimo ocyùs absumpto, vel  
 vacuato, tuberculum se exerit crusto-  
 um, granulo milii haud absimile, fur-  
 m prorepens, circulo rubicundissimo,  
 elut igneo cincta, cum pruritu imprimis,  
 ein cum vehementi dolore, & ardore  
 atensissimo orta, à lixivio venefico  
 austicante.

Ut multa paucis absolvam, mihi nunc hoc pensum incumbit, nempe vulgarem *eruptionis* methodum tradere; *Dolor* initio *acutè pungitivus* correptum in parte affectâ gravissimè infestabat, quæ mox sensim incaluit, tunc cum levi pruritu vesicula eminebat; cùm verò à calore insigni, & adurente absumeretur tantillus liquor, vaginâ admodum tenui, vel statim corrosâ, vel ab incautâ frictione disruptâ, quicquid liquoris inclusum effluxerit hinc multis de *pustula* hujus prægressu ansa subdubitandi, *vesiculâ* quovis modo *exinanitâ*: *eschara* erat conspicua ulcusculo superinducta, ejus *incrûstatio* *ruida* in his celerius, in aliis tardius proserpsit: *circulorum* extensio varia, nunc *arctior*, nunc *latior*; nec minùs *color* incertus fuit, ob summam licèt inflammationem *rubicundissimus*, ut plurimum tamen *subfuscus*, per sæpè *livescens*, *circulus* etiam à peculiari *minera pestilentialis* venenositate, & quandoque ab adustione nigricabat.

Quandoquidem in *veneno pestifero* vis latet, *canterio potentiali* haud cedens, à quo in *Carbunculorum* generatione *Eschara*

exci-



excitatur, magni quidem momenti esse arbitror disquirere quâ fiat, ut in corpore humano *humor tam acris, adurens, & causticus* procudi possit, & quâ *Natura solertiâ illum à liquoribus aliis secerni, & segregari* contingat?

Mihi subobscurum ingredienti trami-tem si inopinatò forsan cespitavero erit indulgenda venia; Corpora nostra *minerarum venenatarum* fecundissima esse amplissima morborum domesticorum familia exindè prognata pleno ore attestatur, ita ut æquè de cœlo, & terrâ dubitandum sit.

Quinetiam *insecta multiformia, & animalcula* pessumè *virosa* (quod in observationibus medicis vulgare, & tritum) intra nos *genita*, originem detegunt; etenim quis nescit præter varias *succorum degeneratorum* corruptelas hujusmodi *faturas*, & illarum *semina* interdum à *causâ aliquâ externâ* pendere; certè res hæc in *peste* (modò sit verbo venia) *privatâ* clarissima, ubi citra aliquale *contagii externi* adminiculum, non solum *vipera* generetur, aut *minera arsenicalis*, sed & *Anthrax* profluat; vi scil. *humorum septicâ*

seu peculiari *salinarum particularum* elaboratione *illum* parturiente.

Quamobrem, si res ita se habuerint, in *peste privatâ*, Lues *seminario epidemico* fata, utpote *indolis salinæ præpotentis* tum humores in corpore humano priùs delitescentes acuere, tum novam inducere malignitatem valet ad *Carbunculorum pestilentialium* suscitationem, & genesin abunde sufficiens.

Prout igitur *salsuginosius* fuerit *seminarium*, ejusve *plus*, aut *minus* introhaustum, eò *plures*, aut *pauciores*, eò *citiùs*, aut *tardiùs* etiam profilierint *Anthracæ*: res non exigit ut *aliarum agritudinum* rudimenta commemorem, tamdiu consopita, quousque tempus destinatum *eruptionis* institerit; siquidem contradictionis suspicione vacat, languentes nonnullos *Luis private* symptomata perpeffos, malo non adulto, ac in *Peste publicâ*; in quâ irritatio tam *potens*, & *efficax* ut (ubi spes victoriæ separatione confectâ affulserit) confestim excutiant succi quodcunque *iis* molestum, & *id proscriptum* semel & *extravasatum*, in partes vicinas, præcipuè externas amandent. Quam-

Quamdiu intra vasorum parietes, unà  
um liquoribus, *venenum pestilens* labi-  
ur, quia tunc (utpote dilutum) *benig-*  
*ius*, non æquè *invalescit*, ac *segregatum*,  
tque ad *cutim* vi naturæ *propulsum*;  
quam sanè *eliminationem* *promovere* vi-  
lentur *seri* per poros *effluxuri*, & *aeris*  
*nitrosi* per eisdem *subintrans* *congres-*  
*us*; saltèm nil magis in *propatulo*, quàm  
*virus pestilentielle* foràs *ejectum*, in par-  
em *separationi* *vicinior*em (si commodè  
iat) *malitiæ vindicias*, & *trophæa* de-  
ponere; idem obtinet non tantùm *gras-*  
*ante pestilentia*, sed *poculis haustis* etiam  
*venenatis*.

Offendiculum unicum hìc nobis restat  
*festinantiùs* amovendum; solus quippe  
*insignissimus Diemmerbroeckius* *commune*  
*veterum suffragium* *impugnare*, & *ever-*  
*tere* nititur qui vult *Anthracem* nil aliud  
esse nisi *Gangrenam in fieri*, siqua tamen  
fides *observationi nostræ* haud *Cl. viro*  
*postponendæ*, non *animadverti* (ubi nul-  
lus *applicationum externarum error*, nec  
*pestilitas præter morem effera*) *Carbun-*  
*culos*, quàm cæteros *labis pestiferæ effectus*  
ad *Sphacelationem concipiendam* magis fu-  
isse propensos.

Quòd



Quòd si innumera licèt hujus rei testimonia in vindicias veritatis non suffecerint, argumenta quædam in subsidium vocabo viz. dato, & concesso *spirituum vitalium*, simul ac *liquorum* in partem affectam influxu liberrimo, calore etiam *nativo vigente*, & non *præfocato*, putredine demùm fluorem conciliante procul ablegatâ, quis mortalium in *carbunculo solitario* aptitudinem, & dispositionem peculiarem ad *siderationem subeundam* subolfaciat? præcipuè cùm tantum abfuerit prodeunte *Carbunculo spiritus* intercipi, ut majori quidem copiâ turmatim illi confluerint, tantum abfuerit *calorem nativum* penitus *extinctum* fore, ut ejusdem vi *salutaris* peragatur *separatio*, tantum denique abfuerit *partem affectam* computruisse, & *reddita* fuisse solito *humidiorem*, ut *particulæ salinæ* quatenus *escharotica*, putredinem potiùs arceant, & exiccando *ipsius morbi* malo pares quodamodò evadant: vix unquam (sicut memini) *Anthrax* in *Gangrenam* degeneravit nisi *Chirurgi* imperitia, vel incuria meritò culparetur, siue summa *miasmatìs venefici* malitia Νίξωται inferret.

Nulla



Nulla humani corporis pars à *Carbunculorum* invasione facta tecta; in errore non ero si in membro quolibet me aliquandò unum conspexisse assererem; sed rem hanc melius conficere videbor, si paucas è mille selectas protulero historias.

Puella undecimum circiter agens ætatis annum, *dolorem* persensit *acutissimum* circa *regionem cordis*, ubi prominente primùm *pustulâ* mox *Anthrax* germinare cœpit, *escharâ* tandem deciduâ, & ulcere *pūs sincerum* evomente, post elapsos viginti dies res ad *Sevis saltum* pervenisse videbatur salva; *Chirurgus* autem mercedi inhians, præmaturâ *ung: desiccativi rubri* applicatione, *cicatrizationem* heu nimis festinans induxit, recidiva enim *Lues virgunculam* triduo interfecit ob *veneni* sine dubio *reliquias* minùs cautè *incarceratas*.

Casus alter penè fidem superans, nisi oculatis testibus fuisset consignatus, *viz.* è mulieris ubere mox à partu *Carbunculus* prodiit, *infans* tamen toto morbi stadio lactens, nil hausit incommodi, *puerpera* etiam (cœlo annuente) omnibus *v. a. e.* fidè præstitis brevi convaluit. Quin & acci-

accitus eram ad *Virum* ætatis provecæ,  
 cujus *unversum crus*, & *coxam* amplissi-  
 mus possidebat *Carbunculus*, vesica sero-  
 ichoroso admodum repleta instare *sphace-*  
*lationem* apertissimè indicabat; ubipri-  
 mum itaque de accitu tardo multa con-  
 questus essem, dato etiam prognostico, *scar-*  
*rificationem* institui satis profundam, at-  
 que alia id genus imperavi, *separationis*  
 spes affulsit momentanea, *virtute* autem  
*languescente*, immò & *deficiente*, Animam à  
 corpore se junctam nequis miretur; *Alter*  
 enim cui *habitus robustior*, eodem quoque  
 malo laborans, non aliâ de causâ, quàm  
 ob *vires vividas* auspicatò ab illo resti-  
 tutus fuit. Vidi insuper in puero *Anthraxem*  
*Buboni inguinali contiguum*, ut uterque  
 vix duos digitos transversos distaret, me-  
 dico tamen *consilio*, & *manu chirurgicâ*  
 methodo licèt curationis variâ, æger à  
*gemellâ affectione* liberabatur.

Mercatoris cujusdam brachium paulò  
 infra cubitum *Anthraxe* afficiebatur, in cu-  
 rationis limine mali erat ominis ægrotum  
*doloris* omninò impatientem, qui conticinio  
 cataplasma nostrum tolli, & ceratum (quod  
 ipse apud se habebat) refrigerans super-  
 imponi

poni ad cruciatus demulcendos, vel  
 consopiendo curavit; diluculò brachium  
 invasit *Gangrena*, cui ut obviam iremus,  
*carificatio* pro more instituebatur, in cu-  
 us celebratione *Chirurgus* parùm cautus  
 enam secuit, fluxum sanguinis rapidum,  
 nec *cauterio actuali*, neque quovis alio  
 remedio sistere potuimus; summa hinc  
 irium prostratio, intra trihorium *Vir*  
*ignissimus* in cœlestium album conscrip-  
 tus erat.

Postremò, in *Puella* digito annulari,  
 ve medico, *Carbunculus* suboriebatur,  
 radicationi ejus sedulò incubuimus, &  
 omnia videbantur ex voto secura; sed  
 ecce fluctus rerum humanarum! *virgo*  
 quippe, & *vetula nutrix* unà cœnantes,  
 ad ingluviem usque *fabas Gallicas* devo-  
 abant, quod ambabus luctuosum acci-  
 lit; sci. ipsissimâ nocte *morbis* rediit,  
 & quamvis vomitu enormi fatigatis  
 (præmissis emetico mitiori) remedia *Car-*  
*diaca*, & *Alexipharmaca* probatissima ex-  
 hibueramus, diluculò *Anthrax novus* in  
 prioris vicem succrevit, toto die delira-  
 vit *puella*, & vesperi animam reddidit:  
 postquam *vespillones* hujus cadaver eâ-  
 dem



dem nocte ad sepulturam duxissent, *vetulam*, quam vitâ defunctam rebantur demùm exportaturi, *misella* velut *expers* *gesta* se nondùm fatis cessisse vociferata est: pactio itaque inter eos inita de tantillâ funeris procrastinatione, *Anus* noster rursus funerandorum corporum ministros falleret, bonâ fide occubuit, & tempore Statuto culinæ condita est.

Volumen faciliè impenderem, si omnes singulatim *carbunculos* recenserem; prius usquàm verò argumentum hoc missum faciam, minimè hujus rei excidat memoria, viz. *Contagii pestiferi* ab uno *Carbunculum* gerente ad alterum *transmissum* multoties ex *Sympathiâ*, vel explicatiùs loquar propter *virulentiam salsuginosam* situ etiam observato, *fraternum Carbunculum* excudentis.

Numerus *Anthracum* indeterminatus erat, interdum duo, tres, quatuor, pluresve unico *Naturæ* partu editi, *diffuso* nimirùm ad varias, dissitasque partes *veneno pestilentiali*: in Sectionem, ubi de *Carbunculorum* curatione agitur, cætera super hâc re dicenda relego, pauca jam subjungam de *Petechiis pestilentialibus*.



*Petechiæ* sunt minutulæ, & supercutaneæ efflorescentiæ à *pulicum* morfuris vix internoscendæ; hoc tamen interesse discriminis videtur, nempe in *vulneris particularis* Centro punctum apparere solet, ubi *fera* repulsum impressit denticulorum, in ambitu *inflammatio*, & quantilla sanguinis extravasatio: verùm *unicolores* utplurimum erant hæ *maculæ*, & impressione factâ *stabiles*, nullo sanè artificio *delebiles*: quòd si *morsibus* digitorum admoveas, hi aliquandiù tantùm evanescunt, *uncturâ* centrali præsertim *immutatâ*: porro distinguendæ *petechiæ* ab *eruptionibus maligno-febrilibus*, *exanthemata* enim *pestifera* utpote *coloris saturatoris*, nec non magis *insensilia*, facilè vel intuitu primo, saltem *exploratione factâ* (ut supra memoratum) dignoscebantur ab aliis, sive *febrilibus*, sive *maculis scorbuticis*, hisce *maiori*: *amplioribus*, & non perpetuò *circumscriptis*, oculato tamen crebrò innotuit, eas persæpè *tessellatim pestilentibus* fuisse *intermixtas*, & propter *antedictam considerationem* vix invicem distinguendas.

His adjice, *petechias pestiferas* non semper extitisse *unius diversorii* hospites, ple-

plerumque ab unâ aliquâ corporis regione ad aliam indifferentè post brevem commorationem divagantes: certè *pars nulla* immunitatis privilegio donata est, quanquàm *maculæ præfatæ* in collo, pectore, & dorso frèquentiùs apparuerint conspiciuæ, *Scorbuticæ* interim extrema corporis consuetim incoluerint; causam si dispiciamus, tum à *vasorum ampliorum proximitate*, tum à *poris illic admodum propatulis* ratio aliqualis assignari poterit; in affectione etiam *Scorbuticâ* crura ut plurimum spectantur maculosa, forsàn à *particularum quarundam, salsarum, fixarum,* & ad partes infimas præcipitatione quâdam *detrusarum* secretionem.

*Macule* nonnunquàm paucæ, numerosæ multoties visæ; in quibusdam tam dense ut universam ferè cutim contexerint. *Puerulam* vidi cujus corpus his variegatè erat perpicuum, *maculæ* tamen omnes sudore elicitò evanüere, & agra rediit in vices pristinas: aliquandò tamen is observabatur lusus, dolûsque morbi, ut periodis incertis *petechiæ* semet subduxerint, & vicissim redierint; *Exanthemata* sci: toties prostabant, quoties *Natura* ad veneni ex-

terminationem laceffuta erat, quæ vel spiritibus tergiversantibus, aut frigore appulso recedere consueverunt.

Opportunè hic animadvertendum, peechiarum eruptionem perpetuò ferè fuisse symptomaticam, rarissimè Criticam, quarum itidem non idem usque color, rubicundus, violaceus, lividus, citrinus, etiam & nigricans, juxta minera morbose indolem, & tincturam, virulentie quoque gradum, vel complicationes varias, injuriasve extraneas: hinc earundem prompta, & expedita in Stigmata pestilentialia transmutatio, ad quæ deinceps progredior.

Stigmata pestifera à Nostratibus, Tokens nuncupata, velut pignora, sive mortis symbola, nil aliud sunt nisi minutissimæ, & discretæ Syderationes, quibus frequentius solenne primò radices intùs age, velut colliculo pyramidali confurgentes; illarum sci. basin posuit venenum pesti-ens intimiùs secretum, atque consuetà istiusmodi affectuum propagatione partes proximas lensim corrumpens juxta hororum deductionem, & configurati- nem, cutis superficies tandem commaculata fuit.

Quin-



Quinetiam ab extra syderationum harum causæ petantur, putà ab aeris injuriâ, ubi miasmatum pestiferorum deficit, vel inhibetur exhalatio, ubi illa in spiraculorum cellulis detinentur, imo & figuntur; adedò ut ventilatione irritâ hinc aucta fuerit mali virulentia, & in parte affectâ vitalitatis extinctio secuta.

Non est cur repetam, nonnullis stigmata hæc fuisse inusta sanitate aliâ inviolatâ; quod nisi abundè constiterit, in pleniorẽ illius fidem, è multis paucæ promerem experimenta; ut tamen Lectori cuilibet hâc in re satisfaciam, nonnulli enarrabo.

Ad Puellam correptionis perendiẽ accersitus eram, quæ citra difficultatem spiravit, extrinsecus calor mitis, & admodum blandus, interiora utique manifestè non conflagrarunt incendio, pulsus hæc inæqualis, aut irregularis, nullus denique eam torfit cruciatus; è contra verò omnia tam pacata, tam serena, perindè ac nulla agritudinis procella jactaret, ne dum impenderet vitæ jactura: reverè mihi non constitit de causâ agritudinis quam simulasse morbum suspicabar, donec



*borace nudato* indubia hîc illîc stigmata  
 pro more compuncta, partem sensu vâ-  
 casse indicaverint, meritò habita prope-  
 rantis fati arrhabones; eâdem nimirum  
 nocte *puella* expiravit, vix dum vel suo,  
 vel astantium iudicio *valetudinaria*.

Paulò post *Vidua* invisi *Sexagenariam*  
 quâ (confecto ferè prandio hàud parco,  
 quippe præter carnes ovillas stomachus  
 adhuc latrans pullum gallinaceum expeti-  
 vit) tolli mensam jussi: posteaquàm non-  
 nulla de statu ipsius presenti percontatus  
 fuissèm, se nunquam toto vitæ curriculo  
 aniozem asseveravit, admotis exin digi-  
 tis arteriæ, intermissionem crebram cum  
 fornicatione deprehendi, collo demùm  
 & pectoris regione lustratis, innumera  
 letexi *ecthymata*, signa proh nimium mani-  
 festa *mulierem* benè pransam apud *Inferos*  
 ænaturam.

Quoad *Stigmatum* utpote non *gangrena-*  
*orum* interstitia, limites sci. observanti-  
 um, hoc salinæ potiùs *veneni pestilentialis*  
 qualitati, quàm ejusdem putredini cadave-  
 rose attribuendum arbitror; *seminario* ni-  
 mirum *maligno* dispersim per *pororum*  
 neatus erupturo, cujus egressu propter

*constipationem* denegato, nil miri id in *spiraculorum cutaneorum* tubulis hæreere, & illic concrefcere, impedito etiam *spirituum* influxu, Syderationem figuræ orbicularis inducere.

Proinde ab *acore* miasmatum non tantum obrigescent partes extimæ, sed *vitalitatis* extinctione redduntur *Sphacelationi* valdè obnoxia: Sed de his abundè satis; nam idem esset meridiano Soli lumen mutuare, ac in harum rerum confirmatione testimonia quotquot ad manus proferre.

*Stigmata* inter se paulùm oppidò discrepabant, ratione *coloris*, & *indurationis* discriminanda, de eorum colore mox differam: Sugillationum *indurationem*, vel potiùs *cornescentiam* acu majusculâ, vel scalpello explorare mihi pro more erat, ad distinguendum *puncturâ* inflictâ, utrum *vita sensuque* pars privaretur? conspicuè hinc *stigmatum* Varietas, & discrepantia; levi negotio nonnulla pertudi, alia utpote calosa, crustuceæ, & usquè indurata te-  
rebrare plurimum habuit difficultatis: è *succo nervoso*, sive *gelatinâ quâdam* in gummosam substantiam excotâ, vel concretâ,

aut,

aut, *morticinorum* adinstar è medullâ ossis affectâ *sugillationes* has confici, & oriri conjicio; hùc etiam spectare videbatur *stigmatum* quorundam *color ferruginosus*, & intima cum *navis* congruentia, horum consimilitudo in iis distinguendis uel expertis quibusdam præbuit errandi ausam.

In re tam seriâ historiam de *puellâ quâdam* haud infacetam intertexere liceat, hæc sci: diluculò ædes meas accessit, soluto postmodum *nutricum*, & *agrotantium* cætu, tristis & conturbata mihi appropinquavit, interroganti quid rei, tremebunda, & pænè prolapsa respondit, se effractâ domo in quâ cum Vetulâ secludebatur (cæteris à Lue jugularis) ad me venire, horam mortis propè instantis percontaturam, institi causam periculi imminentis sciscitari, tum velut semimortua, *stigmata* cruri *inuista* ingemuit, *lustratis* itaque *inaculis* errorem propè fatalem deprehendi, eò quòd *navi* neque à *puellâ*, nec a *nutrice* priùs detecti utrisque egregiè imposuerunt; re cognitâ alacritèr virginem mirè consternatam, & metu frigido exsanguem allevavi, quam omnem protinùs excutere formidinem jussi, quo-



niam efficacissima ad manus erant medicamenta, *Lue* tamen *sanatâ* cicatrices illas tanquam vestigia mali indelebilia hæsuras dixi, *puella* spei plena domum reversa sudavit, à timore, juxta ac *omni pestis suspitione* liberata; reverà persvasissimum habeo, ut nisi animum ipso temporis articulo trepidanti addidissem, *juvencula* exspes vitæ concidisset, fati quippe advenientis vel mendax præsagium *timidos* exanimare posse apud omnes sanè competentissimum.

*Stigmata* autem nonnulla cum *navis* tam gemella erant, ut non tantum *puella incanta*, sed etiam *Chirurgi*, aliique illorum faciem, & doctrinam ignorantes graviter de iis hallucinarentur: Quin & à puncti-  
one *stigmatum* præfatâ, an *cutanea*, vel *profunda* essent, mihi constitit satis exploratum; siquid enim restiterit sensibilitatis, spem nullo modo abjecimus, eò quòd *stigmata* cuti tenus *impressa* multoties cum senectâ fuere *decidua*, & è contra *insignita* quotquot, indubia mortis auctora-  
menta meritò habebantur, si medullitis penetraverint, extinctâ sci: vitalitate, & inductâ sphacelatione: *Comate* autem sive  
deli-



*delirio gravi* quempiam premente, sæpe-  
numerò universum corpus sensu orbatum  
animadvertimus ; ita ut ; si membrum  
intactum , & sincerum secueris, vel præ-  
dicto modo fodicaveris, haud gravius dam-  
num sentiret æger, quàm præsentē syde-  
ratione, Frequentèr tamen memoria ante  
obitum rediit, sensu penitus deperdito

*Viscera* porrò, non minùs ac corporis  
*externæ partes* erant frequenter nigro car-  
bone notata, immò occurrebant quando-  
que pestiferè interpuncta, nullis *ad extra*  
notis tum conspicuis.

*Stigmatum* magnitudo varia, nunc *con-*  
*tractiora* majoris aciculæ caput referentia,  
nunc *ampliora*, & magis *patula* visebantur,  
oboli, vel denarii nummarii latitudinem  
adæquantia, interdum è multis minutulis  
invicem conglomeratis *constitæ Vibices*,  
quæ in *peste nuperâ* visu rariores.

Postremò, *stigmata quedam* erant *de-*  
*pressa*, alia *prominebant*, in plerisque non  
nisi elapsis aliquot horis ab exitu *correpto-*  
*rum* apparuere; nimirum *Lui* non suffecit  
mortales jugulare, nisi cadavera exhibue-  
rit victoriæ trophæis adornata : *Nutrices*  
hâc de causa *astutiores* cadavera nuper

defuncta linteis madidis induere solebant, ut sci: fermentatione *humorum veneficorum* sedatâ, porisque obleratis *Præfetti Sanitatis* hoc artificio seducti, ædes non occluderent.

Utcunque *stigmata* hæc profunda perpetuò haberentur mortis *Legati*, tamen ad biduum, saltem aut triduum, immò ad dies quatuor *stigmatici* plerique erant superstites, fato ante oculos posito, ut vivi, & videntes perirent.

---

Sac-

---

## SECTIO SEXTA.

### *De Pestis nuperæ Signis Prognosticis.*

CUM tot, tantisque *Lues Nupera* mortales inceserint dolis, & cunctas misceant neces, ita ut vix certi quid de ejus eventu colligi, ne dum pronuntiaripotuerit, in auguriis tradendis oculatissimos sanè, & admodum consultos esse *medicos* impendiò interest, nè turpiter in se; nè in *Artem Sacram* incauti flagitiosè delinquant, *sanitatem* deploratis temerè spondendo, & pari quidem deviatione, ac inscitiam *nigrum Theta* denuntiando convalescentibus: quamobrem ut dehinc infames hosce scopulos *poster* vitent, quæ ad rem hanc faciunt non sine quotidiano vitæ periculo per spacium semestre & ultra, conscripta in *reipublicæ medicæ* commodum candidè & lubentissimè proferam.

L 4 *Signis*

*Signa Prognostica vel ipsam respiciunt Pestilentiam, quoad ortum ejus, statum, & periodum, vel correptorum denotant interitum, aut convalescentiam.*

*Ab indiciis Certis, & indubiis eruptionem Pestis manifestam per spatium diutinum præcurrentibus, hæud inauspicatum sumitur de illius tyrannide præsagium.*

*Constitutionem sci. pestilentialem apertè indicare solent dolores acres, & immites; item tumores locis, partibusque jamdudum affectis denuò recidivi cum ingenti cruciatu; etenim res est hæud infrequens, non nova, ut iniis qui pridem Luis impetum sustinuerint, Eubones, nec non Carbunculi dextrè licèt sanati, iterùm tamen emergentes, ob quædam apparatus pestilentialis Vestigia altiùs impressa, & planè indelebilia, sive ob magnetismum, tempus adventuræ pestis sublucanum è longinquo patefecerint, & morbi malitiam præmonstraverint.*

*Quoties insuper morbi chronici in acutissimos mutantur cum insuetâ Symptomatum*



um vehementiâ, toties exitiosa tem-  
pestas pestilens præ foribus; valetudinarii  
siquidem quodvis incommodum, ac de-  
trimentum suscipere sunt magis parati,  
quàm alii ægritudinis expertes, & inte-  
gri: Quocircà à causa naturali, nempe  
aliquali corporis alteratione, obscura  
licèt ratio peti potest, cur infirmi futuras  
aeris mutationes, & alias ab extra inju-  
rias, quasi cœlitùs admoniti, citra am-  
biguitatem prædicunt; & quò *miasmata*  
*vegetiora*, eò citius ægri prævia ejus deli-  
bant *seminaria*; nam *Pestis* solenne efflu-  
via quædam velut tot *Lictores* paludatos  
præmittere, quæ languentes, & imbecilli-  
ores primò adorta, eos exercent, & humo-  
rum diu congestorum iners Imperium de-  
mutando, ad se *Dominium* transferunt,  
ex officio, & gubernationis lege humores  
crassos subtiliantia, pigros, & veterinos  
acuentia, fermenta immutantia, liquores  
accendentia, & denique alterationes etiam  
contrarias inducentia.

Huc porrò refertur pecorum Lues hu-  
manæ pestis frequens nimis anteaambu'o;  
eò quod animalia hæc sub dio ut plurimùm  
noctu, & interdiu degentia, non acrem  
duptaxat;

dantaxat imbibunt corruptum, sed ratione herba vitiata, cui sæpè insidet tabes pestifera, tum quoque propter virtutis impotentiam Luis vel tyrocinio cedentem, primaria ejus rudimenta sentiscunt, uti hinc ingens pecorum Lues, ita in aprico prostant magnæ pestilentie vexilla.

Quinetiam quando de nihilo mortalium animi terrore, & metu concitantur, & sunt portentorum novorum, & perhorridorum aucupes; adeò ut hinc plebs pavida, & consternata pestem avidè præstoletur, equis præludium ejus procul abesse nescit?

Certè hoc Problema rationi minùs absconum videbitur, perspecto benè spirituum cum rebus occultis, & longè dissitis commercio intimo, & familiari; hæc qui contemplatus fuerit, facilè intelliget spiritus impressionum subtilissimarum capaces fore, ob commune vinculum consimilitè in phantasiâ operari, & futuri mali confusam licèt defigere ideam, proinde absque ullâ miraculi præfatione eventura præsciscat populus.

Ultimò, singula cujusvis ordinis quæ hostis ingruentis proclassico dant signa mali.

*litiam Luis* utique eloquuntur; auguriis  
 ippe haud fallacibus diu prævolutan-  
 s, impulsu vaticinium ab extimâ mi-  
 natum pestiferorum efflorescentiâ exci-  
 tum clarè manifestat, atque quò mali  
 oditio remotior, eò atrocior solet esse  
 eructio, quoniam irradiationes in distans  
 temporis, vel loci intervallum propagatæ,  
 causâ quidem magnâ, & energeticâ pen-  
 ere videntur; cùm igitur ortus Pestilen-  
 e perrarò instantaneus fuerit, sed gra-  
 tîm diffusus juxta sci: lentam, clau-  
 mque nitro-aeræ venenositatis eruptio-  
 em, si modò prima ejus lux tot hominum  
 culos perstrinxerit, quodnum precor erit  
 e jubare meridionali judicium?

*Lues primo statim ab ortu effera,*  
 & exquisita, brevi spatio terminari  
 solet.

*Pestem* appellor exquisitam, quæ etate  
 robustissimos celeritèr jugulat, & confer-  
 im longè, latèque disseminata, in omnes  
 oppidò debacchatur, exploso simul, &  
 emel seminario pestilentiali, idèoque  
 titissimam fore ejus dissolutionem, sive  
 extinctionem, spondere ausus sum.

*Quantumcunque spatii à Luis inchoatione, sive ortu ad statum par sanè intervallum ab ipsâ acbme ad ejus recessum, & periodum.*

Viz. Non per saltum, sed motu regulari progreditur virus pestilens, quod (ne plura, vel longinqua loquar) in peste nostrâ luculentè emicuit, hoc ampliùs patebit in Synopsi funerum annexâ.

*Sublatâ, evacuatâ, vel extinctâ pestilentie causâ, effectus mox desinit, & tollitur.*

Uti flamma desiderato quo alatus pabulo, languescit, ac moritur, ita nè cesset, pereatque seminarium pestilens opus habet refocillatione, idoneoque alimento. Fomite nunquam longævius: Lubens tamen agnosco prunam pestiferam aliquandiu posse favillâ obvelari, & velut consopitam per aliquot annorum lustra jacere; tandem verò recrudescere consuevit malum post lucida typorum intervalla causâ etiamnùm vivâ.



q, & vigente: hinc fortassis quorundam  
 error opinantium; mundo *Pestilentiam* ferè  
*evam*, quam ex occasione rerum grassari  
 aspiciantur perquam delusi; illa siqui-  
 em *minera pestifera* vegetatio post ali-  
 ualem recessum, eam radicibus niti pa-  
 tem ostendit, quibus demùm evulsis, vix  
 mihi constat quæ ejusdem dari queat re-  
 ullulatio: hoc omnifaria *pestium* varie-  
 tas sat superque comprobatum exhi-  
 bet.

*Præfagia* jam recto ordine sequuntur  
 uæ ad *correptorum interitum*, vel *con-  
 alescentiam* propiùs spectant.

*Hæmmorrhagia quævis infansta*  
*anguinis* vel *stillicidium* mali habeba-  
 tur ominis; *fluxus menstruales* (sicuti  
 riùs allegatum) perpetuò ferè erant su-  
 est.

*Alvi fluxus saltem in principio ut*  
*lurimùm lethifer*: quâ scilicet evacu-  
 atione *inhibetur diaphoresis*, *vires labe-*  
*ctantur*, *venenum quoque impetuosè petit*  
*ntestina*, & ibi nonnunquam *Figitur Sy-*  
*clerationum author*: neque minùs res de-  
 plorata,

plorata, si excreta fuerint odoratu feti-  
dissima citra alleviationem, si illorum co-  
lor viridis, vel niger, aut si involuntari  
fluxerint, præsertim si afflixerit Dysen-  
teria.

*Ubi pulmones teneri, imbecilles  
aut vitiiati, res ut plurimum infusta*

Equidem nescio in Peste nuperâ, an  
unus Pulmonarius evasit; nam obser-  
vatione quotidianâ constitit anhelos, ast-  
maticos, &c. ob crebram inspirationem  
aurâ pestiferâ plus imbibere, quin & usi  
nimio tonum visceris labefactari, adeo  
ut virus pestilens in eò velut concentu  
rietur.

*Sudores initio profilientes absque  
alleviatione ulla, morbo tunc Vege-  
tiori, & ægro langvescente, fatales.*

Irrito viz. naturæ conatu venenum fo-  
râs propulsandi, illicò evanescit, & de-  
plorata est omnis convalescendi spes  
quin & tanto spirituum dispendio  
artus flaccescere, effætos reddi nemi-  
nem

nem fugit: diuturnum quoque sudoris profluvium re improspérâ certum habetur *colliquationis* indicium; neque minùs suspecti sudores *fervidi* vesiculas frequentèr excitantes, & excorticantes: prætereà, si sudores *frigidi* calidos exceperint, haud incompertum indiscrimine magno infirmos versari: magis autem periclitantur quorum sudores *cadaverosi*; quandoque tamen *morbus* *feliciter* *judicatus* post sudoris aliqualitèr *graveolentis* eruptionem, unà transpirante *veneno pestilentiali*.

*Ubi diuturna appetitùs dejectio, ubi res minimè salva, sed è contrà longè frequentiùs exitiosa.*

*Stomachi fastidium* (uti è supradictis pateat) insignis habebatur index corruptionis, quo diu urgente omninò necesse est, ut ob *nutrimenti defectum* colabantur vires, & *seminarium pestilens* victoriam consequatur, non sine magna suspitione *erosionis*, aut *sphacelationis* in ventriculo.

*Surditas cum sopore parotides  
mox emersuras apertissimè denotat.*

*Bubonibus citra evacuationem salutarem resiliens ubi Cætera adhuc urgent Symptomata, res dubia, & ut plurimum deplorata.*

Initium victoriæ è manibus nostris præ ereptum conjeci, quoties derepentè, sine causâ tumores subsidebant, venenum quippe pestilens se ex improviso subducens, heu nimis frequentè interiora petiit difficillimè evocandum; sudoribus tamen elicitis cum virium tolerantia, haud insolens erat ut Bubones qui nuper evanuiscent denuò reverterent re in vado posita.

*Quotiescunque tumores vel decolores, præcipue ad nigredinem Vergentes, vel nondum suppurati, vel insensiles, agros in pejus ruere pronunciant.*

*Bubones quo plures, modò suppurati*



ati eò exitus morbi fortunatior.

*Carbunculi semper magis exitiosi  
Bubonibus jure merito censendi.*

Tum ratione doloris, tum quia sunt  
curatu difficiliores.

*Arctiores Carbunculorum limites,  
Commodus illorum situs, viz. à  
visceribus, vasisque - majoribus,  
tendinibus præsertim, nervisque remo-  
rior; quorum insuper numerus minor,  
sem haud in desperatis apertè propala-  
unt; Neque minùs è contra Anthraces  
apidè instar Gangræne progeffi, Cordis  
regionem, vel intestina possidentes, plu-  
res etiam si essent, sive livescentes, in  
propinquo fata vel lusco exhibuère.*

*Stigmata pestilentialia, saltem  
profunda, sunt mortis angari admo-  
dum pernices, eò quod mortificatio  
generalis pressio pede insequi consuevit  
articularem: attamen quandoque (uti è  
supradictis constat) induciæ quibus-*  
M dum

dam concessæ nunc *biduana*, nunc *triduana*.

*Symptomatum complicatio vehementium sæpe sæpius perniciem præcipitabat.*

Plurima licet signa recuperandi spem exhibuerint, unumque noxium contra indicaverit, vix difficilis quidem conjecturæ erat, catastrophem appropinquare.

*Ex urinâ Corruptorum non Stabile, non exploratum iudicium:* horum sanè *lotio* ut plurimum minimè à sanorum *lotione* distingueretur, aliquandò tamen ejus *graveolentiam* vix ferre poterant *inspectores*; hoc serò nimis sapiens *medicus quidam expertus* est, qui *maiusculâ arreptâ odorem fetidissimum* hausit, mox malè se habuit, & spaciū intra *triduanum* occubuit; adeò ut è re turpi aliquandò *lucris* odor sit fatalis.

*Pulsus qui in cunctis ferè morbis*  
index

*index certissimus, in Lue pestiferâ  
fallax admodum, & dubius est.*

*Ægri in morbi initio, vel statu,  
comatosi agrè evaserunt.*

Istud à me rerum ordo exegit, ut  
signa hæc prognostica insererem; consultò  
plurima omisi, cujus delicti gratiam faciat  
iudicandi difficultas, & discrimen; Lvis  
quippe tot, & tantæ erant prestigæ, tot  
captiones, ut ægri plures ipso in portu  
navragi forent; viz. cùm convalescendi  
pem velut in manibus haberemus, Subitò  
nors obrepserit, & nonnullis de quibus  
ictum, & conclamatum, redierit sani-  
as, velut in Artis ludibrium.

---

---

## SECTIO SEPTIMA.

### *De Pestis nuperæ Curatione methodicâ.*

---

**L**es pestifera quoad exitum semper in bivio, & difficili versari solet, cujus furore impensius gliscente, major ut plurimum pars *corruptorum* desiderata; utcunque spes non temerè abjicienda, in re licèt arduâ non funditùs desperandum, perinde ac si generis humani ob *contagium* institerit clades, & interitus; quin potiùs calamitatis angustia stimulum, & calcar addiderit, & vel ipsa morbi pernicies generosos *Naturæ* ministros *medelam* comparandi studio accenderit.

*Methodi Therapeutice* aditum, & vestibulum ingressurus, paucis hortari *corruptos* necesse habeo, qui imprimis submonendi, ut *Numen* omnimodâ supplicatione venerentur, & *precùm* holocausta



causta immolantes, ab Illo tot, tantisque  
sceleribus violato, auxilium supernè pe-  
tant, nec non pari devotione implorent  
*Cælum*, quò remediis dextrè præscriptis  
faveat, & benedicat.

Dein *malo admodum præcipiti* laboran-  
tes, si modò fuerint *sui juris*, *mentisque*  
*Compotes*, exorentur, ut *testamenta* actu-  
tùm perscribi curent, & illa incunctantèr  
signent, nè forsan ob relictas *absque*  
*herede sarcinas, rixæ, & lites hereditariæ* de  
re familiari mortuorum demùm serantur.

Postremò, ab *agrotis* impetrandum, ut  
exutà morâ se *compositos*, *pacatos*, immò  
& *morigeros* tradant *erudito*, *experto*  
& *Cordato medico* in manus, & curam:  
hinc patet quam dura *medicorum* provin-  
cia, in *morbo extremo* sanitati & *agrorum*  
vitæ plurimùm periclitanti invigilantium;  
quàm illorum munus *periculorum* undique  
plenum, quibus cum *malorum* *Lernâ*  
*ictu* unico dimicandum, uti *aliis*, ita fre-  
quentèr *ipssimet* exitiosâ!

Verùm ut ope suâ *Ars Sacra* erigeret,  
& sublevaret mortales *agritudine summâ*  
circumvallatos, *Progeniem legitimam* pe-  
rennare gestiit, *sci. ab Æsculapii filiis*

haud in auspiciis in *Pestilentia*, quam  
*affectuum reliquorum Curatione*, tanquam  
 pro communi *reipublicæ* commodo iuda-  
 rum; pluribus tempero, indignus sanè  
 in *Herodum* encomiastes.

Quoniam hæc ex parte *disquisitiones me-*  
*dicæ tam prosperæ* erant, uti olim aliqui  
 in *explicatione remedii specifici* adversus  
*pestilentiam* multum sudoris impende-  
 runt, operam, & oleum perdentes,  
 utcumque de eò plurima mendacii  
 manifestissima passim prædicarunt: ita  
*Cassiones nostri* suum consimiliter *ausna*,  
*suum magister* licèt perniciosissimum miris  
 artificiiis celebrabant, & id credula &  
*incaute* plebi vānum tradebant: Certè  
*impostores*, & *gerrones* hi jure merito  
 censendi *Pestis publicæ*, quorum opinio à  
 ratione omnino abhorret; nam argumen-  
 tis utrinque libatis, facile constat *to pū*  
*Luis pestifera* absolutorium nullatenus in  
 rerum naturā dari, neque *mysterium tale*  
 cuivis mortalium hactenus innotuisse:  
 quamobrem juxta *intentiones* in peste pa-  
 riter, ac in aliis morbis seriò attendendas,  
*methodica*, & *rationalis* instituenda *Cu-*  
*ratio*: Nobis quidem viam hanc Regiam

ingressis multorum licet cum strage, viz. morbi indole initio non benè perspectâ, & cognitâ (verbis absit ostentatio) pulcherrima stetit victoria.

Superest jam ut præmittam quid à medicis faciendum; quum itaque mali genius vix ullas concedit inducias, rupiâ protinùs morâ, quàm ocysimè; & impigrè languentibus succurrendum; opitulandi nimirum *occasione matutinæ* immineat *medicus*, advoletque in *agrorum* auxilium; nè forsan ob tardam nimis medicamentorum aliàs efficacium administrationem convalescendi spes pereat, & tam supinæ oscitationis nulla deniceps indulgeatur expiatio.

Tum *accedens medicus* correptum bono esse animo jubeat, languentem voce, gestuque exsuscitet, strenuè culpet *pusillanimitatem*, ex quâ tot ultrò se permittere solent in *miasmatis pestiferi* deditio-nem, vel hâc de causâ spem sanitatis sibi-metipsis præscindentes.

Ultimò, juxta Collegii Celeberrimi in Libro præfato edictum, in magnorum, & Generosorum remediorum usu, & administratione, res summo consilio, judicioque firmo gerenda.



Imprimis *Celebranda vena Sectio* necne meritò ambigendum? quam reverà hic pede sicco transissem, utpote *exitiosam*, nisi quidam, nescio *Audacie* magis, an *Imperitiæ* pervicaces, non solummodò *parcâ manu* sanguinem mitti curassent, sed & *iteratis vicibus* copiosam ejus eductionem usque ad *deliquium* nuper suasissent.

Siquid *Veterum* autoritas, siquid *Neotericorum* experientia valeat, si denique calculum nostrum adjicere liceat, *Phlebotomia* in verâ, & *exquisitâ peste* semper suspecta, nè (quod abundè comprobatum) unâ cum cruore purpureo *Anima* effluat; tam ingens discrimen concomitari experti sumus hanc evacuationem; proinde satis mirari nequeo quâ acti infaniâ Hi *vite humane* proditores, *carnificinam* exercentes, deliramenta sua alieno damno firmare audeant; utrum à calore intensissimo *Phlebotomie* indicatio depromitur? an à *vasorum* turgescentiâ? an ad *miasmatis pestiferi* fugam vulnus aperiendum, per quod exeat, evadat, erumpat venenum? profectò nil magis à vero alienum videtur; quandoquidem nisi unâ cum febre remiserint *Cetera Symptomata*,  
hâud



aud dubio in summum vitæ discrimen adducuntur ægri; quî enim *Sanguis* & *Ucci reliqui* depurentur, si febrilis calor re infectâ, immo labe veneficâ herente, & vigente discederet, & extingueretur; ut taceam, venenum pestilens *venâ sectâ* se intus recipere, & illic defixum manere, quin & *diaphoresis* apprimè utilis, & *salutaris* celebratâ hâc evacuatione inhibetur, *spiritibus* non tantùm depauperatis, & perditis, sed contrarius hinc motus *seroso latici* conciliatur.

In eodem porrò hærent luto argumentum à *vasorum turgescentiâ* petentes; quid quoddum in *massâ sanguineâ* immanes nimium concitentur orgasmi, particulæ *cruoris* discordes, & heterogeneæ in ipso commotionis articulo sese expandere adnitentes, ampliusque exagitationi tantæ spatium quærentes in vasis utcunque distentis *plenitudinem* duntaxat simulare videantur; nam *venæ* velut deplete subsidere assolent, expectatâ paulisper *liquoris Coccinei* quiete, & pace: proh dementiam *temerariâ sanguinis effusione* vires incassum prosterrendi ob *ementitam* solummodò *plenitudinem*,

Non

Non ea demùm est *aure venefica* indoles, ut *vene apertæ* portam appetat, & simul cum cruore eliciatur, quæ (sicuti ex memoratis liquet) in *spiritibus*, *vasisque aliis* hospitari gestit, quàm in genere *venoso*; hæc curatio *Lui* appropriata extra omnem dubii aleam constituet.

Quænam denique huic opinioni fides? cum innumeris pateat experimentis *sanguinem* plerumque in hoc morbo cum impetu *proflientem* difficultè sisti, & vulnus ægrè postmodum coalescere: verum non is sum qui inficior, *phlebotomiam* in febre malignâ, & pestilentiali aliquandò locum habere, & re deploratâ ob *nimum mensum vel lochiorum fluxum* revulsionis gratiâ consultò tentandam; summo tamen sit piaculo illam in *Peste verâ*, & exquisitâ celebrare: Unicus tantùm (uti memini) omnium quotquot, ægrè evasit, qui *dominante peste nuperâ* sanguinis detractionem subivit, at sermonem fusiores super hâc re admodum perspicuâ abstineo, ad cætera minùs controversa transiturus.

Quod ad secundum notabile remedium attinet, viz. *Vomitionem*, crapulâ præ-

præcedente, in ventriculo saburrâ noxi-  
um humorum congestâ, urgente nausæâ,  
ore etiam amaricante, consentiente thora-  
cis, & cervicis conformatione, in morbi  
infantiâ prodesse queant *emetica remedia* ;  
inter quæ illa eminere videntur quæ Ven-  
triculum abundè nimis sarcinatum *citra*  
*anthraxis* subvertant.

Viz. *Syr. Diasari Fernelii*, *Syr. scabio-  
se Compos. Oxym. Scillit. Sal præsertim*  
*Victrioli*, &c. Antimonii preparationes  
non æquè arrident: *Medicamentorum*  
*emeticorum* Dosis augenda, ut extemplò de-  
pleatur *Stomachus*, item serum cerevisiale  
affatim ingurgitandum, foliis cardui, scor-  
dii, ulmarie, petasitidis, &c. incoctis, quous-  
que sordes quæcunque *Ventriculi Parietes*  
emplastrantes benè eluantur: Qui de  
meo consilio possetum prædictum ad-  
dito Oxymelite simplici, nullo licet emetico  
prævio, affluentèr hausere, levamen inde,  
& emolumentum illicò experiebantur.

Confecto Vomitionis Stadio, quò meliùs  
*Alexipharmaca Medicamenta* retineantur,  
*Ventriculi* tonus fatiscens magnoperè fir-  
mandus alexeteriis admiscendo *Stoma-  
chica*: Sin verò vomitio urgeat *Sympto-  
matica*



*matica*, omninò exulant *remedia emetica*; nè medicus, (agyrtarum more qui theorematum medicinalium mignari,) Symptomata promoveat, quæ vires ob irrita conamina prosternere possent, & *mineram morbi* etiam aliunde in *ventriculum* alliciant, illamque inibi figant, unde mox *vomitio- nis* impetus immanitèr procellosi, nullo quidem artificio compescendi.

Tametsi in aliis affectibus *vomitio vomitione* tollatur, in *peste* tamen à *nausæa*, & *vomendi propensitate* sinistrè depromitur indicatio: siquidem *malignitas* vel potius *effluvia nitrosalina* os *ventriculi* vellicare, *nervosam crumenam* licèt *vacuam* subvertere, & *motus* ciere *spasmodicos* solent: quorundam *Stomachi* videbantur cibo *graves*, perinde ac si vehes impuritatum illos gravitassent, hi *emetica* ultrò expetebant, quibus morem gerere omninò nefarium fuit; incussa quippe *infarctus* suspicio à *veneficâ* labis *pestiferæ* vi dependebat, *ventriculo* interim ab *alimento*, & *humoribus noxiis* libero: cætera hîc desiderata in Sectione de Symptomatum Curatione inserentur.

Quinetiam *Purgatio* inter *remedia magna*



za haud perperam annumeratur sci.  
 solvenda alvus necne, res quidem magis  
 nodosa, & inter medicos dissentionis ple-  
 nior: revera Pestium quarumcunque vari-  
 etas, temperamentorum dissonantia, mor-  
 bi complicationes variae, tempestatis in-  
 certitudo, quò minùs regulas tradam hâc  
 in re generales, quammaximè obstant,  
 quarum vice collectiones in praxi quoti-  
 dianâ celebriores substituam.

*Humorum turgescencia, sive cacochymia*  
 gnis instar speculatorii proficuum fore  
 hanc evacuationem certò designavit, fæ-  
 rum quantitate potiùs gravante, quàm  
 qualitate illarum irritante: nimirum cum  
 humorum regimini, coctioni, & excreti-  
 oni minùs suffecerit Natura, juvari eam  
 omninò necesse, ut illi per alvum oppor-  
 unè exturbentur, precedente saltem  
 ingluvie, ocysimè, & sine nimia morâ  
 Catharsis imperanda.

Quod si ob ejus comperendinationem  
 abis pestiferi characteres in succos altè  
 uerint impressi, humorum exterminando-  
 um depuratio, potiùs quàm evacuatio ten-  
 anda videtur: profectò metuendum  
 magis sentinam movere, quàm separatio-  
 nem

nem occultis Naturæ viribus absolvi posse desperandum; enimuerò siue sanguinis solutio, & fusio, siue (juxta nonnullos) ejusdem coagulatio spectanda; certè hinc, inde *medicamenta* proscribenda videntur *cathartica*, quæ sci. in causâ priori *cruorem* ulterius exagitant, funduntque, & *vasa* referant labore improbo *claudenda*: *Remedia* etiam *cathartica* nocent in sanguinis coagulatione exhibita, eò quod *colluviem* avocant solummodò, & evacuant *serosam*, quâ modò *particule tenaciores* immersæ, & dilutæ erant: hinc fit, ut quod priùs *stagnabat*, methodo hâc *incrassatur*, altiùs *impactum*: præter invictam planè difficultatem *cruorem* fortefortunâ *coagulatum*, & in *vasis stagnantem* remediis quibuscunque in statum pristinum reducendi, illum colliquandi, & fluxilem reddendi, aut *virus pestilens* intimè implicatum eliminandi, malè metuendum nè *minera morbi* usqueadeò *exagitata intestina* petat, *sphacelationem* inferens.

In *purgatione* ut bono litetur eventui cautè admodùm *vires consulende*, quibus prostratis, aut deficientibus *hac minùs tuta*, immò *exitiosa* censenda.

His

His adde *Catharsin* rempericulosa plenam  
 ileæ, si alvus *medicamentis* purgantibus  
 nimium concitaretur, unde *ὑπερκαταρσις*, aut  
 succorum colliquatio; *miasmata*, viz. *nitro-*  
*salina* e. g. ab haustâ potione humores  
 icuente, & rarefaciente, illos fundere, &  
 ad intestina torrentis instar deturbare  
 apta nata sunt.

In *Spirituum* insuper morbo quis amabò  
*Catharsi* locus? certe mihi plusquam ve-  
 rissimile videtur, succos corporis longè citi-  
 us exhauriri posse, quàm purgationis ad-  
 ministratione spiritus valde oppressos,  
 caliginosos, & propemodùm extinctos,  
 lenuò sufflaminari, & in pristinum reduci  
 statum, ac nitorem; cum denique vene-  
 ruz pestilens utpote subtilissimum suapte  
 naturâ Corporis spiracula potius petere af-  
 fectet, quàm sentinas excrementorum cras-  
 sorum secretioni destinatas, præterea cum  
 evacuatione institutâ motum adiscat sua  
 indoli contrarium labis venefica scil. à cir-  
 cumferentiâ ad centrum, quid sibi velint, me-  
 ratet, qui iteratis vicibus exhibent remedia  
 cathartica, undè frequentissimè viscerum  
 tormina, eorumque sphacelationes.

Quòd si eò ferat animus, libratris utrin-  
 que



que argumentis alvum exinanire, in morbi principio, & celeri quidem commotione eam ducere oportet, cui usui medicamenta in formâ liquidâ habentur magis opportuna expeditam celebrantia mercaturam Exemp. gr.

℞ Aq. Angelicæ simpl. Tartarizata ℥ ij. Syr. de spinâ Cervinâ ℥ j. Elix. proprietatis Crollii vel Antipestilentialis ℥ j. & interdum ℥ p. dissolve salis absynthii gr. viij. M. S. Fiat haustus horâ commodâ, & typo remittende dandus: Pilularum Ruffi solutio, viz. ad ℥ p. vel ℥ j. plus, minusve in aq. Calendule quibusdam magis aridet; quibus tamen pilule magis placent, ii massâ utantur sequenti.

℞ Extract. Pilularum Ruffi ℥ ij, resinæ zalapii ℥ j. trochisc. de rhabarb. ℥ j, gum. ammoniaci in aceto scillit: soluti ℥ j. salis Tartari, absynthii ana gr. viij. cum tinct. Theriacali q. s. fiat massa, e cuius ℥ j. conglobentur pilulæ viij, vel viij. Dos. in constitutione athleticâ ad ℥ ij. prout medico visum fuerit varianda.

In morbo induciarum omninò impatiente expedit *drastis*, & non *pegdus* evacuare;



ita ut humores priorum regionum peccantes in morbi ortu actutum exterminentur, priusquam eos imprægnaverit *venenum pestilens*, & labe illius serpente, in universos succos dominio pleno potitum fuerit: certè *πρωτομυδς* hic non expectandus, nullum habent locum *alterantia*, & *digerentia*: Ego autem alvò suppressâ satius duxi illum glandibus educere, quorum usum purgationi intestinorum commodiorem, & tutiorem comperi.

Cæterùm *medelæ cardo* ex omnium quotquot *Authorum*, & *prædicantium* placito, & consensu, in hoc præcipuè vertitur; nimirùm in citissimâ *veneni pestilentialis* expulsiōne, quam mirè, & unicè præstare valent *Alexipharmaca*: facibus itaque priùs ablegatis, ad hæc correpti, tanquam ad sacrum Asylum, confugiant.

Remediorum horum copia tanta suppetit, ut *Natura* in re nullâ solertio rem, sollicitam magis, & indulgentiorem se præbuerit, quàm in præsidiorum adversus *Luem pestiferam* benevolâ largitione; neq; infælicior hâc ex parte *Ars medicinalis* in variis simplicium præparationibus, quibus opportunè admodum tam gravi occurratur malo.

N

Verum

Verum seligenda ex hac densâ *simplicium* sylvâ; quæ virtute vegetiori pollent; is quippe juxta adagium *Μορμολυκείοις ἐνφοβεῖ τὴν λείονα* qui *Luem pestiferam*, quorumcunque morborum facilè principem, se posse crepundiis domare confidit, quæ sæpe numero *medicamenti segnitiei*, pariter ac *medici conatus supinos* ulcisci solet, tardi scil. eventûs expectatione tutelæ efficacis occasio funditûs perit.

Inter *Simplicia* è triplici *Vegetabilium*, *Animalium*, & *Mineralium* regno petita, supereminent (ut à Vegetabilibus exordiar) *Radices Asari Virginiani*, sive *Septentariæ Virginianæ* modò recentes, & aromaticæ; crebrò reverà cœpit me admiratio in *radicibus tam exilibus*, velut *fibris reptatricibus*, dotes tam insignes latere, *saporis* tamen *acris*, & *mordacis* acumen, *odorque* nasum feriens egregiè *aromaticus*, vim, & præstantiam apertissimè indicant eximiam, & planè divinam; ita ut inter *diaphoretica*, & *Alexiteria*, nesciam quid in *miasmatum pestiferorum* expulsionem efficacius fuerit, & generosius.

Dos. radicum in Alkool v. a. e. reductarum à gr. iiij. vel vj. ad ʒ ij. ex vehiculo idoneo,

idoneo, ætatis interim, temperamenti, & sexûs ratione habitâ.

Secundum jure merito locum merentur *Radices Contrayerva*, è quibus etiam *Lapis* oppidò celebris conficitur, cujus descriptionem paulò post tradam: Dos. harum radicum subtilissimè pulveriz. à 3 j ad 3 j. ex aq. angelicæ, scordii, calendulæ, vel vino, &c.

Quin & *radices alias* ex usu quotidiano ægris plurimùm profuisse experiebamur, è quibus pro re natâ variæ compositiones conflatae erant, ut viz. quod singulae non efficerent contortis viribus junctæ exequerentur; in hac classe collocentur *radices Angelicæ, Scorzonera, Petasitidis, Imperatoria, Tormentilla, Zedoarii, Allii, Helenii, Valerianæ, Aristolochiæ, Gentianæ, Dictamni, & reliquæ*, si quem varietas teneat, è libris aliorum eruendæ.

A me autem gratitudo exigit, ut pauca hîc de *Zinzibere* subnectam, cujus pulverem, atque condituram, multotiès cum faustis ægrorum rebus exhibuimus; nempe hunc ad provocandam diaphoresin, atque illam ad vim contagii pestilentialis præcavendam.

E radicibus præfatis, vel cum spir. Vini rectific. vel cum aceto radicali parari queant *Extracta*; subtiliores quidem, & vegetiores particula mole corporeâ, & inutili exutæ, ex omnium medicorum consensu evadunt magis *medicamentosæ*.

*Vegetabilium folia* in praxi nostrâ usitatissima; nimirum *Scordii*, *Rutæ*, *Salviæ*, *Veronicæ*, *Dracunculi*, *Centaurii min.* *Scabiosæ*, *pimpinellæ*, *Calendulæ*, *Melissæ*, è quibus expeditæ juxta rei angustiam variæ remedium formulæ.

*Aquæ* ex herbis prædictis *stillatiæ* si modò *redolentes*, & *sapidæ*, viz. (sale volatili non spoliata) vehiculi vice, remediis magis energeticis optimè inserviebant: quæ interim *insipidæ*, & *officinis solummodò ornamento sunt*, nè tantillum emolumenti languentibus præstitère.

*Clyssus herbarum memoratarum* aquis anteferendus videtur; hoc scil. artificio conficiendus viz. eliciatur magna quantitas *aquæ* seu *phlegmatis* ex herbâ viridi, & succulentâ, ex aliâ dictæ herbæ quantitate succus exprimatur, per residentiam depurandus; dein ad mellaginem fiat exhalatio, cui phlegma affundendo cum  
tan-



tantillo spir. vini extrahatur tinctura, quæ demùm per exhalationem lentam reducatur in extractum, item ex herbâ siccâ extrahe oleum, & è magmate s. a. salem.

℞ Extracti partes quatuor, h. e. 3 iiij. salis 8 ss. ol. gutt. 50, Misce v. a. e. simul, fermentescere sinantur per mensis spacium, eousque agitando, donec amicè omnia affociantur: *Valentia* quoque, vel *succus* dicto modo inspissatus, uti summarum est virium, ita vel tempestate hyemali ad usum medicum decoctionum loco ex herbis exiccatis constantium, prosperè depromatur; qui tamen nervosior evadit *Luis* Antagonista, ab additione salis Alkali menstruo proprio s. a. ad plures vices imbuti: remedio nimirum hoc *tonus ventriculi* corroboratur, *putredo* ablegatur, *effluvia nitro-salina* oppugnantur, saltem præcipitantur, *diaphoresis* denique provocatur.

Baccæ insuper quædam maximo in praxi usui fuere; viz. sudorem egregiè movebat *pulvis baccarum hederae* ad 3 j. ex aceti sambucini partibus duabus, & vini albi parte tertiâ: idem quoque præstabat *spiritus è baccis sambuci elicitus*, peractâ

fermentatione, exhibeatur ad  $\text{z}$  iij. vel iv. quin & spiritui è baccis Juniperi ad  $\text{z}$  j. dato, uti & spiritui è Juglandibus recentibus cum spir. theriacali, seminibus denique scil. cardui, citri, calendulae, &c. suae constabant laudes, utpotè sudorem potentissimè educantibus.

In Universo *Simplicium* medicamentorum censu vix aliquod (ut opinor) per aliquot majorum sæcula medicamentum habitum celebrius, quàm *Lapis Bezoardicus Orientalis*, permagni sanè æstimii ad hodiernum usque diem: Absit ut petulanti contradicendi animo veritatem exploraturus, tot, & jam tantis experimentis munitus, efficaciam ejus hætenùs pulchrè creditam enervare nitar: sed res ipsa palàm loquitur, illum *precii majoris* esse, quàm *virtutis*: profectò lapidem hunc in pollinem redactum crebrò exhibebam ad gr. 40, interdum ad 50, re nondum deploratâ; & obtestor illum expectationem erectam frustra omninò habuisse; mihi interea haud constitit lapides hos artificiosè probanti, adulterinos fuisse, & factitios.

Quinetiam pulvis *Monocerotis* pridem  
inter

inter *Antidota* ferè principatum obtinens  
 nè hilum profuit, hujus à *Mercatore* quo-  
 dam Doses aliquot accepi, *eximia vir-*  
*tutis* periculum ut facerem; verùm qui  
*columbas pullos, feles, & canes* (uti *Vir*  
*ingeniosus* referebat) à *toxico arsenicali*  
 pluries liberasset, *veneni* tamen *pestilen-*  
*tialis* expugnationi minimè suffecit: si  
 hodiè in controversiâ non versaretur, an  
 tale Animal à quopiam integræ fidei vi-  
 sum uspiam, si stupendas insuper conce-  
 derem dotes, profectò tanti pretii reme-  
 dium, *Magnatum* duntaxat, & non *misel-*  
*lorum* affectibus dicatum videretur: cala-  
 mitate autem publicâ grassante, Achivi  
 ut plurimùm plectuntur, quibus sublevan-  
 dis ut plebeia à *medicis* excogitentur me-  
 dicamenta oportet, in quorum catalogo,  
 imprimis occurrunt *Trochisci viperarum*  
*sale proprio conditarum* ad 3 iiii. ex aq.  
*Scordii compos.*, vel *sal viperarum volatil.*  
 ad 3 ss.

Ad nos misit Trochiscos ex *Angliâ A-*  
*mericanâ* *Vir Dignissimus*, è carne anguis  
 caudâ crepitante, nostro idiomate *Battle-*  
*Snake* confectos, à quibus commodi, &  
 levaminis plus ægris, quàm à nostris do-  
 mesticis obtigit.

*Busonum pulvis* in omnium ore palmaris, bubonibus etiam cum Nitro calcinatis, tot, & tantis encomiis nequitquam par fuit: auspiciatius quidem, & ex voto cessit *spir.* *Cornu Cervi* ad 3 ij. vel 3 j. ex aq. epidemica.

*Juvenem* summa spirandi difficultas tenebat, arteriæ vibratio cessare videbatur, omnia demum ultimum languentis spiritum in labris supremis hæreere enunciarunt, huic exhibui *spiritus præfati* 3 j. ex aq. Scordii compos. ʒ iij. morbo pertinaciter hærente, post trihorium iteravi potionem, addendo Spiritus 3 j. & admota erant quinque Vesicatoria, semihorâ vix elapsâ calor viguit, artus movere cœpit, & sensim se recollegit, ab orco revocatus: tandem cum exitus in facili, en ab ulcerum in furis internis à vesicantibus excitatorum decoloratione, nec non sensus abolitione sphacelationem propè imminentem! partibus tamen affectis profundè incis, scarificatis, & v. a. e. embrochatis, hausto etiam bis de die remedio memorato, res iterum (colo adspirante) in integro: viz. Spiritus hic prout flammifer, actutum se per universum corpus diffundere



dere potens est, ratione volatilitatis salinæ qualitatem pestis Salino-malignam corrigendi vim habet: nè plura dicam Spir. C. C. est egregium *diaphoreticum* in quascunque morbi quantumvis efferi tentationes.

Quotiescunque res in angustum adducta, ad *mineralia* confugiendum, quæ vi, & armis *hostem pestilentialem* foràs projicere perhibentur, inter quæ agmen ducunt *Bezoarticum Minerale, Sulphur Auratum, atque Aurum vite*, &c. præparationes ex aliorum chartis depromantur.

Vereor sanè, nè nimius fuerim, in remedium hujus ordinis enumeratione: quanquam non me latet *monomachiam* h. c. simplicium discretorum certamen singulare posse *Luem*, utique & *alios morbos* edomare; ita ut unum (virtute ejus cognitâ) sit par bello: quoniam tamen *huic malo* tot accedere solent *complicationes*, machinationes quoque ejus admodum sunt versipelles; quidni ad pugnam *acies instruenda*, auxiliumque confæderatorum maturè implorandum, ut densatâ acie contra vim, conjurationem, & morbi gravitatem marte prospero contendatur. In quem

quem usum *multiplices* varii generis ab Æsculapii filiis *inventæ compositiones*; quædam prolixiores, perinde acsi in Hecatomben ad pacandam Luis sævitiam universa propemodùm medicina immolaretur.

Abs re nostrâ omninò foret medicamenta quidem innumera, ex aliorum libris decerpenda, hîc proponere; mihi solummodò hoc pensî incumbit; nempe ea commemorare, quibus nos potissimùm utebamur, quæque simul fortunavit experientia: cœptum hoc aggressurum *gratitudo*, & *officium* jubent, ut à *præscriptis in Libro Collegii celeberrimi propalatis* exordiar, inter quæ occurrit *Aqua Epidemica*, jam officinalis.

℞. Radic, tormentillæ, angelicæ, pœonia, zedoariæ, glycirrhizæ, helenii ana ℥ ss. fol. Salviæ, Chelidoniz, rutæ, summitat: rorismarini, absynthii, roris solis, artemisiz, pimpinellæ, dracunculi, scabiosæ, agrimoniz, melisiz, cardui, betonicæ, centaurii min. fol. & flor. calendulæ ana M j. (alii addunt flor. papaveris errat: paralys. ana p iij.) incisa, & contusa infundantur per triduum in lib. viij.

iiij. vin. alb. opt. dein F. cauta distillatio  
 & liquor usui reservetur: Hoc tamen  
 bitèr animadvertere liceat viz. in *Pestis*,  
*curatione* non ad *pompam* è numerosâ  
 mplicium congerie, quàm in *correpto*-  
*um sanitatem* concinnandas esse remedio-  
 um formulas. N.B. dicta aqua nequaquam  
 omnibus indistinctè propinetur, consimi-  
 ter nec aliæ ejusdem indolis, viz. *purga*-  
*one lunari instante*, nè forsan menses  
 immodicè fluant, neque *fæminis* exhibe-  
 tur in *utero habentibus* abortum proritans.

Præterea *Liber Collegii* suprâ laudatus,  
 ti *præsidiiis officinalibus*, ita aliis morbo-  
 ppropriatis erat refertissimus, è penu  
 occupleti paucula exhauriam.

℞. *Diascordii*, vel *Mithridatii* ʒ j. vel  
 ʒ ss. fiat dissolutio in lib. ss. *possetalæ*  
 lteratæ cum partibus æq. vini albi, & ace-  
 i opt. Misce detur hæc potio fervefacta,  
 egro stragulis benè cooperto.

Vel ℞ *radic. Angelicæ* ʒ ij. *tormentillæ*  
 ʒ j infusis, & decoctis in aq. font. q. s. ad  
 ertia p. consumptionem, adde succi limo-  
 um ʒ iiij. vel aceti ʒ j ss. bibat correptus ʒ  
 ij. vel viij. hujus apozematis calfacti: Vel

℞. Sem. *pataitidis* ʒ j. sem. citri gr.

xxvj. cuchiauellæ 3 ss. caphuræ gr. xij. misce, fiat pulvis, ex haustu aq. cardui, calendulæ, vel scordii sumendus.

Vel R. expressionem stercoris vaccini recentis in aceto acerrimo infusi ad cochl. vij. vel viij.

Vel R. Theriacæ Androm. 3 ij. Elect. de ovo vulg. 8 ss. factâ dissolutione in haustu possetalæ carduatæ, fiat potio bibatur calefacta expectando sudoris exundationem.

De medicamentis reliquis in dicto Libro promulgatis, in pauperum usum concinnatis, alibi verba faciam, ad ea jam transiturus, quorum vis, & efficacia ex usu quotidiano eximie eluxit, atque in primâ acie comparet.

### *Decoctum Antipestilentielle Compositum.*

R. Radic. Scorzonæræ, petasitidis ana 8 v. angelicæ, tormentillæ C.C.C. ana 8 j. fol. Scordii, ulmaria, melissæ ana M j. flor. calendulæ, borrag. ana M ss. bacc. juniperi, hederæ ana 8 j. sem. citri 3 ij. cori. andri præp. 3 j. ss. caricas numero iij. incisa & præp. in duabus p. aqu. font. & tertiâ



. aceti opt. infundantur, & decoquantur,  
 ubi finem addendo glycyrr. taleolatim se-  
 tæ ꝯ j. in expressionis t̄b iij. dissolve  
 periacæ Androm. ꝯ iij. nitri purissimi  
 iij. & adms interdum Spir. Vitrioli, vel  
 sulph. guttas aliquot ad leuiusculam aci-  
 ditatem; & nonnunquam syrupum è succo  
 citri, limonum, vel melissophylli immerfi-  
 tus: verum enim verò cū in summo rerum  
 discrimine, *periclitanti vitæ* potiùs, quàm  
*estui* consulendum, *saccharata* pluries omis-  
 si, scil. vires remediorum tum *obtundentia*,  
 tum *gule* magis, quàm *ventriculo pestiferè*  
*fecto* accommodata, Dos. ad cochl. viij.  
 vel x. sextâ quâque horâ ad quatuor vices.

*Aqua Alexiteria.*

℞. Radic. Contrayerva ꝯ j. scorzonæræ  
 hispan. , angelicæ ana ꝯ j. fs. fol. Scordii  
 alegæ ana M iij. fl. ros. rubr. calendulæ  
 ana p. iij. ras. C. C. eboris ana ꝯ j. bacc.  
 niperi, hederæ ana ꝯ ij. in aceto sam-  
 bacino per triduum macerat: dictamni  
 etici, cortic. limonum ana ꝯ j. succ.  
 elislæ, cardui, angelicæ ana t̄b fs. aceti  
 opt. t̄b ij. distilla in organis humilioribus  
 ost. deb. infusionem.

*Vel,*

Vel,

℞. Succ. Scordii, acetosæ ana ℥ j. gallegæ ℥ ss. succ. limonum, aceti opt. ana ℥ j. theriac. Androm. ℥ iij. digere & distilla Dos. ad cochl. vj. vel viij.

Vel,

℞. Aquæ Alexiteriæ ℥ ij. theriac. Androm. ℥ iij. Elect. de ovo ℥ j. digere, filtra, & usui serva, Dos. ad cochl. vj. vel viij. phialam agitando.

Vel,

℞. Summit. absynthii, rutæ ana Mj. Scordii, dracunculi ana M iij. aceti sambuci ℥ iij., distilla in vesicâ, tum in liquore dissolve salis fraxini, cardui, vel Scordii Vitriolat. 3 iij. Dos. ad cochl. iv. vel v. efficaciter elicit sudorem hæc Aqua.

### *Spiritus Theriacalis.*

℞. Radic. Asari Virgin. ℥ ss. contrayerva ℥ j. tormentillæ, scorzon, petasitidis ana ℥ j. p. sem. cardui, calendulæ angelicæ, citri ana 3 iij. quibus præp. affunde spir. vini, aceti opt. ana ℥ ss. dissolve theriac. Ven. ℥ ss. adde croci Ang 3 ij. misc. indantur organis vitreis, & post octiduanam super cineres digestio-

nem

*Curatione methodicâ.* 191

nem, distilla, in rostro Alembici suspendendo caphuræ 3 iij. Dos. ad cochl. v. vel vj.

*Oleum Diaphoreticum.*

℞. Salis Absynthii, vel Scordii, sive Rutæ ℥ ij. flor. Sulphuris ter, quaterve sublimat. 3 j. ol. Juniperi lb j. invicem misc., per biduum calore mediocri bene occlusa relinque, dein per Retortam distilla, etiam alterâ vice distilla, digerendo per biduum, addendo salis absynthii ℥ j. Dos. ad cochl. unum, vel duo, ex aq. angelicæ, vel scordii, saccharatâ, ad olei v. a. e. Commixtionem.

*Acetum Antipestilentiale.*

℞. Radic. Scorzon. Hispan. Chelidoniae mai. ana ℥ ij. contrayerva ℥ j. angelicæ, tormentillæ ana ℥ j p. fol. scordii, melissæ, scabiosæ ana M ij. summit. Rutæ p. ij. dictamni cret. M ss. flor. sambuci, calendulæ ana p. iij. gr. Junip. ℥ ij. ras. C. C. eboris ana ℥ j. sem. rutæ, cardui, citri ana 3 ij. portulacæ 3 v. cinam. opt. ℥ ss. caryophyll. 3 iij. Theriac. Androm. lb ss. quibus s. a. præp. affunde Aceti ex vin.

vin. albo acerrimi ꝑ v. vitro opt. obturato digere per triduum, bis, terve de die conquassando, tum cautè distilla, suspensis camphoræ, & croci ana ꝓ ij. in rostro Alemb. Dos. ad cochl. v. vel vj.

At de his abundè satis, cuiuspiam hinc pronum sit colligere, cur *medicamenta liquida, modò fervescèntia*, aliis in *formâ boli vel Electuarii* assumptis anteferenda, ob *promptissimam scil. & expeditam energiam, & operationem.*

Cæterùm quia *corrupti* plerumque erant *nauseabundi*, & ad *vomitionem proclives*, sicuti & potabilium quantitas ventriculum sarcinando, ejus subversionem irritare consuevit; remedia solidæ formæ locum habent, & hæc ex parte potiora videntur, vomitu nimirum ægrè excutienda, utpote adhærentia ventriculi parietibus, velut iis agglutinata: hujus generis præmanibus sit massa sequens, unde ex tempore boli conficiantur.

℞. Elect. de ovo mineralis ꝓ j. theriac. Androm. ꝓ ss. pulu: serpentariæ virgin. ꝓ v. cuchiauellæ ꝓ iij. croci pulveriz. ꝓ ss. cum Syr. è succo melissophyll., vel citri, coagmentetur massa, Dos. ad ꝓ ij. addendo

salis



salis cardui, absynthii, vel scordii ʒ j.  
plus, minusve pro symptomatum vehe-  
mentiâ.

*Cl. & toto Terrarum Orbe Celeberr.*

*Theodori de Mayerne præpa-  
ratio Elect. de Ovo Mineralis.*

℞. Ovum vulgaritèr ut in Pharma-  
copœia Londinensî præp. de quo sume,  
& sem. sinapios, vel erucæ ana ʒ j. Anti-  
doti Saxonica ʒ ss. lapidis prunellæ ʒ v.  
Antimonii diaphoret. fixissimi, & croci  
metallorum simul ustorum ʒ iiij. pulv.  
scordii, rutæ, zedoariæ ana ʒ ij. ss. The-  
riacæ ven. veteris ʒ iv. Philonii Turneri  
ʒ vij. gr. ij. misce, & cum spir. Theriac.  
ʒ iiij. & mellis de spumati q. s. Fiat Elect.  
molle, Dos. ad ʒ iv. vel ʒ ij. corroborand.  
adjiciendo corda, & jecinora vj. vipera-  
rum v. a. e. præp. N. B. in hâc similiter,  
ut & in cæteris Antidotis, diuturna fer-  
mentatio perquàm necessaria, ut se invi-  
cèm penetrent, & intimiùs associantur tot  
simplicia.

Sin verò alvus fuerit nimis cita,  
& lubrica, commodissimè exhibeatur

○

Lapis

Lapis Contrayerva, qui sic conficiendus.

℞. Pulv. radic. contrayerva rec.  $\mathfrak{z}$  j. serpentariæ virgin.  $\mathfrak{z}$  ij. ss. extract. radic. Angelicæ, tormentillæ ana  $\mathfrak{z}$  ij. pulv. CC. philosophicè calcin. chelarum Cancrorum præp. pulv. Corall. rubr. ana  $\mathfrak{z}$  j. ss. Antimonii Diaphoret. vel potius Diaphor. Jovis  $\mathfrak{z}$  iij. cuchiauellæ  $\mathfrak{z}$  ss. croci  $\mathfrak{z}$  j. (aliqui addunt lapid. bezoar. orien;  $\mathfrak{z}$  ij.) ambre gryf.  $\mathfrak{z}$  ss. cum gelatinâ spoliolum serpentum, vel C. C. fingantur globuli s. a. excicandi, Dos. ad  $\mathfrak{z}$  ij. vel  $\mathfrak{z}$  j. è vehiculo idoneo, &c.

*Huc insuper spectat Orvietano, cujus confectio hæc.*

℞. Cardui bened. totius eupatorii mai. & min. ana  $\mathfrak{z}$  ss. scordii, aristolochiæ utriusque ana  $\mathfrak{z}$  v. viperinæ, h. e. echii, gentianæ, bacc. Junip. bistortæ ana  $\mathfrak{z}$  j. bacc. lauri, tormentillæ, dictamni albi ana  $\mathfrak{z}$  ss. carlinæ, angelicæ ana  $\mathfrak{z}$  j. ss. rhabarb. imperatoriæ, scorzon. hispan. valerianæ ana  $\mathfrak{z}$  ss. morsus diaboli, calami aromat. ana  $\mathfrak{z}$  iv. Theriac. Androm. opt.  $\mathfrak{z}$  iij. corda,

da, & jecinora 12 viperarum, terantur terenda subtilissimè, & cum s. q. mellis despumati fiat Elect. per tres menses fermentand. Dos. ad 3 ij.

N. B. Hæc & consimilia *medicamenta*, sive *Galenica*, sive *Spagyrica* quorum *preparatio*, & *Digestio* non citiùs, quàm coquantur Asparagi, absolvi queant, ut sint *in promptu*, & *præ manibus*, expedit; ille enim τὰς μηχανὰς καὶ τὸ πόλεμον κομίζει, qui in *morbum peracutissimum* arma parat, haud ante spatium semestre acuenda.

Traditâ jam curatione generali, exacta regiminis norma, & Diætæ leges describendæ veniunt: *Correpti*, ubicunque loci illos invasit *Lues pestifera*, ocyssimè lectis committebantur; quos corpore nudato stragulis cooperire longè commodiùs, & magis beneficium experiebamur, quàm eos linteis implicare, eò quod omnes hoc modo lanati, sudoris profluvium alacriùs, & tutiùs subiêre, tum epoto à lodice lanari fluxu, tum corpore velut sudariis absterfo; è contra autem *termentaria* sicuti sudoris copiam minimè excipiendo erant, ita præ madore nimio paulò diutius tepentia, corporis spiracula tunc hiantia,



hiantia, velut *frigidi appulsu* firmiter consueverunt occludere, & obserare; idcirco cunctis taliter sudantibus *linteamenta*, & *indusia* mutare vetitum, neque minus detrimentum à *mundis indumentis*, non (prout Cl. Diemmerbrochii sententia fert) à *saponis qualitate inimicâ*, quàm ab *udore, mundarum vestium comite inseparabili*, & à *frigida aeris salutatio- ne* nullo modo vitandâ, unde *prohibita Diaphoresis*.

Nisi res ægri *potionem emeticam, purgationem*, vel *enema* præmitti exegit, illi mox ab introitu *lecti medicamenta* exhibebantur *Alexipharmaca*, quæ vomitu licet rejecta, ad tot vices iterabantur, quousque stomachus aliquantulum corroboratus, ea retineret, & amplecteretur; nempe ubi primum sudor copiosus emanavit, illud nausæam evanescere animadverti.

Quidam, vel ob temperamentum sanè siccissimum, vel ob summum incendii febrilis æstus succos valdè deprædantem, & corpus extorrentem, ægrè sudarunt, his serum cerevisiale medicatum affatim haurire indulsi, tum ut hoc pacto fluxiles redderentur humores lenti, tum quoque  
ut



ut calor exæstuans aliquantulum contem-  
perari, & restingui posset.

Lac è quo serum cerevisiale conficie-  
batur, alteratum erat cum duabus part.  
cerevisiæ non lupulatae, & tertiâ p. aceti  
opt. radic. Scorzonerae, petasitid. fol. me-  
lissæ, scabiosæ, lujulæ, flor. borrag. calen-  
dulæ ras. C. C. eboris, sem. cardui, & co-  
riand. præp. incoctis.

*Correptus* singulis vicibus ad 2. 3. plu-  
resve horas sudorem sustinuit, libratissimi-  
bus: *Diaphoresin* eousque provocavimus,  
dum *fuligines venesicæ*, primò *rarefactæ*, &  
*subtiliatæ*, simul cum *materiâ tenaci* discute-  
rentur: *Somnus* interim procul arceba-  
tur, quantumvis *lassundo* ægrum quodam-  
modò ingratis dormire coegerit.

Studio insuper consimili non minùs su-  
doris, quam *typorum qualiumcunque* spi-  
ramentis ad vires multum prostratas, &  
propè deficientes refocillandas (modò  
non impedierat fastidium) idonea admi-  
nistrari alimenta iussi viz. panem vino ferè  
inebriatum, ova forbilia (nisi stomacho alie-  
na erant) succo citri, granatorum, vel aceto  
sambucino immersa, item aquas Analepti-  
cas, juscula, gelatinas, atque etiam vina  
generosa.

*Jusculi præparatio*, viz. è pulli gallinacei brodio, incoctis radic. Scorzonæræ, fol. pimpinellæ, ulmariæ, lujulæ, summit. borrag. ras. C. C. Dactylis, cum frustulo panis alb. & tantillo croci in nodulo; pinguedo non separanda, nisi diarrhœa urgente, vel nauseante stomacho: de Auri incoctione non jam vacat disceptare; è dicto jusculo quandoque emulsio parabatur, viz. cum sem. citri, plantag. & amydg. excoctis addendo sacchari perlati q. s.

*Aqua de Cordibus Cl. Mayerni prius laudati.*

℞. Radic. carlinæ ʒvj. zedoariæ, scorzonæræ, imperatoriæ, gentianæ, vincetox. valerianæ, tormentillæ, bistortæ, petasitid. dictamni. bardanæ. pimpinellæ totius ana ʒiv. fol. cardui. oxytriphyll. scordii, ana Mv. ulmariæ, scabiosæ, morsus diaboli, melissæ, pentaphyll. menthæ, rutæ, buglossæ, flor. calendulæ, hyperici ana Miv. limones, & Aurant. cum corticibus ana numero xx. flor. salviæ, rorism. ana Mij. corda vervecina numero vj. corda viper. numero xx. vini generosi *Hispan.* lb xx. infusione deb, peractâ, fiat Distillatio

cauta

cauta in B. M. hujus Aq. Dos. ad cochl. iv.  
vel v. dulcor. (si ita visum) cum sacchari  
perl. q. s.

Cæterùm tandiũ ægri se cibo abstine-  
bant, usque dum aliquale à remediis Alex-  
ipharm: levamen persensissent; alimentũ  
quoque tantum solummodò assumere so-  
lebant, quantum *vigoris fatigantis* redin-  
tegrationi suffecerit: scil. instaurandæ e-  
rant vires, neutiquàm ingluvie opprimen-  
dæ: Convalescentibus tamen ad *diatam*  
*pleniorẽ* transire concessum: verùm ho-  
rulam unã, aut alterã à *cibatu* elapsã, quan-  
quam cuncta *Luis* symptomata mitescere,  
recedere, immò & extinctum iri vide-  
rentur; eò quòd hosti tam subdolo nulla-  
tenus fidendum, insidias sæpe perniciosissi-  
mas, simulatã fugã, disponenti, *medica-*  
*menta Alexipharmaca* ad tot vices itera-  
bam, donec vel ipsa malignitatis suspicio  
evanuerit.

Languentes per integrum morbi curri-  
culum lectis erant affixi; quotquot sanè  
hâc in re contumaces, & immorigeri,  
poenas luebant gravissimas præmaturæ, &  
temerariæ surrectionis, diaphoresi inhibi-  
tã, & veneno incarcerato, unde tormina,  
& dira pathemata.



*Lue pestifera* dementati nè lectum exirent fasciis injectis coercebantur, ne forent *ipsismet*, vel *administrantibus* injurii, quæ vincula non priùs soluta, quam ad se redierint phrenetici, & abscefferit ægritudo.

*Somnolentia* plerumque à primo decubitu, & sudoris eruptione obrepens, procul arcebatur; quæ tamen, spe triumphii incalescente, ad *vires refocillandas* quatientius indulta, non ultra quatuor horas protrahenda: quòd si altius, si diutius dormitum, excitatis demùm ægris, ad Antidotorum usum me recepi.

Alvo ex toto suppressâ, paroxismo etiam occidente, *enema* perquam commodè injiciebatur, è Decocto radic. Scorz. tormentillæ, & althææ, fol. Scordii, ulmaræ, violarum, flor. chamæmeli, & sambuci, sem. fænic. dulcis, anisi, dissolvendo vitellum ovi, saccharum rubr. Diascordii, vel theriacæ *London.* 3 iij. & quandòque ad irritandam festinantiùs *alvi* segnitiei addendo infus. croci metallorum 3 j. vel 3 j. ss. Reddito enemate, vel vinum generosum hausit ægrotus, vel cochl. aliquot Jul. cardiaci, vel Jusculum, &c. Quando



Quandoquidem *Spirituum languor* (quod suprà dictum) *Luis tum propa-*  
*gationi*, tum ejus *insolentiae*, plurimùm  
 contulit; ut commodum huic ma-  
 lo adaptaretur remedium, *odores gra-*  
*tissimi*, quibus *cerebrum* confortaretur, &  
 reficerentur *vires*, naribus assiduò admoti  
 erant, nunc ex aceto rosaceo in prunas  
 candentes effuso, nunc è pulvere styracis  
 labdani, &c. accenso; de quâ re paulò  
 post, omnibus cautè vitatis odoribus *cere-*  
*brum impetentibus*, utpote illi antipatheticè  
 adversis.

Hactenùs succinctè egimus de Antido-  
 tis, & languentium nostrùm regimine;  
 ad præsidia jam externa descendò, inter  
 quæ eminent *Indecua*, sive vesicantia;  
 Horum frequens, & prospera applicatio,  
 de eorum usu controversias variè agitas  
 diremit.

Vesicantia partibus variis admoveban-  
 tur, viz. vertebri colli, brachiis versus  
 humerum, cruribus, & suris internis; *vasa*  
 cujuscunque generis *calfacientia*, liquores  
*reddentia magè obsequaces*, & *fluxiles*, *na-*  
*turæ segnitiei extimulantia*, & unà cum  
*serosâ colluvie*, noxiisque humoribus per  
 ulcerum

ulcerum portas sat amplas miasmata pestifera  
 vi quidem inexpugnabili educentia, ut hic  
 taceam à partibus nobilioribus revulsionem  
 insignitè præstitam, atque derivationem  
 à vicinis.

Nutrix quædam incauta, quum cruri,  
 paulò infra bubonem inguinalem, admo-  
 vere teneretur ex meo consilio empla-  
 strum epispasticum, illud tumori superim-  
 posuit; quod experimentum primò for-  
 titum, postea in praxi sat prosperè  
 obtinuit; quo viz. pacto humor fugi-  
 tivus erat detentus, & suppuratio in meli-  
 us successit: hoc licèt nonnullis proficuum,  
 & salutare, à medicis tamen, chirurgisque  
 cautioribus fuit suspectum, inflammatione  
 ut plurimum partes circumquaque adja-  
 centes vexante, inde etiam nonnunquam  
 sphincteris vesicæ læsione, & impotentiâ,  
 utrum quoque oppressione ob summum  
 dolorem obvenientibus.

Ut celeritè, ut certò remedia vesican-  
 tia excitent vesicas, sint acerima omninò  
 expedit: Massa sequens in Praxi nostrâ  
 fuit admodum familiaris, & efficax.

℞. Picis navalis ʒ v. galbani colat. ʒ j.  
 ceræ ʒ j. ss. quibus simul liquatis, & ab  
 igne

ne semotis, adde pulv. cantharidum  
æp. 3 vij. vel 3 j. fermenti veteris, sem.  
neos ana 3 iij. euphorbii 3 j. cum aceti  
illit. q. s. incorporentur, assiduè agi-  
ndo, quoûsque cogantur in Emplastri  
assam: eventus ab hujus Emplastri ap-  
plicatione semper ex sententiâ cessit;  
arte cui admovendum erat hoc Em-  
plastrum aceto ad ruborem priùs fotâ,  
quò potentiùs se exereret vis ulcerato-  
a.

Ulcera excitata non citiùs claudi, &  
olidescere permittantur, quàm penitus  
extincta sit morbi malignitas; quam-  
brem ut exiccatio inhibeatur præpro-  
pera, emplastro è meliloto pulvere can-  
tharid. insperso loca iterùm, atque iterùm  
lucienda; unde novus *colluviei ichorose*  
fluxus: *inflammationibus* interim *dolori-*  
*cis* opportunè succurrendum, foliis bras-  
cæ ulceribus superimpositis.

Tametsi *emplastra epispastica* tot cor-  
reptis profint, & ingentem ab eorum usu  
ruciaturum abundè satis compensent mira-  
molumenta, & levamina; non tamen  
omnibus indiscriminatim admoveantur,  
utà ubi urget *urinae ardor*, ejusve *incon-*  
*tinencia*,



*tinencia*, ubi adest *sphincteris vesicae inflammation*, vel *ulceratio*, ubi *hemorrhagia*, si *mulier in utero habeat*, vel si *intestinis fluxus menstrualis*; postremò *vescantia* non applicanda in *summâ virium exolutione*. Hoc insuper memorabile, scil. *carbunculis*, vel *carbunculis* ad *suppurationem* *vergentibus*, *summâ cum cautelâ vescantia* esse administranda, nè forsan *avocatione*, *degradatione*, vel *nimiâ liquoris colliquatione* & tantum non *fusione*, quo *pus* confici solet, cætera medend conamina, & naturæ studia se liberandi in irritum cadant.

Præter remedia *Vescantia*, hæud per diti operis erit *emplastra* applicare *sub pedanea*, ego usus sum *empl. sequenti*, quod constabat è *massâ empl. de beton. comp.* adjecto frequentèr duplo *euphorbii*, *pulv. vere croci*, & *Theriaca Londin. empl.* hoc plus commodi ægris præstiter, quam *cataplasmata*, quæ tamen nonnullis magis placuere, & conflata erant è *radic. bryoniae* *aceto sambucino* *macerat*; *carni halebicum*, *sale marino*, *sapone nigro*, *foliis rutæ*, *scordii*, *ari*, cum *s. q. aceti* *acerrimi*: interdum *plantis pedum* admovebantur.



novebantur columbæ per medium sectæ.

Verum hæc, & reliqua ejusdem ordinis remedia non eo consilio applicabantur, quasi virtute attractivâ *seminarium pestilens* allicerent, quin potius *benefica* apud saniores habita erant, eò quod in plantis pedum, ubi eximia vasorum omnifariorum conglomeratio, calore *partes fovere valent extremas*, liquores reddunt *magis fluxiles*, & fermentabiles, calorem nativum scè morientem & extinctum exuscitant; atque hinc corpus universum ob consensum amicissimum vivificis delibutum influentiis: *Epicarpia* etiam iisdem de causis non omittenda.

Curatione *Pestis* generali summatim absolutâ, *symptomatum* magis peculiarium *medela* venit tractanda, ubi imprimis de *tubonibus*.

*Medentium* quorumcunque, tum *medicorum*, tum *chirurgorum* haud parùm interest, horum tumorum naturam, variasque conditiones in numero habere; ut *resenti* eorum fronte, & statû cognito, pro rerum occasione idoneæ parentur applicationes. Explorandum imprimis, an *Bubo mobilis*, vel *stabilis*? an *durus*, vel

vel mollis, & tactui cedens? an depressus  
vel in mucronem elevatus? an parvus, mag-  
nusve? an contractus, vel patulus, latius-  
que serpens? an cum cruciatu, & pun-  
ctiōe, vel indolens? an denique cum  
inflammatione, vel sine illâ.

Quotiescunque incertus & vagus est  
Bubo, ita ut vicissim emergat & dispareat,  
hinc illinc moliri convenit, qua-  
tumorem fugitivum evocare, prodeuntem  
determinare, & figere possent: hoc egre-  
giè præstat cucurbitularum applicatio, unde  
partium adenosarum, propter tumorem  
flammâ excitatum, permanens turgescen-  
tia; constrictione etiam vasculorum, tan-  
quam obice posito, liquorum suppurando-  
rum transitum impediēte.

Nos Bubonibus in ovo, & vix formati  
remedia adhibuimus discutientia satis va-  
lida, quibus tumor instabilis terga daret,  
& dissiparetur; & licet ad plures vices  
succrescendi institerit propensitas, hostem  
fugare non protinùs desperatum: hoc  
autem pro comperto habuimus, scil. ut  
qui veneni pestilentialis fluxum, reflux-  
umque pluriès patiebantur, ii non tam  
incorruptâ postmodum erant sanitate ac-  
agri

agri quorum *bubones suppurati & aperti*,  
pus copiosum excernentes.

Si *tumor durus, & dolorificus*, eò quòd  
partes *adenosæ aliquantulum laxandæ*,  
ut *amplum satis* extruatur humoribus  
undique confluentibus *hospitium*, par-  
tium affectarum instituatur *illinitio crebra*  
ex ol. liliorum alb. rosarum, sambuci, &c.  
si modò *inflammatio* oleorum usum non  
dissuadeat, quâ autem præsentè, *Unguenta*  
*Oleaginosæ*, & *pinguia* valdè suspecta, ut-  
pote *poros constipantia*, & indoli *Luis*  
*nitro-salinæ* adversissima: *inflammatione*  
igitur partem aliquam occupante, quod  
collectu facillimum ab *ejus calore & colore*,  
præstat mucilaginem è sem. lini, & fæ-  
nugræci cum aceto sambucino, & tantillo  
theriacæ *Lond.* parti affectæ admoveere, vel  
Cataplasma è farinâ tritici, sem. lini, fæ-  
nugræci, flor. sambuci, micis panis albi,  
vitello ovi addito, & pulvere croci.

*Senatus Medicus Londin.* bubonibus  
medendis nullam non manum, & opem  
adhibuit; nonnullas *cataplasmatum* for-  
mulas in Libello prænominato traditas,  
atque aliquas usu quotidiano comproba-  
tas hîc proferam.

R. Cœ-



℞. Coepam majusculam, quam v. a. e. excavatam imple summit. rutæ deb. exiccat. & pulveriz. ʒ ij. indantur etiam theriac. Lond. ʒ iv. foramen operculo suo obruretur, coepa deinde chartâ bibulâ involuta sub cineribus affetur, cui adde ficum methodo eâdem affatam, cum ol. lini, liliorum alb. ana q. s. simul macerentur, & conficiatur *cataplasma*, applicandum calidè, bis de die immutandum; quod etiam efficacissimum ad morsus venenatos.

Vel,

℞. Fol. rutæ, scordii contus. ana M ss. medullæ carnis ficuum ʒ ij. flor. meliloti p. ss. salis marini pulveriz. ʒ iiij. fermenti veteris ʒ ss. cum s. q. aceti, paratur *Cataplasma*.

Vel,

℞. Rad. liliorum, althææ, cum aceto macerat: ana lb ss. sem. lini, fœnugræci ana ʒ ss. carnis ficuum ʒ iiij. confectioinis finapi, cum theriac. ana ʒ ss. axungie suillæ q. s. F. *cataplasma*. Vel juxta expertissimum Mayernum, à quo medicinæ fundamenta & praxin hauri.

℞. Succ. apii ʒ ij. melissæ ʒ j. pimpi- nellæ



nellæ ꝯj ss. cæpas majores Numero duas, ad intenerationem, sive putrilaginem sub cineribus cautè assatas, aliorum bulbos Numero vj. clavos juglandium maj. vetust. Numero iiij, tritis alii bulbis, & clavis, affunde succos, tum adde Cæpas, in mortario marmoreo cum aceti scillit. q. s. agitentur, & cogantur in Cataplasmatibus consistentiam.

*Tumoris autem duritie, dolore pungitivo, & intensissimo Calore plurimùm invalescentibus, remedia duritiem resolventia, & virulentia ferociam demulcentia, aliis admiscere oportet. ex. gr.*

℞ rad. liliorum alb. ꝯij, porrorum, medullæ carnis ficuum ana ꝯj, sem. lini ꝯ ss. flor. Sambuci, meliloti ana p. ss. micarum panis alb. ꝯ ss. coq. in s. q. lactis, addendo sub finem ol. ros. liliorum alb. vel sambuc ana q. s. ut F. Cataplasma.

Vel, ℞ fol. Scabiosæ, acetosæ ana M ij, chartâ bibulâ involut. & cineribus scintillantibus subditorum, quibus adde fermenti veteris ꝯ ij, salis tantillum, agitentur probè in mortario cum s. q. axungiaë mullæ, ad usum præmemoratum: Ne in

P infir-

infinitum abiret hæc narratio missas faciam innumeras *Cataplasmatum* formulas à medico prudenti pro te nata excogitandas.

Non tamdiu *Suppurationem* expectavimus, usque dum suapte sponte *disrumpere* tur Bubo, ubi dolor, & reliqua *Symptomata* sanè truculentissima assiduò citra remissionem duraverint; præter *Spiritus languentium* inde dissipatos & vires manifestò prostratas, male metuimus nè *sanies pestilens* introrsum regurgitaret, quin & orificium futurum pus evacuandi prorsus incapax, locoque incommodo apertum; idcirco *ichorem*, utcumque crudiolem, vel *scalpello* (quod expeditius) effudimus, vel ad mortificationem partis affectæ præcavendam *cauterio potentiali applicito* illum eduximus: verum sæpenumerò haud dissilaneum à ratione visum, *caustica* leviora remediis digestivis immo, & *maturantibus* admiscere.

*Cataplasmatum* licèt usum commune omnium suffragium egregiè beneficum fore pervaserit, calorem nempe *naturalem languentem*, & propè extinctum mirè excitantium; partes circumquaque vicinas humectan-

*humectantium, cutivè insuper dilatantium, humores deinceps acres contemperantium, & demulcentium; quoniam verò ab iteratâ eorum renovatione plurimùm detrimenti ægris accidisse observavi, sequens ceratum illorum vice substituere placuit.*

℞ empl. Oxycrocei ℥ iij, galbani colat gum. carannæ ana ℥ j, picis navalis ℥ ij, è liquatis simul cum ol. chamemeli, & liliorum, v. a. e. F. massa pro empl.

Ausus sum asserere empl. hæc plus milles chirurgica manûs vicem supplevisse, quæ spacio triduo, aut sepiùs immutabantur: Verùm apertio Bubonum artificialis multò auspiciatior habita, viz. parte tumoris decliviori, & prominentiori dextrè vulneratâ; vasis interim majoribus, musculisque salvis.

Quocunque modo disruptis, vel incisis bubonibus ad ulcus abluendum, & detergendum, lixivium paratur è cineribus cordii, betonicæ, bugulæ, faniculæ, &c. dissolvendo q. s. theriac. Londin. mixtura autem sequens huic muneri accomodatissima, constans scil. è rad. aristoloch. rotun. pyrrhâ, aloë, & croco infus. & solut. in sp.



Vini s. q., colaturæ addendo tantillum ol. terebinth. Porro ad *promovendam digestionem, & putrefactionem inhibendam* Cataplasma seq. conficiatur, viz.

℞ mellis ros. ℥ j, terebinth. cum vitello ovi solut. ℥ ss. theriac. Lond. 3 iij. farinæ tritici ℥ ij ss. cum ol. hyperici & sambuc. ana q. s. coq. in Cataplasmatibus consistentiam : Vel.

℞ ung. basilic. p. duas, linimenti Arcæi p. Tertiam, ol. terebinth. 3 ss. M. S.

N. B. Detergentia nequiquam usurpanda, nisi ulcus sit sordidum.

N. B. Ad *sedandam doloris vesaniam, & inflammationem tollendam*, opiata, & repellentia censenda omninò perniciosissima, viz. *venenum pestilens*, tergiversari, & se intùs recipere cogentia; quin & partibus ab eorum usu plus nimis refrigeratis impendere *sphacelationem* quis ignorat?

Ulcus non priùs claudendum, quàm ab omni sorde penitus expurgatum fuerit, & cuncta prorsùm cessaverint *Symptomata*.

N. B. Multiplici quidem observatione mihi constitit *ulcera hæc veneno devicta*, &



extincto, citiùs multò, tutiùsque sanata fuisse, quàm cætera. à causis aliis quibuscunque oriunda: In *curationis interim administratione* benè cautus sit *Chirurgus*, nè tumor callum labiis obducatur, haud levi negotio extirpandum: ulceris probè mundati foveæ hiantes *Sarcoticis* repleantur juxta methodum vulgarem. Nè eandem cantilenam sæpe occinam, *Parotides* simili ritu, ac *Bubones* tractandæ.

Hiscæ velut per transfennam spectatis, narrationis filum me proximè ducit ad *Carbunculorum* medelam; cum itaque (uri suprâ monstratum) *Anthraces* è *lixivio pestilentiali* in varias corporis humani partes propulso, & illas causticante suborti fuerint, ad tres potissimùm scopos collimare *Chirurg.* interest.

1. Vigilantè prospiciendum, nè latè nimis serpat *Carbunculus*, *Gangrænæ* instar superexcurrentis, & nesciens cancellos.

2. Tentanda quamprimùm *Carbunculi* separatio.

3. *Ulcus* dextrè consolidandum.

Primæ satisfaciunt intentioni remedia, quæ fortuitam pororum referando

Constrictionem, aliqualem egressus veniam particulis veneficis concedunt; item quæ ardorem lenire, & calorem naturalem sufflaminare, & tueri valent.

Verum *Curatio Anthracum* juxta illorum indolem, progressum, & partis affectum instituenda alia, atque alia; nunc mitius, nunc asperius eos tractare expedit.

Minimè incommodum erit *Cataplasma* ex allio sub cineribus assato, cum fuligine, theriac. Lond. & ol. terebinth. Vel,

& fermenti veteris ꝯ ss. allii assati ꝯ ij. stercoreis columbini ꝯ j. confec. Sinapi ꝯ v. euphorbii ꝯ ij. cum s. q. saponis nigri F. *Cataplasma*. N. B. In horum *Cataplasmatum* applicatione utpote acerrimorum, cautela quidem summa adhibeatur, nè dolor ab eorum usu auctus sit impatibilis, ne humores colliquantur, & in partes debiliores secernantur, & deponantur, nè demùm hoc pacto eschara figatur.

2. *Eschara* nondum decidua, ubi etiam nulla inchoate separationis vestigia, unguenta, & oleaginosa neutiquàm probanda; Carbunculo autem scintillante, & latius disse-

*disseminato, ad remedia acerrima transire haud inconsultum; neque sexus mol-  
lissim. nec tenella ætatis misereri convenit; aliquandò cucurbitularum sat capacium  
glutinatione virus pestilens evocandum, scarificatione etiam celebratâ, vel empl.  
epispasticis Anthraci admotis; & nonnun-  
quàm orthopygiis gallorum deplumatis ad  
tot vices iteratis, usque dum admoti galli  
perstiterint superstites, blando nimirum, &  
vitali calore seminarium morbiæcum resol-  
vente, illique exitum per aperta cutis spira-  
cula faciente; columbæ etiam per medium  
sectæ, & pulmones ovini efferam morbi ty-  
rannidem sedare valent.*

Cæterùm in escharâ amovendâ, tum igne,  
tum cultero res peragatur: Cauteris cotu-  
alibus nil sanè efficacius comperi; quâ in  
re à more Nostratium nè latum unguem  
discedere volui, qui prout Cl. Johannes  
de Concoregio refert p. 39. ferro candente  
*Anthraces ignire consueverunt.*

Huic operationi peragendæ commoda  
sint ad manus instrumenta, fibulæ instar  
aliquantulùm mucronata; quibusdam in  
usu *νευσιπύρεστα*; à parvis vix aliquid emo-  
lumentum, sint itaque amplissima univer-  
sum



sum *Anthraxis* ambitum simul, semelque amburentia; quin & ferrum tollere nefas, dum ægri *ustulationem* persenserint; sed ad promovendam *escharæ* sequestrationem *ignitio* in centro sit profundior.

Plurima licet sunt, hinc pauca referam accepta ab igne beneficia, hinc sci. partium affectarum, atque adjacentium, utique debilium firmatio, atque Corroboratio, hinc vasculorum laxatorum adstrictio, hinc miasmatum tenuiorum, & subtilium rarefactio, & evaporatio; virulentia pestiferæ exiccatio, & exquisita correctio, hinc denique caloris languentis exuscitatio; nè plura dicam, hæud dispari eventu pruna pestilens igni cedere solet, ac à ferro candente admoto morsus, vel ictus venenati sanantur.

Ad Cultrum quod attinet, reverà correpti non minora ab illo, quam ab igne adjumenta accipiant; presertim si vulnera inflicta ad radicem usque, & centrum Carbunculi penetraverint; hinc expeditior *escharæ* elevatio, & ejusdem separatio: ubi quandò tardus animadvertitur *escharæ* casus, nè ventilationis defectus gangrænam inducat, adminiculum hinc summè oportu-



portunum habeatur, viz. *Anthracum im-*  
*marginatio*, cruoris effusionem longè peri-  
 culosissimam vitando, à temerariâ, & si-  
 nistrâ venarum, præcipuè arteriarum  
 sectione, prout suprà monitum.

*Separatione* quocunque modo *inchoatâ*,  
 nimirum vel *suapte sponte*, vel *ignis*, aut  
 cultri ope; pensi sit proximi *carbunculum*  
 delibrare, *frequentissima* itaque ex butyro  
 recenti, ol. sambuc., vel liliorum alb.  
*illinitio* instituatur. *Eschara gradatim*,  
 & non præproperè *laxanda*, sci. expectatâ  
 aliquandiù ejus maturitatē. Post *An-*  
*thraxis decorticationem*, tabi *evacuationem*,  
*usumque mundificantium remediorum*, &  
*ulceris digestionem* auspicari rerum ordo  
 suadet, cæteris juxta methodum in bu-  
 bonum Curatione traditam Cautè præstitis.

Postremò *incarnatio sensim inducenda*,  
 & *ulcus tardè consolidandum*, quo festi-  
 nantiùs clauso, haud infrequens *veneni*  
*pestilentialis reliquias quasdam subindè va-*  
*gas*, & plerumque *exitiosas evadere*, hoc à  
 casu præmemorato, aliisque collectu fa-  
 cillimum.

Quoniam verò loca *Carbunculis* adorna-  
 ta à confluentibus affatim humoribus mun-  
 dari

dari nequeant, unde curatio tarda, & quandoque improspira, remedia circumquaque defensiva affigantur, quæ partium constringere laxitatem, vasa obstructa referare, & pristinum liquoribus transitum præbere, quæ demùm spirituum, & caloris fugam sistere, possent: Quod si, cautelâ licet adhibitâ, sphacelatio immineat ad seq. illicò embrochationem confugere oportet.

℞ cinerum absynthii, scordii, cardui, centaurii min. ana ℥ iij è quibus paretur lixivium, indendo flor. chamæmeli, sambuci, meliloti ana M. j. liquoris limpidi ℥ ij, adde spir. vini opt. ℥ ss. dissolve theriac. Lond. ℥ ij, M. S. pro fotu p. affectæ bis de die, quàm calidissimè, exin Cataplasma conficiatur è theriac. Lond. cum Elix. proprietatis.

Tandem aliquando, ut colophonem huic Sectioni imponam, in quâ controversiarum scopulos, nè prolixior essem, de industriâ evitavi, paucis animadvertente liceat, quàm benè à Republica merentur experti, & fideles Chirurghi, horum quippe grassante pestilentia provincia perquam ardua, & periculo plena; utpote quibus

bus tumorum, ulcerumque pestilentium  
 mandata curatio: manu sci. Chirurgicâ  
 ferrum ignitum frequentissimè admo-  
 dum, colluvies bubonum contagiosa tra-  
 ctanda, Carbunculi indies extirpandi,  
 Sphacelationes etiam tollendæ. Quan-  
 tumvis autem nonnulli in munere fun-  
 gendo vitâ ipsâ defuncti, alii intrepidè  
 Spartam ornârunt, in quodlibet discri-  
 men accincti, qui tamen incolumes  
 evaserunt, non minùs Providentiæ be-  
 neficio tuti, quàm animi Constantiâ  
 securi.



## SECTIO OCTAVA.

### *De Pestis præcautione.*

Quandoquidem longè consultius est, *invasionem pestiferam* fugere, quàm *impetuosos*, immò & plerumque *lethales* ejus sustinere *aggressus*, præservatione periculi protinùs experte, spe interim dubiâ victoriæ; non tantùm caracteribus *Naturæ* primitùs, & altè impressis, sed exemplo, & communi *omnium sapientùm* consilio admonemur, adversus luxuriantem *morbi Carnificinam* nosmet munire, & minimè *Gentium* cervices *funestissimi liçtoris* securi supinâ, & ultro-neâ deditione amputandas tradere.

*Pars hæc prophylactica* (ut dicenda hîc quoque abbreviem) tum *magistratûs Generale munus*, tum *Individuorum tuendam complectitur Sanitatem*; *Magistratûs* nempe interest, ut naturâ, & peculiari in-

dole



dole morbi à Medicis proditâ, & delineatâ, *Leges Publicæ* conscribantur, quibus saltem *Luis diffeminatio* inhiberi queat, si non *ejus extinctionem* assequi datum.

Imprimis igitur *lase Majestatis* crimine insimuletur, qui *vaticiniis fictis*, *rumoribusque inanibus* passim diffatis, *plebem calamitatis* mirè credulam, metu, & terrore *pestis imminantis* concitabit; hinc *Luis nupera propagatio* tam manifesta, ut plura super illâ re profari dubitantis esset.

Tempestivâ insuper cautelâ *domorum infectarum* occlusio præcipienda, à liberâ enim *sanorum*, & *correptorum* societate citatissimus *pestilentie* progressus. Justa exequiarum publica interdican- tur: quinetiam conventus quicunque, hominumque frequentia vitetur: nec non prohibenda usque ad confectum quadragessimale (sicuti inter Gentes obtinuit) *Commercia*.

Quanquam *Stratagemate* ullo, consiliove vel sanissimo *Causæ Universalis* influentiam evitare, vel oppugnare in desperatis sit habitum; veruntamen jure naturali, & intimâ nosmet conservandi im-

222 *De Pestis præcautione.*

impressione tenemur, *Studia, & operam publicè, & privatim* impendere, ut *pestilentia vis, & malitia* infringi, & obtundi possiet.

Duorum è quâvis parochiâ *sanitatis Inquisitorum* constitutio, *Senatorum* sapit *prudentiam*, quorum hoc muneris, viz. singulis aurois domesticatim, ut omnes valeant, fiscitari, & valetudinarios detegere.

In aeris autem expurgatione, tum *Majores*, tum *posteriores* multum sudarunt, constitutione pestilentiali invalescente illum substantialiter corruptum opinantes; cum tamen Aer (quod è supra dictis illustrissimum) sit *miasmatum pestiferorum vel hospitium*, vel cribri adinstar iis huc illuc agitatis transitum solummodò præbeat, non tam suimet gratiâ, depuratione, & emendatione tantâ opus habere videtur, quàm ratione labis associatâ.

*Particulæ* quidem *nitroaeræ pestilentes* per aeris *vectæ* porositates, sæpenuerò vel mutatâ aliquantulum earum figurâ, vel ventilatione deficiente, in iis aliquandiù morantur, stagnantque, & unâ cum aere inspirantur; hinc ob utrorumque com-  
mix-

mixturem intimam, & velut confusionem à labe communicatâ de aeris corruptione suspicio injecta, sed de his suprà egimus; utcunque se res habuerint, consensu omnium conspirante, & velut conflato, *Aeris emendatio instituenda.*

Vera aeris purgatio in duobus potissimum consistit.

1. Ut inquinamentum pestilens à sede excutiat; hùc conferunt *Venti insolentes*, præsertim *Aquilonii*, *Salutares dicti*, quin & tormenta bellica majora sub vesperam, & auroram explosa; particulas veneficas non solum explosionis vi dimoveri, atque etiam ab agitatione tantâ illarum figuras unâ cum aere diversimodè alterari, quarum deinceps comminutio & dissipatio expeditior; verùm *nitri & sulphuris* combinatione intimâ *salinam seminarii pestilentialis qualitatem* emendari, est res sanè compertissima.

2. Summum studium impendere oportet, ut *virus pestilens reddatur protinus inefficax, & inerme*; hoc unicè præstant *suffumigia appropriata*. Ignium in plateis competitisque accensionem ab *Hippocrate medicæ artis oraculo* Posterì didicerunt; quos non-



224. *De Pestis præcautione.*

nonnunquam prodesse autumo, non (ut à quibusdam traditur) *humiditatem pestiferam* absorbendo, sed potius *fumum nitrosum* quaquaversum copiosè evomendo, unde *effluviolorum pestilentium* subita transformatio; satius itaque duco ut *ignes è lignis odoriferis, & resinosis* extruantur, qui *clarum, & pinguem* projiciant *flammam sci. è ligno Juniperino, abiegno, querno, fraxineo, ulmeo, avellaneorum, &c.* non autem è *Carbonibus sulphur impurum, fætidum, & suffocativum expirantibus.*

*Edicto* insuper *Prætoris*, plateæ, latrinæ, & domorum canales ab omni sorde indies multo mane eluantur; quemadmodum *fætor, & spurcities* meritò insigniuntur *Pestis domicilia*, ita ab odoribus *terribis, & graveolentibus*, inde prodeuntibus, *aerem* quandoque *contaminari* experimur, saltem *labes contagiosa* ab arctissimo *mali utriusque* conjugio perniciosior evadit, & magis diffusiva.

Verùm ut strictiùs de *suffumigiis*, *agam*, quibus *aer corrigendus, & ædes*, quæ *vitium fecerunt, rehcienda*, ex iis conflentur, quæ vel *amicâ, & vivaci suaveo-*  
lentiâ



lentiâ spiritus languentes, & prostratos recreent, erigant & confortent, odores quippe gratum spirantes spirituum sunt velut pabulum, & vita; vel ex iis quæ gummositate, seu viscositate pingui miasmata venefica, & aculeatâ irretiant, implicent & obtundant; Vel demùm ex iis quæ vapore nitroso quamlibet impuritatem arcere, vel transmutare valent.

Cæterùm non inficior odores ingratos, & graveolentes viz. cloacarum, hircorum, &c. suavibus interdum magis prodesse, eò quòd spiritus retinent, & figunt avolaturus, copioso utique exhalationum salinarum effluxu illos ab infectione & quâvis injuriâ liberant.

Ut hæc in Classes suas diribeam,

*Simplicia Prime Classis,*

Moschus, Zibethum, Amomum, Thymiana, Lavendula, Rosmarinus, Rosæ, Angelica, Majorana, Cariophylli, Lignum Rhodii, Lignum Aloës, &c.

*Secundæ, E lachrymis & resinis pingui-*  
bus, scil. Thus, Benzoin, Styrax, bdellium  
Labdanum, Pix, Sagapenum, Myrrha, &c.

*Tertiæ, Sulphur, & Nitrum de quibus*  
infra. Postremò, ut omnis occasio Luem

Q.

pro-

propagandi amputetur, hæud perperam à magistratibus imperandum, canes, feles, etiam & columbas interfici; nè forsan animalia hæc hùc illùc passim divagantia, & aves circumquaque volitantes unà secum apportent semen pestilentielle, & sint contagii traduces.

Tametsi Latores, & Adjutores Legum nuperà pestilentialià gliscente in munere obeundo oculatissimi erant, & strenui, Lues tamen immorigera cædibus non temperavit: cùm itaque magistratûs consilia & ultima conamina prudentiæ licèt, & fidelitatis plena, pestis tyrannidi coercendæ non satis fuerint, Individuorum munitio sollicitè admodum attendenda: prospiciendum primò, ut omnia ociùs amoveantur, quæ corpora nostra disponunt, & quasi adaptant ad labem pestilentialem suscipiendam, tum consulendum, ut corpora omnimodè firmentur, quò miasmatum veneficorum impetus fortitèr sustineant.

Nescio sanè grandius piaculum, quàm corpus non mundare, & omne superfluum non tollere, instante autem constitutione pestilentiali, evacuationes præcipuè universales cautè instituantur.

Si

Si *plethora vera* apertionem venæ suadeat, sanguis detrahatur, sed ex orificio angustiori, copiâ minori, vicibusque partitis effluat: *corpus cacoehymicum* ruptâ morâ ab omni excrementorum, & humorum colluvie liberandum: suburrâ humorum congestorum ventriculum, primasque vias obsidente, *præmittenda potio emetica*, vel vomitus excitetur ingurgitatione affluâ posetalæ fol. cardui & scordii incoct. dein intestinorum fæces eliminentur, cui usui commodè inserviat massa sequens, unde F. pilulæ.

Salis Tart. ʒ ij. F. Solutio in spir. vini opt. ʒ ij. tum adde guttæ gambi ʒ iv. peractâ solutione evaporetur spir. tum adde colocynth. cum urinâ præp. ʒ ij. scammai, Sulphurati ʒ j. Aloës, rosatæ ʒ ij. trochisc. de rhabarb. rec. ʒ iv. gum. ammoniaci in aceto, scil. soluti ʒ j. salis absynthii, cardui ana ʒ j. ol. carui gutt. viij. cum f. q. Syr. de rhamno F. massa, inde pilulæ min. formentur, Dos. ad ʒ ij.

Valent etiam Grana Angelicæ, ext. pilul. Ruffi, item Antimonium purgans, &c.

Humoribus vitiosis, coinquinamenti pestiferi



228 *De Pestis præcautione.*

*Sliferi* illecebris, commodè expurgatis, quidni Antidotorum usus auspiciator?

*Urina* nè sit ullatenùs suppressa; error minimè patrandus in rerum sex non naturalium administratione; corpus transpirabile reddendum; tonus viscerum & membrorum confirmandus; inedia semper infesta vitetur; bonaque victùs ratio instituatür *Καταρίον, & ῥῆμα*; & quemadmodum cibus eligendus boni succi, excrementi pauci, facilisque concoctionis, ita condimenta quædam aliis anteferenda; embammata, scil. hedyismatis ex. gr. succi acetosæ, limonum, aurantiorum, granatorum, fructus è Berberi cond. Quinetiam non immeritò laudantur epetyrum, capares, uti & encrasicholi. Indulgendum quâvis mensâ *vini Hispan.* momentum, cuius virtutes mox propalabo: Cuiuspiam exire foribus, præcipitante in occasum die sit vetitum.

Ut dicta paucis complectar, omnes universi corporis succi in statu naturali, motûs æqualitate, fraternâ particularum quarumcunque unionem conserventur, neque in furorem, & orgasmum adigantur, rarefacti nimium, & exaltati, vel ob mixtionem



*De Pestis præcautione.* 229

tionem heterogeneam, nec vappescant, & degeneres evadant, ob depurationis defectum, & congestas sæculentias.

Accuratus autem regimen ex aliorum libris suppleri queat: ad Antidota jam deventum.

*Electuarium Antipestilentielle Insignissimi Mayerni.*

℞. Juglandium virid. ℥ ij. ficuum, prunorum ana ℥ j. macerentur in aceto, & pulpa trajiciatur, cui adde pulv. subtiliss. rutæ ℥ ss. viperinæ *Virginianæ* ℥ j. ss. rad. contrayerva ℥ iij. petasitid. zedoariæ, ana ℥ ij. ss. sacchari perlati ℥ j. Syr. è succo Kermes ℥ j. Syr. calendulæ, cariophyll. ana q. s. ut F. Elect. molle, addendo fol. Auri 40, Dos. ad quantitatem nucis Jugland. maj. mane, & vespери.

*Elect. alind in usum pauperum.*

℞. Conserv. lujulæ, galegæ ana ℥ ss. calendulæ ℥ j. Theriac. Londin. ℥ iij. boli armen. vitriol. ℥ iv. cum syr. limonum q. s. conficiatur Elect. Dos. ad ℥ ij. vel iij.

*Confectio Antipestilentialis.*

℞. Radic. scorzon. Hispan. petasitid.  
 contrayerva ana ʒ ij. helenii, tormentillæ  
 ana ʒ ss. angelicæ, chelidoniæ, mai. ana  
 ʒ j. ss. bacc. Junip. præp. ℥ ss. summit.  
 rutæ p. j. sem. cardui, citri ana ʒ ij. qui-  
 bus præp. affunde p. duas aceti sambuc.  
 & tertiam spir. vini opt. infusione peractâ  
 & expressione, liquor igne lento evapo-  
 retur ferè ad mellaginem: extracti ℥ j.  
 adde theriac. Londin. ʒ ij. ss. boli arm.  
 terræ sigillatæ ana ʒ j. flor. sulphuris  
 ʒ v. succi Kermes ʒ ij. conserv. luj-  
 læ ℥ j. cum syr. limon. q. s. F. Elect. mol-  
 le, Dos. ad quantit. nucis myristicæ mai,  
 ter, vel sæpius de die.

*Pilulæ Antipestilenciales.*

℞. Extract. rad. helenii, angelicæ, con-  
 trayerva ana ʒ j. adde extract. alb. gly-  
 cyrrh. ʒ iiij. flor. sulph. ad quatuor saltèm  
 vices sublim. ʒ ij. C. C. philosoph. calcin.  
 sem. citri pulveriz. ana ʒ j. ss. salis scordii,  
 absynth. ana ʒ ij. cum s. q. picis liquidæ  
 F.

*De Pestis precautionione.* 231

F. massa pro pilulis, Dos. ad 3 ss. vel 3 ij.  
mane, & horâ somni,

*Elixir Proprietatis Antipestilentiale.*

℞. Croci Angl. opt. 3 ss. extrah. tinctu-  
ram cum aq. ulmaria, scabiosa; cardui;  
vel melissæ s. q. additis spir. sulphuris ali-  
quot guttis ad leuiusculam aciditatem :  
liquor per chartam emporeticam agatur ,  
in colaturâ ad lentum B. calorem dissolve  
Aloës pellucidæ è vesicâ 3 iv. per satace-  
um linteum haud ita rarum trajiciatur li-  
quor ; deinde F. condensatio ad eundem  
calorem, acquisitâ pilularum molliuscu-  
larum consistentiâ, adde myrrhæ purissi-  
mæ 3 vij. flor. vel magisterii præcipit.  
Benzoin 3 iij. salis C.C. 3 ij. cum syr. fam-  
buc. q. s. F. massa unde pilulæ formen-  
tur, Dos. ad 3 ij.

*Tabellæ Sublinguales.*

℞. Extract. rad. angelicæ, & contra-  
yerva 3 j. extr. alb. liquiritiæ 3 iij. flor.  
sulphuris myrrhat. h. e. cum myrrhâ sub-  
lim. 3 v. ol. cinnam. gutt. viij. saccha-  
rum



rum crystallin. ad duplum omnium pondus, cum mucilag. gum. tragacanth. aq. scordii parat. q. s. F. Tabellæ parvæ subling.

Solebant nonnulli quovis mane nucleum unum, aut alterum Allii Hispan. vel Angelicam condit. deglutire; alii comederunt nuces Juglandes immaturas pariter conditas.

*Hauftus sequens magnarum virium habitus.*

℞. Aq. rosar. rubr. camphoratae ℥ ij. aceti opt. ℥ j. in quibus dissolve bol. arm. opt. ℥ ij. adde syr. scabiosæ simpl. ℥ iij. M. S. F. haustus.

Vetulæ quædam ægris inservientes, (quod ab ipsismet accepi) Antidoti vice, proh turpitudinem! stercore humano utebantur; cujus secretum philosophicè præp. plurimum valere non is sum qui negem.

Aliis Urina quotidie epota mirè profuit: tametsi tot his, consimilibusque remediis muniti, velut paludati, intrepidè in aciem pestiferam incesserint, omnes



omnes tamen admonitos velim, nè præcipitantèr, neque ex officio, neque ex summa necessitudine coacti, apertissimum vitæ discrimen adeant.

N B. In medicamentorum prophylacticorum usu hoc annotandum, viz. remedia adstringentia cujuscunque ordinis, nempe bolus armen. terra sigillata, lemnia, corallium, &c. minimè exhibeantur virginibus, & sæminis, lunare tributum soluturis, nè obstructions, & affectus gravissimi inde exorti, periculum ruinæ struant: Remedia insuper non minùs improbanda, quæ purgationes has, sanguinem attenuando, & intempestivè venas uterinas referando, proritare valeant: postremò veluti in curatione, ita in præservatione, Anni tempestas, sexus, temperamentum, ætas, &c. sedulò perpendantur.

Priusquàm gressus aliorsum dirigo, mihi, ut encomia Vini Generosi Hispanici cohcelebrem, gratitudo imperat; utpote inter Antidota jure merito locum supremum merentis, siye vinum hoc fuerit simplex, & merum vinum, siye absynthio, angelica, &c. imprægnatum; nihil quippe hætenùs quidquam repertum nervoso generi,

234 *De Pestis præcautione.*

generi, & spiritibus præsidium magis amicum.

Verùm hìc *Vini censuram* facere permittatur; sit itaque vinum ad altum h. e. *etatis mediæ*, non novitium, non vetustate edentulum, sit *homogeneum*, non mixtum, non castratum, sit mite, sincerum, non coacescens, non corruptum, sit *ingentium virium*, saporis equalis, & vivacis, non infirmi, non languidi, sit *odoris simplicis*, gratissimi, velut *Juglandium recentium*, sit minimè ponderosum, in effusione tripudians, inter bibendum nares feriens, & oscula figens labiis, igni admotum ocysimè evolans, nulla post se relinquens sæculentiæ vestigia.

Profectò maxima *vini hujusmodi* vis tempore illo fatali, tam à sanis, quàm à correptis cum prosperis omnium rebus e-pota erat, nisi illorum qui *intemperantiæ* semet addixère: plerique hauserunt *vinum medicatum*, ex herbis variis *Alexipharmacis*.

Superest jam, ut de *Peto* paucula hìc subnectam, cujus eximiæ dotes, tum à *Cl. Diemerbrochio*, tum ab aliis magni nominis *Viris* laudibus cumulantur: Si tamen opiata *Hyoseyami* hujus occidentalis qualitas

qualitas spectanda, sive ejus oleum trutinandum, unâ cum vapore, minori licet quantitate haustum, summè veneficum, vel evacuatio *salivæ*, proh nimis prodiga! ad varios à Naturâ usus destinata benè perpenſa fuerit, si denique ratio habenda motûs violentioris Pulmonum in ſuctione pæti exercitatorum, à crebrâ inspiratione debilitatorum, præter *miſmatum peſtiferorum* ſimul cum dicto Antidoto ad ſe intûs recipienda propenſitatem, præter incommodam ſuffitûs graveolentiam; præterquàm quòd (uti ingenuè fateor) mihi pæti inflatio non placet, res, (per me licet), incerta hæreat, an *proſicua*, vel *noxia nicotiana*, cujus vice vinum Hiſpan. ſubſtituere ſolebam.

Ad externa jam progredior præſidia, ubi imprimis de *Periaptis*, & *characteribus* dicendum erit: certè non eſt heſternæ, & recentis machinationis, *Amuleta* diverſimodè concinnata, variis corporis partibus alligare: quâ autem polleant virtute hæc remedia, detur copia diſquirendi; dein è quibus conficiantur, ultimo effectus proferre liceat ab eorum uſu, & applicatione notabiliores.

Natu-



236 *De Pestis præcautione.*

*Naturam Univerſalem, ſive Animam* Mundi corpora nonnulla magis affectare; & in iis *magnetifmum* imprimere *diffuſivum* quorundam fert *Opinio*; & *myſtæ* corpora hæc probè cognoscentes ex iis ſe poſſe *Periapta* influentiæ prævalentis conſingere exiſtimant, *virus* vel *peſtilentiale* fugantia. Alii ſuſplicantur *venena quædam*, tum *naturalia*, tum *artificioſa* extrinſecùs applicita, ſympathiâ quâdam, quicquid *naturæ humanæ* adverſum, & noxium, ad ſe (ſtraminis inſtar à ſuccino attracti) allicere, & id (quod de lapide fertur ſerpentario) imbibere. Cæteroquin quibuſdam placet è *cardiacis aromatibus amuleta* conficere, quibus ſuccurrant *languoribus* & *deliquiis*.

Fas ſit verbo expedire, quid ſuper hæc re cenſeam, ſalvâ utcunque *tantorum Virorum* pace, haud facilè inducor, ut credam, *Amuleta quævis* ex aliquâ proprietate cuipiam incolumitatem præſtare; effectus autem quotquot paſſim extare traduntur, vel *Phantaſiæ vi*, applicationes velut *aſſimilantis*, vel rei admotæ *manifeſtâ qualitate*, produci ſuſpico; miraculi ſuperſtitionem evincit *Soleriſſ. Fienus*.

Proinde



*De Pestis præcautione.* 237

Proinde *characteres* pingendi, quibus devincerentur morbi, religio per Gentes fusa diu obtinuit; res tamen haud abest à suspitione, necne *præstigiis addicti* inventioni huic fidem, & auctoritatem conciliaverint? ope interim *infernali*, siqua sit, privatim usi: quæ precor *figurarum* energia? nisi opinemur eò quòd res medicæ Hieroglyphicè pridem depictæ erant, nè rude vulgus *Sacra Artis Mysteria* profanaret, adeoque plebs interpretationis ænigmaticæ nescia, in ipsâ *characterum* formatione, & sculpturâ, vim adversus *Luem pestiferam*, aliasque ægritudines præpotentem latere conjecit, & errorem *Posteris* transmisit.

*Innumera* propemodùm ab Authoribus traduntur *Periapta*, quorum præparationes ex aliorum libris petantur; instituto autem nostro me hâc in re cumulatè satisfactum arbitror, si ea à *Nostratibus* gesta, & apud nos magni habita proposuerim; in quorum fronte occurrunt *nucum putamina Mercurio grvida*; enimverò plurimi sat, superque creduli, ab ejus agilitate, longævitate, à dignitate, & summâ auctoritate, velut metallorum omnium genitrice, patrocini-

nium,

nium, & incolumitatem fidentèr sperabant  
 quin & à nonnullis ductum ab ejus vola-  
 tilitate, utcunque inclusi, argumentum;  
 cujus virtutem, blando corporis calore,  
 evocatam, ab *effluviis contagiosis* qua-  
 tenùs *salinis* protegere autumabant: ve-  
 rùm longè plures gerebant *Amuleta Ar-*  
*senicalia* ab *empiricis*, & *circumforaneis*  
 venundata, hæc vel conficiebantur ex  
*Arsenico simplici* cum cerâ, vel constab-  
 ant è *rebus aliis adjectis*, morbo etiam  
 appropriatis.

### Compositionis insignioris formula.

℞. Dictamni cret. pulv. 3 vij. pulv.  
 sinapi 3 ss. Benzoin. 3 ij. Arsenici veri 3 iij.  
 ol. cinnam. gutt. vij. ceræ opt. 3 v. cum  
 mucilag. gum. tragacanth. aceto rosac.  
 parat. F. pasta, unde placentæ multiformes  
 deplicatæ parentur, ad pondus 3 ij.  
 vel iij. cordis regioni admovendæ, linteo  
 serico priùs involutæ.

Recepta publicè persuasio multos ha-  
 buit *Arsenicum* magneticè *venenositatem*  
*quamlibet*, præcipuè *Pestiferam* attrahere,  
 & illam extinguere. *Secretum* quoque

*Busonum* apud quosdam in summâ erat admiratione.

Verùm quid *emolumenti*, vel *incommodi* ab *Amuletorum* applicatione contigerit, proximè, & *συντίμως* absolvam: *Observationes* singulatim recensere non vacat; profectò haud unius, aut alterius recordor, cui securitatem præstitère sola hæc *Periapta*, expectationi omninò impari; multi enim iis nimium confisi, non tantum præfidiis aliis uti prætermittebant, sed in vitæ discrimen manifestò adducti fuère ab illorum applicatione, cujus rei *Jurisperitus Senior* testis extitit locuples, quem, *carbunculus* in cordis regione germinans, ab *Amuleto Arsenicali* excitatus, intra triduum interfecit, in aliis *vesiculæ* ampliores prodibant, non tam ab attractione veneni, quàm ab *Amuletorum* vi epispastica, & malignitatis communicatione: proh itaque dementiam in tantâ calamitate, inanibus, & fictitiis, si non funestis inniti sustentaculis.

Quorsum, ut technas hæc missas faciam, ad remedia transeo efficaciora, & canonicis medicis apprimè consentanea, inter quæ *Fontanelli* eminent; per hos quascun-

que



240 *De Pestis præcautione.*

*que impuritates unâ cum veneno subtili liquorum frequenter comite, per apertas velut portas exire, communi omnium consensu sancitum habemus; quod scil. contingere suspicor, non quia partes sauciatae & ulceratae debilitantur, sed potissimum propter irritationem vasa evomere cogentem, humores reddentem fluxiles, & eos tanquam in sentinam allicientem, quò melius per commata, licet minutula evacuentur.*

*Ulcera hæc quò plura, eò res agri securior, quorum tamen amplitudo, multorum vicem commodè supplevit; ita ut sint foveæ iv. vj. vel viij. cicerum capaces.*

*Sin vero cuipiam volupe duos gerere fontanellos, in brachio sinistro unus, & alter in crure adverso aperiatur: si quid hâc in re calculus noster, & experientia valeant, intrepidus assero, quòd quoties me in loca maximè contagiosa contuli, effluviis pestiferis, non minùs quàm aere ambiente conseptus, toties brachii pars, ubi situs fontanellus, pessumè cruciabatur, effluente mox sanie, cum dolore lancinante, & pungitivo, quæ ut plurimum tenuis,*



tenuis, cruda, & sanguinolenta, dato hoc *invasionis pestilentialis* indicio, ad *Medicamentorum Alexipharmacorum* asylum illicò confugere tutissimum duxi.

*Vesicantia* porrò admota, & diu aperta, uti in *pestis curatione*, ita in *præservatione* plurimum valebant; à quorum applicatione eventus ferè semper ex animo.

Instituto jam ad umbilicum perducto, nè Manca videatur narratio hæc, atque ut omnium expectationi satisfaciam, regi nen particulare, quo ipse me (Numine etiam favente) periculum quodvis, alienæ sanitatis gratiâ, non recusantem, ab *invasione pestiferâ* muniverim, paucis exponam.

Diluculo lectum egressus, per totum semestre spatium, ex *Confectione Antipestilentiali*, quantitatem nucis myristicæ maj. deglutivi; exin rebus, quæ privati hominis erant, præstitis, in ædium mearum aulam prodii, ubi maxima Civium frequentia adventum præstolabatur: si excubitorum, si administrantium, si languentium, ulceribus nondum sanatis, si denique omnium confluentium numerus, de die in diem spectaretur, haud à Nosocomi distinguerentur ædes privatae;

R

biho:

bihorium, & sæpe trihorium impendere solebam in id ipsum, quò certior fierem de correctorum statu, cùjus rationem habere impendiò studui, quò cautiùs, juxta varias indicationes remedia pararem.

Cœtu tandem soluto jentavi, *deserviente* enim *constitutione pestilenti*, inconsultum habui, jejunos foràs prodire: tum quousque prandendi hora institerit, correctorum domos adivi, ad quos ingrediens, trochiscis super batillum carbonibus candentibus onustum projectis, aeris vitia emendare, & spiritus firmare satagebam; tabellas quoque sublinguales masticaui, quamdiu colloquium cum ægris serui.

N. B. In errore erant, qui medicamenta præcalida in ore gesserunt, scil. myrrham, rad. zedoariæ Angelicæ, zinzib. &c. unde pluriès tonsillarum inflammatio, non sine magno pulmonum malo.

Ædes insuper dum frequentarem, consilii haud immaturi fuit, me nunquam vel sudore madentem, vel anhelosum, cubicula, introire, propiùsque ad lectum accedere: animum indui pacatum, aliorum periculis admonitus, qui animi pathemata ipso corpore luebant. Visitatis per horas aliquot

*De Pestis præcautione.* 243

aliquot languentibus, Domum me recepi : prandium exorsus à vino Hispan. Stomachum acuate, reficiente Spiritus, & levem *pestis* armaturam dissipante : Cibus mensæ apponebatur conservandis, reficendisque viribus peridoneus (varietate, & copiâ tempore Civitatis lugubri proscriptis) coctu facilis, assatus salubrior elixo habitus, condimento non tam palato, quàm naturæ morbi appropriato : prandium sine vino rarissimè finivi : Sublatâ mensâ muneris publici erat, quibuscunque adventum commorantibus responsa, & præscripta dare ; his peractis usque ad horam octavam, vel nonam vespertinam, ubivis loci decumbentes invisi : penso autem diei confecto, & amicis hinc illinc convocatis, exutisque, quantum licuit, curis medicis, cœnarum vice vinum Hispan. ad Serenam usque hilaritatem haurire consuevi, ex quo somnus mollis obrepfit, & amicissima diaphoresis conciliata ; quin & tempore diurno ubi primum me aculeis pestiferis vulneratum suspicarer, indiciis à vertigine, nausæâ, & virium exolutione subitanæ desumptis, vini momentum mox hausi, à quo, per patentia

R 2

cutis



cutis spiracula, oborto sudore, *labes pestilentialis* facilè exterminaretur.

Toto morbi curriculo, bis tantùm (Tutelâ cœlo debitâ) malè me habui, contagio succubiturus; *Antidota* autem, quæ ad manus, me ocys ab omni vindicârunt calamitate.

Postremò, ut me tradam in portum de *Olfactoriis*, & de *Domorum infectarum expurgatione* quædam attexere, minimè à re nostrâ alienum fore arbitror. *Lue coortâ*, nihil inter *Cives* magis Consuetum quàm varia remedia manibus portare, & eà naribus identidèm admoveere, confecta igitur à pluribus *poma odorifera*.

Massâ ex quâ *F. poma odorifera* & pulv. rad. angelicæ, summit. rorism. & lavedulæ cum floribus ana ʒ ij, caryophyll. ʒ iiij, labdani puriss. Styracis ana ʒ iiij, omnibus præp. in commixtione adde ol. nucis mosch. per express. ʒ j. ss. ol. ligni rhod. ʒ ij. camphoræ ʒ ss. moschi gr. viij. cum ceræ opt. p. f. *F. massâ*.

Quidam diapasmata non ferentes, Galbani colati olfactu magis delectabantur: atqui ol. absynthii, rutæ, nec non ol. vel spir. è pice liquidâ quossipio exceptus, & pixide



pixide eburneâ multifori inclusus, pro remediis summè beneficis à plerisque habebantur.

Harum rerum usum protinùs improbavi; cùm epim à crebriori *suffitûs* haustuario ductus nimium paterent, per quos unâ cum odoribus cerebrum petant *effluvia pestilentialia*, ab observatione virtutis effoctæ, & nonnunquam malevolæ, nasalialia brevi exolevêre.

*Domorum expurgatio* ab aliis, atque aliis diversimodè instituebatur. methodus autem sequens instar omnium meritò censenda. Ostiis, viz. ædium, & fenestris benè clausis, olla figlina in spatii, vel cubiculi centro locetur, ut quaquaversum se diffundat vapor, tum calxi viva in decoctum seq. projiciatur.

℞. Fol. Scordii, Angelicæ ana M iij. summit. lauri, rutæ, lavendulæ ana M. j. ss. flor. rosar. pallid. sambuci ana p. ij. calami aromat. 3 v. Caryophylli. Contus. 3 iij. F. decoctio in duabus p. aq. font. & tertiâ aceti rosac. vel Sambuc. consimiliter ac lagenæ, à mucore, & situ calcis extinctione mundantur, ita ut liquorem inditum non amplius vitient, & corrumpant,

246 *De Pestis præcautione.*

pant, ita calx liquori præfato immerfa, eximia penetrationis, viriumque invictatum cum sit, seminario pestilenti perdeno aptissima videtur: Cui etiam usui optimè inserviant Trochisci. seq.

℞. Salis petrae lb i. Sulphuris ℥ iiij. benzoïn. Styracis simul liquati. ana q. s. ut formentur s. a. Trochisc. deb. exiccandi.

*Deo opt. Maximo Trinuni Laus, & Gloria in Sacula Saculorum, Qui nos tot, tantisque malis superstites, velut tot torres ab incendio utroque ex beneplacito eripere dignatus es, Te, ut ex Philanthropiâ supernâ Trojam nostram jam sanè novam, potentissimam, ac ornatissimam Conservare porrò, & protegere, atque adeò universo Orbi Britannico deinceps patrocinari velis, Supplices deveneramur.*

---

FINIS.

---

ca-  
ta-  
en  
p-  
en  
ut  
li.  
clo-  
an-  
ab  
lig-  
rnt  
iff-  
ro,  
orbi  
sup



Pestifer

Histo

qu

Nar

è

CAR

Chil

Adia

Te ni

Qum be

Es fre

Ne fore

Tuo

Procap

Mors

Deferat

Subdu

Milibu

Emini

Advecta

Lond





I N

*Pestem Nuperam LONDINENSEM ;*

*EJUSQUE*

*Historiam à Viro Cl. qui & interfuit,  
qui & ei partim curandæ præfuit ,*

*Natbanaele Hodgefio, M. D.*

*è Collegio Londinensi pertextam,*

*CARMEN ELEGIACUM.*

**C**hriste salus rerum , & tu Vitæ Spiritus auctor ,

Tuque fave cœptis , ô Pater Alme , meis :

Adsis , dum refero ( Vates ego Apolline nullo ,

Te nisi ; ) quas clades edidit atra Lues.

Cùm bello sæviret adhuc navalis *Enyo* ,

Et freta purpureo mista cruore forent :

Ne foret incolumis tellus , è littore longè

Tutò prospectans prælia facta salo ;

Prorupit mox dira Lues , terræque marique

Mors æquis tandem sæviit imperiis.

Desierat pugnare globis jam navita classe

Subductâ *Batavus* : pugna parata nova est.

Missilibus morbis certat , gaudetque ferire

Eminus incautos nex inopina viros.

Advecta est ergo , quo panni & lintea , vento

*Londinum, Hollanda credita Lerna rati.*

*Que*

*Carmen Elegiacum.*

Quæ postquam ex latebris nostras prodiret in auras,  
Confectum accenso fomite sparsa foras,  
Undique se explicuit, quæquæ via facta, secuta;  
Corrumpens validâ proxima quæque manu.  
Lapsa velut temerè, famulâ emungente lucernam,  
Myxa solet totas igne cremare domos.  
Ut loca complentur, disploso sulphure, fumis,  
Quos bene celârat fida caverna diu.  
Utque bitumineos adaperita fodina vapores  
Recludens, flammâs concipit atque vomit.  
Non aliter pestis, quæ panno inclusa latebat,  
Proruit ingenti libera facta malo.  
Vidi ego, cum fulsit liventi tincta veneno  
Stellula, quæ tantæ nuncia cladis erat:  
Quæ nebulâ incessit dum circumflecta, malignè  
In terras virtus despuit usque suum.  
Vidi funestos crines, oculisque notavi;  
Vidi, & præsentis fata futura metu.  
Scilicet humanas terrent præfagia mentes,  
Irae proludit dum pater ipse suæ.  
Illa quidem, in veras flammâs arsurâ per artus,  
Alia febribus, tendere coepit iter.  
Illa domos strage immâni, sed corpora primum  
Straverat; ut fieret par domus & dominus.  
Eripuit Cives Urbi, mox Civibus Urbem:  
Divisum imperium. Pestis & Ignis habent.  
Quod si pestiferas causas anquirere, fas sit,  
Quas ex occulto res minus ipsa docet,  
Non est dissimilis Pestis natura Veneno,  
In se etiam gravius quid, nisi pestis habet?  
Sive hæc plaga Dei est, & fati certior ictus,  
Et quemque, ut metam missa sagitta, petit.  
Sive venenato fingatur ab aere nasci:  
(Natura artificis quæpe ministra Dei est.)  
Tabificis quando aura Notis, aut acribus Euris  
Imprægnata, tonum perdidit ipsa suum.  
Corpora tabescunt, madidus si squalleat aer;  
Et fit iusto siccior, ulla rigent.

Spiritibus

*Carmen Elegiacum.*

Spiritibus gravis utriusque est. Hinc asthmata, febres,  
Et Phthisis, atque aphthæ; pestis & omnigena.  
Mittor es, Borea, quanquam violentior audis,  
Quod putrem verras aëra flaminibus.  
At vos, O Zephyri molles, semperque faventes,  
Spirate æternum lilia, vosque rosas.  
Anne id, quod Chemix credi voluere magistri,  
Verius, ex terræ viscere nata Lues?  
Nempe quod hæc mineris repleta *Mephitis* opacam  
Exhalet, cælum rustibus inficiens.  
At tu, quæ vitam dederas, si fata datura es,  
O Tellus, genitrix alma, sepulcra dabis,  
Si tibi debita mors, salrem hæc solatia præstas,  
In gremio placide posse cubare tuo.  
Denique an id vero simile est magis, astra supernè  
Ut sibi, quicquid id est juris, habere velint?  
Aereis impressa locis, vis ergo maligna  
Astrorum, pestem parturit atque famem?  
His variam cœli faciem debemus, & anni  
Proventum, incertas temporis atque vices.  
Nec tamen interea vanos laudamus *Agyptas*,  
Qui turpem quæstum nobili ab Arte petunt;  
Quæis de sorte hominum statuit malè calculus errans,  
Nascendi quem vel consilii Hora regit.  
Quicquid sit, vapor à terrâ, vel inertia Venti;  
Aut vis Astrorum, suscipit Aura notas;  
Quas in se gestat, dum curram fida ministrat  
Festi, quo latè vesta triumphet ovans.  
Sed nec se illa diu conclusam in fomite celat  
Aereo, hæc spargens undique virus & hæc.  
Haud aliter ferri massâ ex candente propago  
Ignea diffultim, foliibus acta, volat.  
At postquam certam fixere miasmata sedem,  
Atque illapsa dolo nobile viscus habent;  
Serpit amara lues per cunctas didita Venas,  
Communi prodens cætera membra neci.  
Principio morbi, correptum conscius horror  
Occupat, & gelidus concutit ossa tremor.

Tum



*Carmen Elegiacum.*

Tum languor fessio lumbos atque ilia vexat ;  
Et somni invitum dura libido premit ;  
Mox urit, qualis peracutis febribus, ardor ;  
Atque urget cordis sæpè dolentis onus.  
Singultus sequitur, suspiria ductaque ab imis  
Visceribus ; demum dira phrenesis agit.  
Extra comparent etiam certissima signa ;  
Ceruleis inter pectora stincta notis,  
Et reliquæ partes maculis liventibus ustæ,  
Ut se mancipium noverit esse luis.  
Et bubo, ut sit, per cunctos confurgit Adenas ;  
Alis, inguinibus, gutture & auriculis.  
Hic sperare licet : verum si splendidus Anthrax  
Bile tumens oritur, vix datur ulla salus.  
Sunt etenim varix facies, specièsque, gradusque ;  
Neve unam gaudet Pectus inire viam :  
Mille viæ Lethi ; postquam tu, Pectus, adeptus es  
Imperium, factæ sunt tibi mille viæ.  
Nam tu, fascibus acceptis, cum regna teneres,  
Omne genus mortis sub ditione tuâ est.  
Tabes, atque Lues Veneris, nodosa Podagra,  
Febris, Erysipelas ; omnia Pectus erant.  
Sic *Romæ* quondam inviso regnante *Nerone* ,  
Non erat amplius Urbs, Urbs erat una domus,  
Sic cum seditio fervet civilibus armis,  
Latrones omnes ad sua castra trahit.  
Illa quidem in trinâ posuit prætoriam parte :  
Cor, jecur, & cerebrum nobilis illa Trias.  
Quæ Cor invasit, lateri fatalis adhæsit ;  
Quæ Cerebrum, capiti vulnera sæva dedit.  
Quæ Jecur aggressa est pestis, descendit ad inguen  
Mitior, absque operâ, doctæ Chirurgæ, tuâ.  
Nec minus ipsi ægri variis ritibus modoque  
Ussi, quos variè ceperat ista Lues.  
Hos sævus dolor in rabiem converterat ; illos  
Sensibus orbatos presserat alta quies.  
Quo foret affectu, quas partes quisque secutus,  
Aut quid tentârît, longa referre mora est.

Hoc



*Carmen Elegiacum.*

Hoc satius deslere puto, quam dicere versu;

Hoc malim tacitis pingere lacrymulis:

Sic patri obductum est velum, cum staret ad aras

Iussa mori passis *Iphigenia* comis.

Heu! rerum facies, facies miserabilis Urbis!

Bheu! fatorum quam *Libitina* ferax!

Sandapillâ veniente omnis decedere turba,

Cedere mox fatis ipsa coacta suis.

Nutricesne loquar, quæ pravis artibus usæ

Erepta vitâ diripuêre bona?

Pestíferas *Lamias*, quæ, dum morientibus instant,

Furaces adhibent, carnificesque manus!

An viduas, quas funereis junxisse jugales

Juverat in luctu sæpè facies facibus?

Constitit hæc at enim charo lascivia turpis,

*Persephone* nuptis cum *Domiduca* foret.

Ultima pars restat, quæ sit medicina paranda,

Quam Medici melius te docuisse queant.

At quis in hæc Medicus præstantior Arte medendi

Illo, quem coram, Lector Amice, vides?

Qui stetit illæsus densa inter funera, Pesti

Victrices solitus conseruisse manus.

Ille audens animi relevamina præstitit ægris,

Cautus *Apollinâ* lusit & arte malum.

Duplicibus sertis jam te tuus ornat *Apollo*,

Cui geminam famam *Pharmaca*, Scripta dabunt.

*Cæsar* uti peragens & scribens prælia dextrâ;

Dux melior, dubium est, Historicusne foret.

Sed nec consilium deerat, quo frangere morbum

Possent, quod *Cous* fecerat antè senex.

Pestem carbonum flammis extinguere tentant;

His tamen illa magis fervet adaucta rogis.

Nec deploratis seclusio profuit ægris,

Et sanos pariter tradidit exitio.

Illud erat magnum. Mentis fiducia præsens

Reppulit intacto corpore sæpè malum.

Ingressum multo sudore ejeceris hostem;

Sic venalis erat proposita ipsa salus.

*Carmen Elegiacum.*

At si principio morbi mora ducitur, hæret  
Implicitus, (inimini,) nec facile excutitur.  
Namque & ego afflictus lethali tæbe jacebam;  
Respexit tandem me quoque diva Salus.  
O quàm Te memorem, cujus bonitate perenni  
Mors ipsa in lucrum cesserat, Alme Parens.  
O quàm tu facilis veniæ, quàm lenis in irâ?  
Tu quia mitis eras, non quia dignus ego:  
O jucunda meæ & longè pars optima Vitæ!  
Votisque & studiis otia grata meis!  
Sed neque Te, curâsque tuas, Clarissime Tymni,  
Præteream, quibus est hæc mihi parva salus.  
Summe Pater, faxis, nunquam ut partæque salutis,  
Officiique mei dememinisse velim.

*Al. Littleton, S. T. D.*



# Parochiarum in celeberrimâ Civitate

# L O N D I N E N S I

# S Y N O P S I S,

## Funerum Anno Dom. 1665. exhibens Rationem.

Num. Fun. tot.		Peste interfect.		Num. Fun. tot.		Peste interfect.	
E Parochia	S. Sancti Albani in vico Ligneo	200	121	S. Albans Woodstreet.	38	25	S. Margaret Moses.
	Omniū Sanctorum de Barking	514	330	S. S. Alhallowes Barking	114	66	S. Margaret New Fishstr.
	Omniū Sanctorum in vico Pistorum	35	16	S. Alhallowes Breadstreet.	49	24	S. Margaret Pattons.
	Omniū Sanctorum maj. ad Foenam	455	426	S. Alhallowes Great.	99	54	S. Mary Abchurch.
	Omni. Sanctorum in Mellis vinculo	10	5	S. Alhallowes Honilane.	181	109	S. Mary Aldermanbury.
	Omniū Sanctorum min.	239	175	S. Alhallowes Lefs.	105	75	S. Mary Aldermay.
	Omniū S. S. in vico Longobardico	90	62	S. Alhallowes Lombardst.	64	36	S. Mary le Bow.
	Omniū S. S. Pictorum delibuentium	185	112	S. Alhallowes Staining.	55	30	S. Mary Bothaw.
	Omniū Sanctorum supra Murum	500	356	S. Alhallowes the Wall.	17	6	S. Mary Colechurch.
	Sancti Alphegi	271	115	S. Alphase.	94	64	S. Mary Hill.
	S. Andreæ Hubbardi	71	25	S. Andrew Hubbard.	56	37	S. Mary Mounthaw.
	S. Andreæ subter Malo cereali	174	189	S. Andrew Undershaft.	342	262	S. Mary Sommerfer.
	S. Andreæ ad Vestiarium	476	308	S. Andrew Wardrobe.	47	27	S. Mary Stainings.
	S. Anne intra portam Alneæ	282	197	S. Anne Alderigate.	65	33	S. Mary Woolchurch.
	S. Anne nigrorum Monachorum	652	467	S. Anne Black-Friers.	75	38	S. Mary Woolnoth.
	S. Anthonii vel Antholini	58	35	S. Antholins Parish.	21	11	S. Martins Iremongerlane
	S. Auguftini ad portam Paulinam	43	20	S. Austins Parish.	196	128	S. Martins Ludgate.
	S. Bartholomæi pone Peristylum	73	51	S. Bartholom. Exchange.	110	71	S. Martins Orgars.
	S. Benediæ Finchi	47	22	S. Bennet Finch.	60	34	S. Martins Outwich.
	S. Benediæ in Graminolo vico	57	41	S. Bennet Grace-church.	417	349	S. Martins Vintrey.
	S. Benediæ ad ripam Paulinam	355	172	S. Bennet Pauls Wharf.	24	6	S. Matthew Fridaystreet.
	S. Benediæ Sherhugi	11	1	S. Bennet Sherehog.	44	22	S. Maudlins Mill street.
	S. Botolphi ad portam Belini	83	50	S. Botolph Billinggate.	176	121	S. Maudlins Oldfishstreet.
	Ælis Christi	653	457	Christs Church.	253	164	S. Michael Bassishaw.
	S. Christophori	60	47	S. Christophers.	104	52	S. Michael Cornhill.
	S. Clementis in Foro orientali	38	20	S. Clements Eastcheap.	179	133	S. Michael Crookedlane.
	S. Dionysii Ecclesiæ Backchurch	78	27	S. Dionys Back-church.	203	122	S. Michael Queenbyth.
	S. Dunstani Orientalis	265	150	S. Dunstons East.	44	18	S. Michael Quern.
	S. Edmund in vico Longobardico	70	36	S. Edmunds Lunbardstreet	152	116	S. Michael Royal.
	S. Ethelbæ virginis	195	106	S. Ethelborough.	122	62	S. Michael Woodstreet.
	S. Fidæ subter Templ. Paulinum	104	70	S. Faiths.	59	26	S. Mildred Breadstreet.
	S. Vedasti	144	105	S. Foflers.	68	46	S. Mildred Poultry.
	S. Gabriels in vico palustri	59	39	S. Gabriel Fen-church.	46	28	S. Nicholas Acons.
	S. Georgii in Botolphi viculo	41	27	S. George Botolph-lane.	125	91	S. Nicholas Coleabbey.
	S. Gregorii juxta Templ. Paulinum	376	225	S. Gregories by Pauls.	90	62	S. Nicholas Olaves.
	S. Helene	108	75	S. Hellens.	237	160	S. Olaves Hartstreet.
	S. Jacobi ad Ducis Hospitium	262	190	S. James Dukes place.	54	32	S. Olaves Jewry.
	S. Jacobi ad montem Allii	159	118	S. James Garlickhyth.	250	132	S. Olaves Silverstreet.
	S. Joh. Baptift. prope Galli torrentem	138	83	S. John Baptift Walbrook.	30	15	S. Pancras Soperlane.
	S. Johannis Evangeliftæ	9	5	S. John Evangelift.	61	35	S. Peters Cheap.
	S. Johannis Zachariæ	85	54	S. John Zacharie.	136	76	S. Peters Cornhill.
	S. Catherineæ Colmanni	299	213	S. Katherine Colemanstr.	114	86	S. Peters Pauls Wharf.
	S. Catherineæ Christi-Ecclesiæ	335	211	S. Katherine Cree-church	79	47	S. Peters Poor.
	S. Laurentii in Judaismo	94	48	S. Lawrence Jewrie.	560	391	S. Stephens Colemanstreet
	S. Laurentii Poulnei	214	140	S. Lawrence Pountney.	34	17	S. Stephens Walkbrook.
	S. Leonardi in foro Orientali	42	27	S. Leonard Eastcheap.	93	56	S. Swithins.
	S. Leonardi in Vedasti viculo	335	255	S. Leonard Foster-lane.	163	110	S. Thomas Apostle.
	S. Magni	103	30	S. Magnus Parish.	115	79	Trinity Parish.
	S. Margaritæ Lothberry	100	66	S. Margaret Lothbury.			

E Paroch. intra Mœnia 97. Num. Fun. tot. 15207. Peste interfect. 9887.

S. Andreæ in Holborne	3958	1103	S. Andrew Holborn.	1613	1260	S. George Southwark.
S. Bartholomæi maj.	493	344	S. Bartholomew Great.	8069	4838	S. Giles Cripplelegate.
S. Bartholomæi min.	193	1396	S. Bartholomew Lefs.	479	2785	S. Olaves Southwark.
S. Brigittæ	2111	1427	S. Bridget.	4235	3446	S. Saviours Southwark.
Præcinctura fontis S. Brigittæ	230	179	Bridewell Precinct.	4509	2746	S. Sepulchres Parish.
S. Botolphi Alneæ portæ	997	755	S. Botolph Alderigate.	475	371	S. Thomas Southwark.
S. Botolphi ad Veterem portam	4926	4041	S. Botolph Aldgate.	368	123	Trinity Minories.
S. Botolphi ad Episcopi portam	1464	2500	S. Botolph Bishopgate.	159	156	At the Pesthouse.
S. Dunstani occidentalis	958	665	S. Dunstons West.			

E Parochia extra Mœnia 16. Num. Fun. tot. 41351. Peste interfect. 28888.

S. Agidii in Campis	4457	3216	S. Giles in the Fields.	1943	1363	S. Magdalens Bermondsey
Hackneiz	232	132	Hackney Parish.	1272	1004	S. Mary Newington.
S. Jacobi ad Clericorum fontem	1863	1377	S. James Clerkenwell.	696	593	S. Mary Whitechappel.
S. Catherineæ juxta Turrin	956	601	S. Katherines Tower	4766	3855	Rotherith Parish.
Lamethæ	798	537	Lambeth Parish.	304	210	Stepney Parish.
S. Leonardi Shorditch	2669	1949	S. Leonards Shorditch.	8998	6583	

Extra Urbem confin. Paroch. 12. Num. Fun. tot. 28554. Peste interfect. 21420.

S. Clementis Danorum	1969	1319	S. Clements Danes.	391	198	S. Mary Savoy.
S. Pauli in Conventuali horto	408	361	S. Paul Covent Garden.	4710	3742	S. Margarets Westminster.
S. Martini in Campis	4804	383	S. Martins in the Fields.	156		Whereof at the Pesthouse.

E Paroch. 5. in Civit. & confinibus Urbis Westmonast. Num. Fun. tot. 12194. Peste interfect. 8403.

Numerus Funerum } Tor. 97306.  
 } Peste interf. 68596.

Præter Funera hæc enumerata, quamplurima in publicam Rationem non venere, vel ob Cleric. incuriam, vel ob privatam & clandestinam sepulturam.

Typis Guil. Godbid, & sumptibus Josephi Nevill. 1672.



# TABLE

Contents

1	1
2	2
3	3
4	4
5	5
6	6
7	7
8	8
9	9
10	10
11	11
12	12
13	13
14	14
15	15
16	16
17	17
18	18
19	19
20	20
21	21
22	22
23	23
24	24
25	25
26	26
27	27
28	28
29	29
30	30
31	31
32	32
33	33
34	34
35	35
36	36
37	37
38	38
39	39
40	40
41	41
42	42
43	43
44	44
45	45
46	46
47	47
48	48
49	49
50	50
51	51
52	52
53	53
54	54
55	55
56	56
57	57
58	58
59	59
60	60
61	61
62	62
63	63
64	64
65	65
66	66
67	67
68	68
69	69
70	70
71	71
72	72
73	73
74	74
75	75
76	76
77	77
78	78
79	79
80	80
81	81
82	82
83	83
84	84
85	85
86	86
87	87
88	88
89	89
90	90
91	91
92	92
93	93
94	94
95	95
96	96
97	97
98	98
99	99
100	100





